

WANTOK

NIUSPEPA BILONG OL PAPUA NIUGINI STRET

Ernst & Young audited/
circulation 15,177

40 pes

Namba 922

Wik i stat long Fonde Mas 5, 1992.

40 toea

De bilong holim ol nesenele ileksen i wok long paul yet

CLEMENT MIRIA I raitim

OL DE bilong 1992 nesenele ileksen i paul liklik. Long wanem ilektorel Komisnin opis i bin autim tupela ripot long ol de bilong holim ileksen.

Ileksen bai stat namel long mun Epril na Jun bilong dispela yia. Na tupela tebol i soim wanem taim ileksen bai stat, nominesen i op, taim bilong kaunim vot i pinis na wanem taim ileksen bai pas.

Namba wan tebol i tok ileksen bai stat wantaim ol ileksen pepa long Epril 2, nominesen bai pas long Epril 9, taim bilong kaunim vot bai stat long Jun 13 inap long Jun 27 na ileksen bai pas long Julai 15.

Namba tu tebol i tok ileksen bai stat long Mas 26, nominesen bai pas long Epril 24, taim bilong kaunim vot bai stat long Jun 13 na pinis long

8 pes Ragbi Lig Nius

• POM Wests gat 100 pesen sans
• 1992 tim bilong Mendi Muruks



Jun 27 na ileksen bai pas long Julai 15.

Tupela tebol i bin kam long opis bilong Komisina Rueben Kaiulo. Wantok i painimaut long tupela kain tebol na traime long kisim tok klia long Kaiulo tasol i no inap.


Tasol long wankain taim tu, wok i bin go hariap tru long stretim ol pepa long ol koman rol. Ol ilektorel opisa i raun na kisim nem bilong ol lain long vot long koman rol. Ol lain husat em nem bilong ol i no stap long koman rol bai i no inap long vot. I gat 89 ilektoret olgeta long kantri bai husat i redi nau long kisim ol pepa bilong vot.

Tasol bai i gat sampela liklik senis i kamap long hailans na sauten rijon. Long wanem, sampela nem bilong ol manmeri husat bai vot i no stap long koman rol.

Primia bilong Sauten Hailans, Albert Mokai i tok provins bilong em i bin holim bai-ileksen tupela wik i go pinis. Na nem bilong sampela pipel i no bin stap insait long vot bilong bai-ileksen.

Em i tok ol lain nem bilong ol i no stap long bai-ileksen i bin stap long koman rol bilong nesenele ileksen.

Narapela hevi em ol lain long ilektorel Komisnin i no save long wanem hap ol koman rol i stap long en. Ol pipel long Nesenele Kapitel Distrik husat i bin go long sekim nem bilong ol i painimaut olsem ol koman rol i stap nau long Hanuabada.



• Amamas long wara Zokozoi : Steven Simon, husat i gat 8-pela krismas i soim stall long wara Zokozoi Insait long Isten Hallans. Em i sindaun antap long tala na ritim niuspapa i stap. Steven i bilong ples Daulo long Isten Hailans yet.
Foto : Sape Metta.

INSAIT

• Lus askim long ol timba kampani




Palamen ripot...p4

• Wel na Ges long PNG

NEKS WIK

• Nius bilong ol yut



• Lae Katolik Sios - spesel ripot

14 memba kisim nating K575,000

No gat kaikai bilong mani

DOMINIC KAKAS
I raitim

I GAT 14 nesenele memba husat i bin kisim K575,000 long 1989. Tasol i no gat ripot i kam bek bilong

soim olsem dispela mani i bin go stret long wok ol i laikim long en.

Dispela mani i kam aninit long ilektorel Developmen Program bilong ol memba husat em Fainens minista, Paul Pora i oraitim long

kisim mani. Na Praim Minista Rabbie Namaliu tu i bin givim tok orait bilong em long dispela.

Dispela K575,000 i no stap insait long 1989 baset. Tasol long mun Julai taim palamen i

bung, ol memba husat i gat nem i kisim dispela mani.

Ol ripot i soim olsem ol memba i bin kisim dispela ol mani bilong ol kain kain projek long eria bilong ol. Ombudsmen Komisnin, opis

bilong Odita Jenerel na ol inspekta bilong Fainens dipatmen i save long dispela.

Tasol i no gat wangepela bilong ol dispela memba i bin salim ripot bilong mani ol i yusim i go long ol tripela opis

antap.

Long pastaim tru, i bin gat 19 memba i salim pas i kam bilong kisim mani inap long mak bilong K700,000. Tasol Pora i oraitim tasol 14 aplikesen.

Long dispela

K575,000, tripela memba i bin kisim mani inap long mak bilong K170,000. Na olgeta i lusim wok memba pinis. Dispela ol tripela memba em Eserom Burege (Gazelle) -

i go moa long pes.3



HINO. BOS BILONG OL HAIWE.

Ela Motors

PORT MORESBY 22 9400 LAE 43 3655 RABAU 92 1988 MADANG 82 2188 GOROKA 72 1844 MT HAGEN 52 1888
WEWAK 86 2255 KAVIENG 94 2132 KIMBE 93 5155 TABUBIL 58 9060 VANIMO 87 1254 PORGERA 508203

PLIS



RIPOT

ENGA: Narapela pait tu i kamap gen long Laiagam namel long Kilianda na Pein wan pisin. Long dispela pait wanpela man, Lawe Ul bilong Kilianda wan pisin i bin dai taim ol lain long Pein wan pisin i katim em long tamiok. Narapela man i bin dai bihain long wanpela man i sutim em long sotgan long taim bilong pait. Man ya Kep Kuipane, krismas bilong em 34 i bin wok olsem draiva bilong seketeri bilong Enga Provinsal Gavman long dispela taim.

Nau yet ol mobail skwat long Hagen i stap long provins long stapim pait.

WEWAK: Plis i tok wanpela stil pasin i bin kamap klostu long Japaraka namba wan viles long Sepik haiwe long las Fraide.

Plis ripot i tok wanpela PMV i bin lusim Wewak na i laik go bek long Maprik taim 6-pela man i stapim PMV na pretim ol pasindia wantaim tupela gan na wanpela naip.

Draiva i bin pret long laik bilong ol pasindia bilong em na i stapim PMV. Ol dispela 6-pela man i rausim ol pasindia i kam ausait na bihain kisim K50 bilong draiva na tupela bek rais bilong ol pasindia.

Ol i ranawe taim plis i kamap. Nau yet ol CID long Wewak i karim ol wok painim aut i stap long wanem as na dispela pasin i kamap.

MADANG: Wanpela stil pasin i bin kamap long not kos rot bilong Bogia long dispela wik. Plis i tok sampela yangpela man i bin stapim ka bilong wanpela kampani menesa wantaim wokman bilong em bihain long tupela i bin go long Asaramba plAntesin long baim ol wokman.

Tupela i laik go olsem long Manga plantesis na baim tu ol wokman long hap tasol taim ol dispela man i stapim ka bilong ol, ol stilim olgeta mani inap olsem long K2,200.

Provinsal plis komanda, Pius Siputung i tok plis i wok strong yet long painim ol dispela stilman.

MADANG: Plis i holim pinis tupela bilong dispela man husat i bin brukim stua teminel bilong Madang ples balus long Mande Febuari 29.

Plis i tok ol dispela 8-pela man i kisim ol kaikai na ol arapela samting na i laik ranawe taim ol plis i kamap stret na holim tupela bilong ol. Narapela 6-pela i ranawe tasol i luk olsem plis bai painim ol yet. Plis i kisim olgeta samting em ol stilman i bin stilim. I no gat wanpela samting i lus o bagarap long dispela taim.

HAGEN: Tupela yangpela meri krismas bilong ol namel long 20 na 25 i bin bungim birua long baksait long Hagen Pak Motel long dispela wik taim sampela man i bin pretim ol wantaim naip na bihain ol i bagarapim ol. Plis i no givim namba bilong ol man husat i bin bagarapim tupela na long wanem hap tru ol i bin kam long en bikos ol dispela man nogut i bin ranawe taim plis i kamap.

ENGA: Plis mobail skwat long Hagen i go stap nau long Laiagam distrik bihain long wanpela bikpela pait i bin kamap namel long Pupman na Tandapi wan pisin.

Asisten Komisina bilong Hailens Rijen, Bunu Katusele i salim pinis plis skwat long Hagen i go long dispela eria. Em i tok ol samting i lus long pait i bikpela moa. Planti haus i paia na kopi gaden long tupela eria wantaim i bin lus taim 600 man long tupela eria wantaim i pait.

Asisten Komisina Katusele i tok pait i stat bihain long sampela man long tupela wan pisin wantaim i bin haitna i go baim bia long Kandep long Sauten Hailens provins.

Enga i bin stat long tambu bilong bia long dispela taim. Ol i baim bia pinis na bihain karim i go long Laiagam.

Pait i bin kirap bihain long wanpela man Pupman i tromoi i paitim wanpela man Tandapi na dispela kirapim bikpela pait tru long Sande. Hevi bilong pait i stap yet bikos ol lain long Pupman na Tandapi i no amamas long ol samting i bin bagarap.

Ol mobail skwat bai stap yet inap olgeta hevi i pinis.

Haus paia long Brandi haiskul

WANPELA olpela skul long Papua Niugini i bin bungim birua long las wiken.

Ripot i kam long Wewak i tok olsem paia i bin kukim wanpela haus slip bilong ol pikinini man long Brandi haiskul.

Dispela paia i bin kamap long Sarere 29 Febueri, 1992. Paia i bin stat long hap pas 4 long apinun. Ripot i tok olsem paia i kamap long ilektrik waia. I bin i gat sampela bagarap i kamap long waia olsem na taim ol i pas wantaim, paia i kirap.

Paia i bin kamap long tupela plua haus slip bilong ol mangi. Paia i stat long namba wan plua na i bin kamapim bikpela bagarap stret. Ol paiaman i bin go hariap long stapim, olsem na paia i no bin kalap long plua daunbilo.

Planti sumatin i bin go long wiken taim dispela paia i kamap. Nogat man i kisim bagarap tasol ol mangi i bin lusim planti samting bilong ol.

EDF mani i no bin go long baim ol vot

SAM VULUM i raitim

MINISTA bilong Fainens na Plening, Paul Pora i givim moa long KI milien long sampela memba bilong palamen long 1990 aninit long Ilektoret Divelopmen Fan (EDF) na i no bilong baim vot.

Pora i tok long Trinde olsem ol dispela memba i raitim pas na askim long mani. Na em i no givim mani long baim ol long sapotim gavman long vot i no gat bilip olsem namba tu Lida bilong Oposisen, Sir Julius Chan i bin tok long Tunde.

Sir Chan i tok long Oktoba 21, 1990, sampela de bihain long Pora i tokaut long 1991 baset, em i bin askim Seketeri bilong Fainens long givim mani long ol dispela memba.

Sir Chan i askim Pora sapos em i mekim dispela long baim ol long vot egensim Oposisen long vot i no gat bilip long dispela taim. Em i tok planti bilong ol dispela memba i no sapotim baset. Na Pora i baim sapot bilong ol.

Em i laik save Pora i bihainim wanem rot long makim ol dispela memba. Na bilong wanem tu em i kisim bikpela mani tru long ol narapela. Mani em i kisim em K147,000.

Planti memba bilong Oposisen na Gavman husat i kisim mani i tok Pora i no baim ol. Ol i askim long mani long wokim ol projek long eria bilong ol.

Hia em nem bilong ol memba, hamas mani ol i kisim na wanem hap ol i yusim dispela mani long en:

Ted Diro Sentrel Provins Yut Kaunsil	K5,000
Katolik Sios, Bereina	5,000
Mosbi Not/Wes Yut Fan	10,000
Iru Morobi, Sauten Hailans	5,000
Gaire Yuniated Sios	10,000



Ol meri redi long ileksen • Grup bilong ol meri ol i kolim "Women and Law Committee" i putim aut wanpela liklik buk long Trinde Mas 4. Dispela buk bai klaim ol meri insait long kantri, na redim ol long votim gutpela lida long 1992 Jenerel Ilekseen, em bai kamap long Jun.

Wewak na Lae stretim ol buk bilong nesenel ileksen

WINIS MAP i raitim

SAMPELA mun tasol i stap pastaim long nesenel ileksen i kamap. Olsem na tupela provins long Momase i wok long redim ol samting bilong ileksen.

Ripot i kam long Wewak na Lae i tok olsem ol ilektoral opisa i wok long stretim ol nem bilong ol pipel. Tupela provinsal ilektoral opisa i tok nau ol i wok long sekim nem bilong ol man long komon rol.

Provinsal Ilektoral Opisa bilong Morobe i askim ol

pipel i stap insait long provins long putim nem bilong ol long prinsipal na saplimentri rol.

Em i askim ol man husat inap vot tasol nem bilong ol i no stap long komon rol long go na givim nem. Sapos yu husat i laik putim nem bilong yu long prinsipal rol yu mas go na lukim ol opisa long wan wan ilektoret bilong yu. Ol bai i no inap long kisim ol nem bihain long 25 Mas. Tasol ol bai kisim yet nem bilong ol man long saplimentri rol inap long mun Jun.

Provinsal Ritening Opisa i tok planti ol ilektoret i pinisim

na givim rolbuk i go pinis long opis bilong em. Na em i tok 8-pela konstituensi i makim pinis ol taim bilong makim vot. Ol i no makim yet taim bilong holim vot long Lae Open.

Na long Is Sepik, Provinsal Ritening Opisa i askim ol man long putim nem bilong ol long prinsipal rol pastaim long 26 Mas 1992.

Nau yet i gat ol opisa i wok long ol sampela ples long provins.

Provinsal Ritening Opisa i askim ol man husat i bin stap moa long 6-pela mun long

wanpela ilektoret long go na givim nem. Yu ken go na givim nem bilong yu long ol dispela lain Kelly Onipay (Wewak Open), Martin Viambu (Angoram Open), Simon Mailou (Ambunti Drekkir), Alois Numbuda (Wasara Gawi), George Winkindi (Maprik), Minda Manuambi (Yangoru Sausia) na Provinsal Ritening Opisa Kal Rawali.

Rawali i tok ol bai kisim 500 wokman long holim dispela ileksen. Na ol bai yusim 45 ka, wanpela helikopta, 32 moto kanu na 20 bot.

Albert Karo Woks Program	20,000
Theodore Tya Madang Divelopmen Kopresen	80,000
Melcheor Pep Tikimo/Komopona rot	10,600
Jeffery Balakau Main Famas Grup	12,000
Waimba Pembe Transpot Grup	6,000
Tenda Lau Mango Bisnis Grup	20,000
Brown Sinamoi Rot projek (ADC Chuave)	12,000
Jacob Lemeki Milen Be Wumens Kausil	10,000
Benais Sabumei Helt Senta (Ungai/Bena)	20,000
Hupai Kau Pty Ltd	15,000
Paul Pora Nokimbe Timbers Pty Ltd	30,000
(banis raunim matmat bilong Sir Okuk)	2,000
William Wi Maria Kavin Vokesenel	3,000
Banz Elcong Komyuniti Skul	13,000
Kolimba/Kolange Rot	30,000
David Beu Saiho Rurel Helt Senta	30,000
Akoka Doi Kopi Faktori	20,000
Gai Duwabane Daulo Holdings Trast	20,000
Ben Garry Ol papa graun baim	20,000
40 Mile stua	20,000
Judah Ankesim Rurel Helt Subsidi	20,000
Tom Horik Dopkum Treding	15,000
Samuel Pariwa Rai Coast Hai Skul	30,000
Masket langalio Paware/Lumusa Rot	15,000
Jerry Kavori Wowo Bisnis Grup	35,000
Galen Lang na Felix Tapineng Kopi Projek Apiam/Saut Wahgi	25,000
Philip Laki Laki na Lai Kopresen	60,000
Munjin Wara Bris Projek	15,000
Wagi Merimba Asaro/Kembogl Rot Projek	50,000
John Wauwia Rot, Skul na Helt Projek	10,000
Patterson Lowa Valoki na Malalia Helt Senta	10,000
Thomas Negints Meam Invesmen Pty Ltd	15,000
Aaron Noaio Urilolo Bisnis Grup	30,000
David Unagi Not Is Divelopmen Kopresen	10,000
Bernard Vogae Kapo Katolik Sios	10,000
Mathew Bendum Wamsif Bisnis Grup	20,000
Jim Yer Waim Rot Projek (Kerowagi)	20,000
Allan Ebu Kikori Mentenes na Konstraksen Pty Ltd	20,000
Bob Bubec Not Trast (Tabubil Kakaruk Projek)	20,000
Mathias Ijape Govemu Bisnis Grup	20,000
Utula Samana Lae Miscellaneous Wokas	10,000
Yunien	5,500
Markham Veli Hai Skul (banis)	4,500
Heldback Kongregesen, Fins..	10,000
Ainde Wainzo Helt Projek (Menyamy)	10,000
Steven Mambon Markham Pinat Famas	20,000
Joel Puaa Mur/Kaur Rot	20,000
William Ank Mendi Rot Projek	5,000
Paul Pora Kewa Bisnis Grup	10,000
Armadaleten Pty Ltd	8,000
Melta Ketega Kopi	9,000
Rowasons Divelopmen Kopresen	5,000
Kintip Kangamal Komyuniti Grup	15,000
Hagen Taun Atoriti	9,000
Leko Distributors Pty Ltd	10,000
Melville Investment Pty Ltd	6,000
Bomp Kopi	15,000
Pater Robert Maki	10,000
Roldep Bros Pty Ltd	10,000
Jacob Popuna Kopi	10,000
Lok Pok Kakaruk	5,000

Olgeta gavman stua op gen Ol ovasis grup redi tasol long helpim Not Solomons

OLGETA wokman bilong I9 gavman stua long kantri nau i go bek wok gen bihain long gavman i senisim tingting bilong en.

Namba wan Asisten Seketeri bilong Top Menesmen na Edministretiv Sevises long Fainens na Plening dipatmen, Mark Basausau i tok long wanpela pepa i go long Kontrola bilong Saplai olsem olgeta gavman stua long provins bai op gen.

Wanpela opisa bilong Pesenel Menesmen i tok ol i no inap long pinisim ol pablik sevan. Bikos i no gat mani bilong baim ol. Olgeta wokman bilong ol gavman stua bai wok gen inap long ol i kisim narapela tok save.

Long dispela taim, i gat 300 pablik sevan na ol narapela leba i wok long dispela I9 gavman stua long olgeta hap bilong kantri.

Ol wok bilong ol gavman stua i pas bihain long sampela toktok i kamap

olsem gavman i laik tanim dispela divisen i go olsem wanpela praivet kampani. Tasol bihain long sampela toktok namel long ol opisa bilong Fainens, olgeta wok i stat gen.

Wanpela sinia wokman bilong Stua na Saplai hetkwata i tok amamas long tingting bilong gavman long opim ol stua gen. Tasol em i tok ol i mas kisim ol mani gen long opim ol stua.

Em i tok divisen i laikim KI.3 milien long wok gut gen. Aninit long 1991 baset, divisen i kisim tasol K700,000 na dispela i no inap.

Em i tok divisen i wokim ol plen pinis long skruim ol wok bilong en i go long ol hap olsem Mekeo na Kwikila long Sentrel provins na Maprik long Is Sepik provins.

Tasol em i tok long mekim dispela, ol i laikim K2.5 milien long projek. Long wankain taim tu, Fainens i painim mani long givim divisen.

SAM VULUM I raitim

YUROPIEN Ikonomik Komyuniti (EEC) wantain ol narapela praivet oganaisesen long ovasis bai givim mani long stretim sindaun bilong ol pipel long Not Solomons provins taim olgeta hevi i pinis.

Praim Minista, Rabbie Namaliu i tok long 1992 baset, gavman i makim KI6 milien bilong bringim ol sevis i go bek long Not Solomons provins. Na antap long dispela, bai i gat sampela moa mani em gavman i stretim ol toktok long en pinis. Tasol ol dispela lain bai givim mani taim olgeta hevi i pinis.

Namaliu i tokaut long dispela taim em i bekim ol askim bilong memba bilong Not Bogenvil, Michael Ogio long palamen long Trinde.

Ogio i tok dispela KI6 milien em i liklik tumas. Na em i laik save sapos gavman i tingting long kisim

sampela moa mani long ovasis. Em i askim tu bilong wanem na Provinsal Afeas dipatmen tasol i givim ol sevis. Na ol narapela dipatmen nogat. Long wanem, progrem nau i go isi tru na sapos ol narapela i helpim, bai ol samting i kamap hariap.

Namaliu i tok i no gat provinsal gavman nau long Not Solomons. Olsem na minista bilong Provinsal Afeas, Pater John Momis i stap olsem primia bilong provins. Na dipatmen bilong em i go pas long olgeta wok. Tasol wanem taim ol i nidim helpim bilong ol arapela dipatmen, bai ol i askim ol.

Ogio i tok nau i gat tupela liklik balus kampani i wok long Not Solomons. Tasol sevis ol i givim i no inap. Olsem na em i laik save sapos Air Niugini i ken go tu long Buka o no gat.

Namaliu i tok i gat planti as na Air Niugini i no go long Not Solomons. Tasol em bai sekap wantaim minista bilong Sivil Aviesen na tok save long memba long taim bihain.

Ol memba stat pinis long kisim EDF mani

OL memba i stat pinis long kisim ol ilektorel divelopmen fan o "slas fan" mani bilong ol.


Toktok bilong dispela mani i kamapim bikpela hevi moa. Planti lain i komplek, tasol dipatmen bilong praim minista i go het nau long baim ol memba.

Stat long asde, 15 memba bilong palamen i kisim hap mani bilong K100,000 bilong ol. Na ol bai kisim narapela K50,000 long neks wik.

Wok bilong baim ol memba i bin stat long las wik Fraide taim tupela memba i go kros na laik kirapim trabel long dipatmen bilong praim minista. Ol wokman bilong dipatmen i bin tok no gat bikos ol pepa wok i no stret. Tasol bihain dispela tupela memba i toktok na kros i go na ol i givim tupela mani.

I luk olsem long pinis bilong neks wik, dispela olgeta K10.9 milien mani bilong ilektorel divelopmen fan bai go long ol memba.

Ol hait ripot i tok ol memba bai kisim yet dispela mani maski sapos ol i bin yusim gut mani long las 4-pela yia o no gat.



• Ol kontena pulap long Wabeg : Ol kain kontena olsem i pasim ples long ol liklik taun bilong Wabeg long Enga provins. Ol manmeri i putim kago insait long wanpela kontena arere long stua long Wabeg taun. Foto : Geoffrey Apakali.

Yuni tisa orait long haus sik

WANPELA tisa bilong Journalisim long Yuni- vesiti bilong Papua Niugini (UPNG) nau i wok long kamap orait gen long Mosbi haus sik. Ol raskol i bin sutim em long naip long las wik Fraide.

Tisa ya, Maurice Kneebone bilong Nu Silan. Na em i bin kam tis long UPNG long las yia. Em i bos bilong Journalisim Dipatmen long UPNG.

Wantok i bin go lukim Maurice long Trinde na em i tok olsem em i laik lusim haus sik long tude na go lukim ol studen bilong em husat bai greduet long UPNG.

Em i stori olsem ol man nogut i sutim em long samting olsem 1 klok long Fraide. Em i bin slip na ol man nogut ya i go long haus bilong em.

Mani no gat kaikai long en Ol kalabus yut senta kisim mani

i kam long pes 1

K50,000; Wiwa Korowi (Sauten Hailans provinsal) - K60,000; na Marabe Makiba - K60,000.

Orait hia em lista bilong olgeta 14 memba na hamas mani wantaim projek ol i bin kisim mani long en:

• Paul Wanjik (Wosera Gawi) - K20,000 bilong ol wok aninit long Gawi lokal gavman kaunsil: sek namba 10552;

• Lucas Waka (Wes Nu Briten provinsal) - K20,000 bilong helpim Bola komyuniti skul: sek namba 10550;

• William Ank (Mendi Open) - K40,000 bilong OIC Muniru sab-distrik opis, Mendi: sek namba 10551;

• Burege (Gazelle) - K50,000 bilong Lasul komyuniti gavman: sek namba 10553;

• Arnold Marsipal (Manus provinsal) - K50,000 i go long Manus Developmen Tras Akaun bilong Marsipal long PNGBC beng, Manus: sek namba 10554;

• Wagi Merimba (Kundiawa) - K15,000 i go long tras akaun bilong Kundiawa provinsal woks menesa: sek namba 10555;

• Paua Joel (Baiyer Mul) - K50,000 bilong Westen Hailans Enjiniering Yunit: sek namba 10556;

• Haralu Mai (Tari) - K50,000 bilong Tari Raun Wok Propriety Pty Ltd: sek

NESENEL Kot i tokim nesanel gavman na Dairekta bilong Child Welfare long baim K17,980 i go long Sacred Heart Brothers long Hohola Riman Senta.

Suprim Kot i tok olsem jas husat i go pas long kot long Tunde Februari 3, 1992 i no lukluk long tok orait gavman i putim long pepa wantaim ol Sacred Heart Brothers long 1989. Na em i askim gavman long baim dispela mani hari-

ap.

Kot i harim olsem ol lain Sacred Heart Brothers i no givim ripot long wanem rot ol i yusim mani. Tasol em i lukautim gut ol yangpela man husat i slip na kaikai long banis bilong ol. Dispela em i wanpela promis ol i bin wokim wantaim gavman long las yia. Tasol gavman i no helpim ol bruder wantaim dispela mani.

Las yia, kot i tokaut olsem moa long K20,900 bai i go long

han bilong Sacred Heart Brothers long lukautim ol yangpela kalabusman. Tasol gavman i no lusim dispela mani long han bilong ol. Long dispela as Sacred Heart Brothers i bringim dispela

i go moa long pes 5

FRI BAIBEL KOS
YU KEN KISIM SKUL LONG SALIM PAS
 Salim nem na edres long:
WORLD BIBLE SCHOOL, Dept. PN2,
P.O. Box 9346, Austin, TX 78766 USA

TORO
 TORO SAVE STILIM KAKARUK BILONG SAMPELA OL LAIN LONG HAP SAIT ROT NA OL I LES PINIS...

TASOL TORO SAVE BEL I TAIT STRET LONG KAKARUK BILONG OL OLGETA NAIT...
 MAMN..SLURP..YUM.. FRI KAKARUK..SWIT MOA!
 TUMORA BAI MI GO STILIM BIK WAN!

WANPELA NAIT,ONA BILONG KAKARUK I TINGIM WANPELA AIDIA...
 BLARI GX?I? BA MI WETIM EM NAU LONG NAIT!

NAU EM I GO INSAIT LONG HUKS KAKARUK NA WET I STAP... TASOL AI BILONG EM I SILIP NA EM SILIP INDAI...
 ABE! BIK WAN I STAP!

EM I LUKIM WANPELA KAKARUK I SINDAUN ANTAP LONG LEK BILONG MAN YAH NA TING BIKPELA KAKARUK STRET...
 YUM..YUM TOTE BAI MI KAI..KAIM KAKARUK..YAH!

KAKARUK I PLAI PINIS IGO TASOL TORO PULIM LEK BILONG MAN YET... MAN YAH BIKMAUS NA TROMOI BUS NAIP NA ABRUS...
 YU TAGOL!! GX?I? ABE!SORI!! MI TING YA, KAKARUK..YAH!

TORO I KAMAP... EM I NO SAVE OLSEM MAN I SILIP I STAP.
 NAU EM KARIM KAKARUK WANTAIM LEK BILONG MAN.

MAN..TORO TING LAIP BILONG EM PINIS..EM TEK-DE..

WANTOK

NIUSPEPA BILONG OL PAPA NIUGINI STRET

Memba no ken holim mani

Ripot i soim olsem 14 memba long palamen i kisim moa long K500,000 long 1989 aninit long lilektorel Developmen Progrem, na i no gat wanpela ripot bilong ol dispela mani.

Dispela mani i no bin stap insait long 1989 baset. Tasol olgeta memba insait long palamen i bin aplai, na Fainens Minista Paul Pora i oraitim aplikesen bilong 14 memba tasol.

Sampela bilong ol dispela memba i no moa stap long palamen.

Na dispela mani ol i kisim i bilong developim projek long eria bilong ol. Tasol opis bilong Odita Jenerel, Ombusmen Komisn na ol inspekta bilong fainens i save long dispela, tasol ol i no kisim wanpela ripot yet.

1992 Jenerel Ilekse bai kamap long Jun. Bikpela askim nau em ol pipel bai bilip long husat tru, na votim i go insait long palamen. Ol pipel i tingting nau olsem wanem kendidet ol i votim bai mekim wankain pasin yet. Bikos mani em narapela kain samting em i ken senisim tingting na pasin bilong ol pipel.

Yupela ol memba i mas save olsem em i no mani bilong yupela, em i pablik mani. Olsem na no ken yusim long amamasim yupela yet.

Gavman i mas strongim nau wok bilong Ombusmen Komisn, bai komisn i ken sekim moa memba olsem.

Sapos no gat, stapim pasin bilong givim mani i go long ol memba. Mani i mas go stret long ol projek bilong em. No ken tru kamap long ol memba.

Ripot bilong Palamen kibung long dispela wik Lus laik save long ol timba i lusim kantri

SAM VULUM i raitim

PAPUA Niugini i gat 36 kampani nau i katim timba long ol kain kain hap bilong kantri.

Minista bilong Fores, Jack Genia i tok sampela bilong ol dispela kampani i wok olsem

ol pemit holda na sampela i wok olsem ol kontrakta.

Genia i tokaut long dispela taim em i bekim ol askim bilong memba bilong Maprik, Sir Pita Lus long las wik Fraide. Sir Lus i laik save hamas kampani bilong ol narapela kantri i katim timba nau long PNG. Em i askim tu

long hamas kampani i wok bung wantaim ol PNG kampani yet na hamas timba ol i salim pinis na long wanem ol hap.

Genia i tok antap long dispela namba i gat narapela 3l timba kampani bilong PNG i bung wantaim 39 ovasis kampani i kamapim 69 kam-

pani olgeta i katim timba long kantri nau long dispela taim.

Em i tok ol dispela kampani i wok long 48 fores eria long kantri. Insait long dispela namba, 42 i wok aninit long TRP. Na narapela sikipela wok aninit long LFA. Dispela 48 eria i karamapim bikpela bilong graun inap olsem 2.44 milien hekta.



Genia tokaut long wok bilong Josephstaal timba

JOSEPHSTAAL timba projek long Madang provins bai kamapim K30 milien profit insait long dispela 15 yia em kampani, Cosmos Risoses bai katim timba long en.

Na insait long wanpela long ol dispela 15 yia, ol pipel long eria bai kisim K800,000 olsem royelti, K400,000 long egrikalsa developmen na K468,000 long wokim ol rot, bris, helt senta, skul na ed pos.

Minista bilong Fores, Jack Genia i tokaut long dispela taim em i bekim ol askim bilong memba bilong Bogia, Tim Ward long las wik.

Genia i tok antap long dispela, samting olsem 730 pipel bilong ples bai kisim wok na kampani bai yusim K40,000 long baim ol long wan wan yia. Kampani bai wokim tu rot long Talia Be i go long Josephstaal.

Em i tokaut tu olsem Jant kampani, husat i katim timba long Gogol Naru timba eria, i baim pinis K4.1 milien i go long ol papa bilong graun olsem royelti mani namel long 1979 na 1990.

Genia i tok pastaim long 1989, ol papagraun i kisim 25 pesen, provinsal gavman i kisim 50 pesen na nesanel gavman i kisim 25 pesen. Em i tok ol i save olsem provinsal gavman i givim sampela sea bilong ol i go long ol papa graun tu.

Tasol long mun Janueri 1989 dispela sistem i senis. Ol papa graun i kisim 75 pesen na 25 pesen i go long provinsal gavman. Tasol em i tok Nesanel Fores Polisi bilong 1990 i tok olgeta royelti mani i mas go long ol papa graun.

Ol tisa long Sandaun laik lukim as ples – Mambei

PLANTI ol long-sevis tisa bilong ol narapela provins husat gavman i tok long pinisim ol taim ol i tis long Sandaun provins i laik save long wanem taim bai ol i pinis pastaim long ol i ken go bek long provins bilong ol.

Memba bilong Aitape/Lumi, Paul Mambei i tok planti bilong ol i wet yet long gavman. Na em i laik save sapos gavman i gat sampela skim we em i ken stretim ol dispela tisa na bai ol i ken go bek long provins

bilong ol. Minista bilong Edukesen, Utula Samana i tok gavman i bin makim K3 milien long 1991 baset bilong baim ol tisa husat i tis 25 o 30 yia pinis tasol ol i stap yet. Em i tok i no gat kain

skim bipo long tisa sevis. Na dispela em i namba wan taim Edukesen dipatmen i mekim olsem we 200 tisa bai pinis na kisim pe aninit long skim. Em i tok taim ol nupela tisa i kamap, ol olpela tisa bai pinis long wok.

Na long 1992 baset, gavman i makim K2.5 milien bilong dispela skim na bai i stap yet long ol yia bihain. Samana i tok long hevi bilong ol tisa long Sandaun provins, em i laik painimaut moa.

WANTOK

NIUSPEPA BILONG OL PAPA NIUGINI STRET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00

3:42 BIABIA GO LONG PLES BILONG EM STRET LONG KEMPEI...



20 YIAS STRET EM I NO SAVE GO LONG PLES... KIUSTU ILEKSON KAMAP NA FES TAIM TRU EM GO LONG PLES...



YU HUSAT? MIPELA I NO SAVE LONG YU?



OL LAIN BILONG EM KIRAP NA OL I RAUNIM EM...



MAN, BIABIA I NO ISI LONG TEK-OFF IKAM BEK LONG MOSBI...

Ombudsmen na lilektorel komisn bai kot long kolim ol memba ol katun

BOS bilong Ombudsman Komisn (OC) na lilektorel Komisn (EC) bai kamap long palamen na tok klia long wanem as na ol i putim ol katun bilong ol memba long pablik.

Spika bilong nesanel palamen, Dennis Young i tok long Tunde olsem ol i painimaut olsem OC na EC i brukim seksen 8 (2) bilong lo bilong palamen. Aninit long dispela seksen i no gat man i gat rait long tok pilai o bagarapim nem bilong ol

memba bilong palamen. Dispela i kamap bihain long memba bilong Kerowagi i tok wanpela ripot bilong Ombudsman Komisn i soim ol memba olsem ol katun. Em i tok dispela i nogut tru bikos ol pablik bai ting olsem ol memba em wankain olsem ol katun.

Jim Yer Waim i tok wankain katun i bin stap long notis bod long opis bilong lilektorel Komisn.

Mani no gat kaikai long en

i kam long pes 3

- namba 10557;
- Tenda Lau (Lagaip Porgera) - K60,000 bilong Tenda Lau Tras Akaun: sek namba 10558;
- Korowi (Sauten Hailans provinsal) - K60,000 bilong Wiko Developmen Kopresen Pty Ltd: sek namba 10559;
- Babadi Swasi (Midel Flai) - K50,000 bilong Midel Flai Invesmens na Holdings Pty Ltd: sek namba 10560;
- Makiba - K60,000 bilong em yet long Raun Wok Pty Ltd: sek namba

- 10561;
- Albert Kipalan (Wabag) - K20,000 bilong em yet long Nandi Grup: sek namba 10562;
- Samuel Pariwa (Raikos) - K50,000 bilong helpim 7-pela grup: sek namba 10563 go long Rem komyuniti skul (K10,000), Dumpu komyuniti skul (K10,000) M.V. Agalo (K10,000), Naiko komyuniti skul (K5,000), Bongu komyuniti skul (K5,000), Bugadjim komyuniti skul (K5,000) na Lamtub komyuniti skul (K5,000).



■ WANPELA bikhet boi bilong Kerema, Pipi, i go kalabus long Buimo long Lae. Orait wanpela de mama i laik go lukim em. Olsem na em i go long Welfea Opis bilong kisim tok orait pepa. Mama i go insait long Welfea Opis na wanpela opisa i askim em, "Yes mama?" Mama tu i no save gut long Tok Pisin i kirap na tok, "Fifi Fefa. Puimo." Welfea opisa i paul na kirap askim gen. Tasol mama i givim wankain bekim yet, "Fifi Fefa, Puimo." Welfea kisim tingting nau na kirap sainim wanpela tok orait pepa. Em givim long mama na tok, "Disfela em fefa pilong Fifi. Yu i ken i go long Puimo na lukim em."

Sape Metta,
Goroka, E.H.P.

□ WANPELA man i apim tellpon na ringim poro bilong em Joe. Tasol olgeta lain i go long stua na hausbol tasol i stap. Hausbol i kam kisim tellpon na poro bilong Joe i askim, "Joe i stap?" Na hausbol i tok, "Nogat. Em i go aut." Nau poro bilong Joe i askim gen, "Na misis bilong Joe i stap?" Na hausbol i tok, "Em tu i go aut." Em nau, poro bilong Joe i askim hausbol, "Na yu?" Hausbol i bekim, "Nayu tu i go aut."

Sape Metta,
Goroka, E.H.P.

■ KANAGE go stap malolo long Simbu na go wantaim ol poro bilong em long wanpela bung bilong "karim lek". Ol i go kamap long wanpela haus na go insait. Tasol Kanage i no save long wanem samting em i "karim lek". Ol manmeri i wok long hatim singsing i stap nau na ol poro tokim Kanage long "karim lek" bilong meri i sindaun klostu long em. Boi kirap tasol putim tupela han i go aninit long tupela lek bilong meri na aisim. i kam slip antap long solda bilong em. Olgeta singsing na toktok tu i stop long dispela taim.

Lawrence Itaitai,
Kimbe, W.N.B.P.

□ MAN bilong wanpela meri Talasea i salim em long go balm mentel bilong kaslam. Meri tu i no save gut long Tok Pisin na taim em i go kamap long stua, em i paul olgeta na kirap tokim stuakipa, "Hei, mi laik balm pamim pamim." Stuakipa i go kisim pralmis i kam na meri i tok i no dispela. Tupela i mekim i go na meri i lukluk i go daun long glas na lukim mentel bilong kaslam na bikmaus, "Em ya, dispela pamim pamim mi laik baim i stap ya!"

Andrea Pake,
Kimbe, W.N.B.P.

■ OLTAIM dispela man Sepik i save kisim mani bilong welpam pinis na i no save givim long meri pikinini. Wanpela Fraide meri bilong em i bihainim em i kam na bungim em i sanap gris wantaim wanpela K2 meri i stap. Meri bilong man Sepik i kirap bikmaus antap long man bilong em, "Lukim em, wokim dispela kain pasin na lewa bilong yu i blak pinis." Man Sepik i kirap na bekim, "Em i orait, em yu tasol i penim."

J. Karoll,
Kimbe, W.N.B.P.

□ BIKBRAS bilong Kanage sik nogut tru na slip arere long pala i stap. Ol liklik kandre bilong em i pilai i kam na lukim em i slip as nating i stap arere long pala. Kwiktai wanpela i go hoilm as bilong em na olgeta i ranawe go halt. Kanage i kalap nogut na kirap bikmaus, "Wanem dispela meri i kam hoilm nabaut ya? Laki na mi no hoilm em. Sapos mi hoilm em, em bal wokabaut long bel."

Amgo Redscar,
Wewak, E.S.P.

moa tok pilai long pes 19

Provinsal baset i no karamapim helt na edukesen

MARYLAND DISE I raitim

MOROBE provins bai kisim bikpela hap bilong mani long nesanel baset bilong dispela yia. Mani em bai kisim i winim mani bilong ol arapela provins. Baset alokesen bilong Morobe i sanap olsem K23.5,000,000. Bihain long Morobe em Westen Hailans wantaim K22,000,000. Ol

narapela provins i stap long oda bilong bikpela mak bilong baset i go long liklik em; Isten Hailans, K20.9,000,000; Sauten Hailans, K19.9,000,000; Enga K19.8,000,000; Is Nu Briten, K19.3,000,000; West-en, K18.6,000,000; Madang na Is Sepik i gat wankain mak bilong K18.3,000,000; Milen Be, K17.7,000,000; Simbu long K16.9,000,000;

Not Solomons bai kisim K16.3,000,000; Sentral provins bai kisim K15,000,000; Sandaun, K14.8,000,000; Nu Ailan, K13.1,000,000; Wes Nu Briten bai kisim K12.5,000,000; Galp provins; K10.6,000,000; Oro provins, K9.9,000,000 na Manus bai kisim K7.1,000,000.

Baset bilong dispela yia i karamapim tu 22 pesen em kantri bai yusim long 1992. Na bung wantaim hap mani bilong go ol wan wan provins. Tasol dispela baset i

no karamatim ol sevis long provins olsem edukesen na helt. Dispela ol samting i stap long han bilong ol wan wan memba yet long lukluk.

Minista bilong Fainens na Plening, Paul Pora i askim nau olgeta provins long mas skelim tingting long apim takis long ol sevis i stap long ol provins. Em i tok ol takis bilong kaikai long stua i wanpela bikpela wari we planti manmeri i save painim hevi long en. Ol bisnis i amamas tasol long pulim planti mani i kam long takis bilong ol pipel.

Ol wanpisin laikim K20,000 kompensesen mani

OL lain wanpisin bilong wanpela man Simbu i laikim K20,000 kompensesen.

Wanpela bafalo o bikbel i bin kilim dispela man long Kimbe, Wes Nu Briten provins. Na ol i laikim gavman bilong Wes Nu Briten i givim ol dispela mani bilong bekim indai bilong man ya.

Dispela man em Joachim Siwi. Ol ripot i tok em i bin dai long Nonga Bes haus sik long Rabaul long las wik Trinde.

Long Fonde 27 Februari, tupela brata bilong dispela man, Joseph na Peter Siwi wantaim ol arapela hauslain i bungim ol opisa bilong Wes Nu Briten provinsal pis na gut oda komiti na askim long dispela mani.

Ol kalabus yut senta kisim mani

i kam long pes 3

hevi i go long kot. Olsem na long Januəri 27, 1992 ol i kamap long kot long dispela mani. Na kot i tokaut long Tunde Mas 3. Mani gavman i no givim long Sacred Heart Brothers long laspela kwata bilong 1990

Ol i tok Joachim i bin marit inap long 4-pela mun tasol. Na indai bilong em i bringim bikpela pen na wari wantaim hevi long meri bilong em. Na tu ol i tok olsem ol i mas kisim dispela mani pastaim long ol i planim bodi. Long wanem ol i no inap kisim mani taim bodi i stap pinis long matmat.

Ol ripot i tok bodi bilong dispela man i stap yet long Nonga haus sik. Long wanem i no gat mani bilong salim bodi i go bek long Kimbe.

Asisten seketeri bilong Kimbe distrik, Kana Wamala i tok Kimbe haus sik bai baim rot bilong salim bodi i go bek long Kimbe.



• Wanpela man long nem bilong ragbi lig, Andrew Limi na meri bilong em Lyn na tupela twins pikinini meri, Andrea na Linda i sekim sampela buk long MV Doulos, taim em i sua long Madang las wik. Poto Sape Metta.

Komiti bai sekap long ol haiskul spes long Wes Sepik

WANPELA komiti bai painimait long wanem as na namba bilong ol studen bilong go long gret 7 long dispela yia i bin abrusim tru mak.

Wes Sepik provins i gat 7-pela haiskul. Na namba bilong ol studen ol i makim bilong go long haiskul i antap moa yet. I bin gat 637 ples long ol haiskul.

Tasol Edukesen komiti i bin makim narapela 99 sumatin moa long dispela namba.

Tasol mausman bilong ol papamama long Vanimo, John Wotong i tok Primia Yalu na gavman bilong em i makim dispela komiti bilong haitim ol rong bilong ol.

"Long lukluk bilong

mi, gavman i no gat gutpela plen bilong edukesen. Long toktok bilong em long Februari 28 asembli kibung, provinsal minista bilong Edukesen i tok strong olsem Fainens na Plening Sevises i mas wok moa klostu wantaim Edukesen long kamapim gutpela plen.

"Dispela i soim olsem gavman i no redim gut plen i stap bilong givim inap mani long Edukesen dipatmen long mekim gut wok bilong en," Wotong i tok.

Long dispela kibung bilong Februari 28, minista bilong Edukesen Carolus Yuni i tok, "Fainens na Plening Sevises i mas wok

bung na klostu wantaim Edukesen.

"Mista Spika, mi mekim dispela toktok long askim strong olsem dispela i mas kamap. Bikos long dispela yia, gavman i bin katim bikpela mani bilong Edukesen we ol PEB sevis na meteriel i kisim bikpela bagarap tru."

Lapun lida bilong Madang i dai long sik

WANPELA lapun lida bilong Madang i bin dai long las wik.

Dispela man em Lawrence Duguman bilong ples Dilan long not kos eria bilong Madang provins. Duguman i gat 65 krismas taim em i dai. Na i bin holim wok bipo olsem wanpela tisa, edministreta na mejistret.

Duguman i bin gat bikpela sik na i go stap long Madang haus sik taim em i dai. Em i marit, i gat 5-pela pikinini na 5-pela liklik tumbuna.

Bikpela lotu bilong tingim Duguman i bin kamap long Holi Spirit haus lotu. Long dispela taim, Angmai Bilas

husat i makim provinsal gavman i tok, "Mipela i wari long lusim wanpela gutpela lida. Tasol mipela i ken amamas long ol wok em i mekim."

Ol i planim bodi bilong Duguman long taun matmat.

Duguman i bin statim skul long Alexishafen tupela yia pastaim long Wol Woa 2 i bruk. Taim ol Japan i krungutim Madang, Duguman wantaim ol arapela yangpela man i ranawe i go hait long ol maunten long Vidar inap long woa i pinis long 1945.

Bihain long woa, Katolik Sios i kisim gen Duguman

long wok. Na em i helpim Pater Engelmundus Van Bar na wokim wanpela haus lotu long Mailun plantesin klostu long Rempi. Bihain em i go na wokim tupela haus lotu long Munumbo na Bogia we i sanap yet i stap.

Tusbab haiskul tu i kamap long hatwok bilong Duguman. Tasol ol i save kolim dispela skul bipo olsem Madang Sentrel Gavman Skul. Em i stat wok tisa wantaim 60 studen long Tusbab long Tok Pisin. Na em yet i bin helpim long kirapim Bogia na Sarang komyuniti skul.

Long 1971, Duguman i lusim wok tisa na kamap olsem wanpela mejistret. Na i save go harim kot long Enga, Westen Hailans, Isten Hailans, Is na Wes Sepik na Madang provins. Na long 1987, em i lusim dispela wok.

Duguman i bin go pas tu long kirapim Probesen na Parol Sevises long Goroka long 1983. Tasol em i no stop. Long 1989, em i kamap wanpela kansol long Sungilbar Lokal Gavman Kaunsil. Tasol bihain long 4-pela mun, em i risain. Long wanem sik i bagarapim em olgeta.

TU MINIT TINGTING

PAPA I NO SAVE LUS TINGTING

"Taim em i stap longwe yet, papa i lukim em i wokabaut i kam...na papa i ran i go long em." (Luk: 13:20)

SAPOS i gat tok long pasin sori na pasin pogiv, oltaim yumi Kristen i save tingim stori bilong Jisas. Em i dispela stori we pikinini i ranawe na bihainim pasin nogut na bihain em i kam bek long papa. Papa ya i no bin givap long pikinini. Yu lukim: long stori papa i wet, wet long pikinini i mas kam bek. Na long taim em i lukim em i kam, papa yet i hariap i go long pikinini, na i givim kis long em, na i pogivim em.

Jisas i laik bai dispela papa em i makim God Papa. Na Jisas yet em i man bilong pogiv. Long Nupela Testamen i no gat wanpela man o meri Jisas i no bin pogivim.

Len em i taim bilong kisim pogiv long Jisas long ol rong yumi bin wokim. Bilong piksaim dispela aidia, ol i bin droim wanpela piksa long banis bilong wanpela sios long Jemani. Piksa i soim Satan i holim wanpela longpela pepa o lista. Hia em i bin raitim daun olkain rong ol manmeri i bin wokim, na nem bilong ol sinman tu i stap wantaim. Nau Satan i lukluk long Jisas i hangamap long diwai

kros na em i tok bilas long em olsem, "Yu lukim dispela longpela pepa i pulap long ol sin bilong ol manmeri bilong graun? Ol dispela lain i pipel bilong mi."

Nau wanpela ensel i kamap wantaim wanpela hap kapok na i kisim blut na wara i kamaut long hapsait bilong Jisas, na i wasim dispela pepa na i tekewe olgeta rait i stap long en. Dispela i laik soim olsem: blut bilong Jisas i tekewe ol rong na i pogivim ol. Papa long stori bilong Jisas i bin mekim wankain long ol rong bilong pikinini bilong em.

Long tingting bilong mi, wanpela as bilong wanem yangpela ya i bin tromoim nating olgeta pe bilong em, em i dispela: em i no save olgeta long winim mani long wok bilong em. Em i bin kisim nating na dispela i bin faulim em. Mi save long wanpela papa long Mosbi na em i

save mekim narakain tru, long skulim ol pikinini bilong em long ol mani i save lus we long olgeta potnait. Long taim bilong potnait, em i save go long beng na i askim ol long tanim olgeta pe bilong em i go long tu kina, tu kina pepa mani tasol.

Kamap long ples, nau em i bungim famili bilong em nabaut long tebom long rum kaikai. Orait, nau papa i putim hip tu kina mani namel long tebol na ol pikinini i kirap nogut. Long wanem, em i antap liklik. Nau papa i stat long tlim mani long planti liklik hip. Wanpela hip em i bilong baim kaikai inap long tupela wik. Narapela hip em i bilong baim klos. Narapela i bilong baim lektrik pawa na ges na wara long taun. Narapela i bilong ol skul fi na ol PMV na bas. Narapela hip em i bilong faksim ol samting i bin bagarap long haus. Bihain nau papa i

holim 4-pela kina tasol i lep. Em i mas inap long baim samting bai kamap insait long dispela potnait.

Nau tasol ol yangpela i lukim ol mani bilong potnait i save go we. Ating yangpela long stori bilong Jisas i no bin gat dispela kain eksperiens; olsem na em i go bagarap.

Yangpela man o meri i save goaut na winim wan siling bilong em yet i no save pundaun kwik-taim long olkain rong olsem dispela yangpela man long stori. Planti yangpela boi na meri tumas long PNG i no save liklik long mani i kam long wanem hap. Ol i lukim olsem em i kamap nating long han bilong papa o mama o gavman. Tasol ol i no save husat i hatwok na i brukim bun na i karamap long tuhat bilong winim dispela mani. Em i gutpela pasin bilong ol haikul boi na meri i goaut long



FRANK MIHALIC I RAITIM

taim bilong vekesen, na painim wanpela liklik wok.

Long Divain Wot Institut long Madang, ol boi na meri i stadi long kamap bisnismen, i mas go aut long fri taim bilong ol klostu long krismas na wok insait long wan wan kampani. Ol i no kisim pe. Nogat. Ol i wok nating bilong kisim eksperiens. Na planti i kam bek long skul na i narakain liklik. Sapos wanpela studen i no laik goaut na kisim dispela eksperiens, em i no inap kisim setifiket o greduet.

Tarangu, yangpela man long stori bilong Jisas i no bin gat dispela eksperiens; olsem na em i pundaun isi tumas long olkain rong.

Nupela plen bilong Wabag daiosis i gat 10-pela ston bilong daunim

Pater PAUL LIWUN, S.V.D. i raitim

WANPELA bikpela bung bilong olgeta 16 peris bilong Wabag Katolik daiosis i bin kamap long Holi Spirit Senta long Par, Enga provins.

Dispela bung i bin stat long 14 Februari na pinis long 22 Februari, 1992.

Wan wan Katolik peris insait long daiosis i salim ol mausman na meri bilong ol i kam bung wantaim ol pater, bruder, sista na ol arapela sios woka bilong Wabag daiosis.

Dispela bung i bin wanpela bikpela bung bilong Wabag Katolik daiosis. Bikos em i lukluk bek long plen bilong daiosis long 1986 i kam inap long 1991. Na wokim nupela plen bilong yusim long 1992 na i go.

Long taim bilong Edven long las ya, olgeta komynuniti insait long Wabag daiosis i bin bung na toktok long olpela plen. Orait bihain

ol i autim tingting bilong ol i go long wanpela komiti husat i makim de bilong holim dispela bikpela bung long las mun.

Komiti i redim sampela askim na salim i go long wan wan komynuniti bilong skelim. Namel long dispela i gat 5-pela bikpela "ston" i stap long plen bilong bipo. Dispela ol 5-pela ston em:

- yumi sot long gutpela skul na strongpela laik long bihainim;
- yumi no pilim na amamas tru long as bilong ol sakramen na lotu;
- yumi gat planti hevi long marit;
- yumi no wok bung wantaim; na
- kain kain senis i kamap long daiosis i paulim yumi.

Ol kristen bilong Wabag daiosis i laik rausim ol dispela ston. Bikos ol dispela ston i pasim Gutnius bilong go insait tru long bel bilong wan wan man na meri.

Na inap long 5-pela yia long 1986 i kam long 1991, Katolik Sios i bin wok hat long Wabag bilong rausim ol dispela ston. Tasol i no olgeta i go. Sampela i


stap yet na liklik senis i kamap.

Insait long dispela bung, i bin gat ol prea na toktok na kibung bilong painim nupela plen. Na dispela olgeta samting i kamap aninit long het tok "Komyuniti i olsem famili bilong God i pulap long amamas, na serim laip tru. Dispela laip em i laip bilong God Papa i kam long Jisas Krai long strong bilong Holi Spirit".

Olgeta toktok, kibung na prea i painimaut 5-pela nupela plen, gen. Na dispela i bringim namba bilong ol ston i go antap long 10-pela. Ol pipel yet i painim narapela 5-pela ston we i banisim rot i go long bel bilong ol pipel. Olsem na Gutnius bilong Jisas Krai i no bin go insait tru long laip na bel bilong ol kristen manmeri na pikinini.

Dispela ol 10-pela ston i bruk i go kamap 6-pela bikpela ston. Ol dispela ston em:

- yumi gat planti hevi i stap long famili, marit na yut;
- yumi no save wok bung wantaim;



• Bisop Herman Raich, S.V.D. bilong Wabag daiosis i tok welkam long olgeta manmeri long Holi Spirit Senta long Par, Enga provins.

- yumi sot long gutpela skul na strongpela laik long bihainim. Na tu yumi no pilim amamas tru long ol as bilong ol sakramen na lotu;
- yumi hangre long mani na pawa;
- i gat bikpela trabel na hevi i kamap long pasin birua, pait na i no gat pasin pogiv long laip bilong yumi yet; na

- yumi no klia long kalsa bilong yumi yet na kalsa bilong ol narapela. Na kain kain senis i paulim bilip bilong planti manmeri.

Dispela olgeta plen nau i stap long wanpela buk. Komiti bai wokim dispela buk na salim i go long olgeta sios woka long

i go moa long pes 7

Ileksen De bilong Papua Niugini, Me - Jun 1992

Long Ogas na Novemba 1991, Nesenel Palamen i bin oraitim sampela senis long Konstitusinel Lo. Na dispela bai kamapim sampela bikpela senis long ol lo i lukautim wok bilong ileksen. Hia em ol dispela senis:


1. Constitution Amendment (Elections)
2. Organic Law on Nations: Elections (Amendment No. 2) Law
3. Organic Law on the calling of Meetings of the Parliament (Amendment No. 1) Law.

Spika i redi nau ol senis long ol dispela lo. Na ol dispela lo bai i stat long wok bihain long ol i go insait long Nesenel Gazette. Het bilong Stet bai bihainim tok orait bilong Minista na bringim ol dispela nupela lo i go insait long Nesenel Gazette.

Hia em liklik hap ripot i soim ol dispela senis em bai i kamap bikos long senis long ol ileksen lo (Mipela i laik tok klia olsem dispela em sotpela ripot tasol. Na sapos yupela i laik save moa o kisim ful ripot long dispela, yupela i mas lukluk long lejisiesen).

1. **NOMINESEN FI.**
Nominesen fi i go antap nau lkong K1,000. Ol kendidet husat i winim ileksen tasol bai kisim bek dispela fi ol i bin baim, bipo ol i sanap long ileksen.
2. **BAI ILEKSEN.**
Sapos long sampela kain as na wanpela bai ileksen i kamap long las 12-pela mun i go pinis (olsem long namba 5 yia) bilong laip bilong palamen, no gat bai ileksen bai kamap. (Nau yet em long olgeta 6-pela mun).
3. **OL NOMINESEN DE.**
Namba bilong nominesen de i go daun nau long 7-pela de tasol.
4. **SAPOS KENDIDET I DAI**
Kendidet bai lusim ileksen sapos em i dai

- bipo long nominesen de i op, na bihain long lo (writ) i oraitim wok bilong ileksen long kamap i pas.
5. **OL DE BILONG VOT**
Taim bilong vot i go daun long 14 de tasol.
6. **HELPIM OL MANMERI HUSAT I NO SAVE RIT O RAIT LONG VOT.**
Ileksen opisa i ken oraitim wanpela man husat em (opisa) i bilip i no inap long rit o rait i kisim wanpela famili memba i go wantaim long vot. Man husat i no inap rit o rait i mas oraitim wanem man em laikim long helpim em. Long bipo, dispela lo i oraitim tasol ol manmeri husat i aipas, o i gat sampela bikpela bagarap long bodi olsem ol disebel.
7. **PINIS BILONG SEKSINEL VOT**



Authorised by
Reuben Kaiulo,
Electoral
Commissioner Papua
New Guinea

Senes 141 bilong Organic lo long Nesenel Ileksen em ol i senisim. Dispela senis i rausim seksinel vot.

8. WANPELA RIPRESENTATIV TASOL BILONG WAN WAN KENDIDET LONG PLES BILONG KAUNIM VOT

Wanpela ripresentativ tasol bilong ol wan wan kendidet i ken stap insait long hap bilong kaunim vot, long wanpela taim tasol long taim bilong kaunim vot. Dispela em long sekim namba bilong ol vot na toksave long kendidet. (Wanpela kendidet i ken makim moa long wanpela man long sekim namba bilong ol vot taim ol opisa i kaunim. Tasol ol dispela man i mas go insait long ples bilong kaunim vot wanpela, na i no tupela o tripela long wanpela taim).

9. NAMBA WAN PALAMEN KIBUNG BIHAIN LONG JENEREL ILEKSEN.

Namba wan kibung bilong palamen bai i mas kamap 7-pela de bihain long lo (writ) i oraitim wok bilong karimaut ileksen i kam bek long jenerel ileksen. (Nau yet kibung i ken kamap bihain long 21 de).

10. **SAIS BILONG OL ILEKSEN POSTA**
Bipo i gat tambu long sais bilong ol ileksen posta. I no gat moa tambu long dispela nau.

11. TAMBU LONG YUSIM SPIKA LONG TAIM BILONG VOT

Tambu long ol kendidet o sapota bilong ol kendidet i yusim laut spika na ol kain masin olsem bilong toktok bikpela long taim bilong vot. Ol plis opisa na ilektorel opisa tasol i ken yusim long lukautim lo na oda, na tu long tokim ol pipel long wanem samting bilong mekim.

12. ILEKSEN PETISEN MAS KAMAP BIHAIN LONG 40 DE TASOL

Sapos wanpela kendidet i laik komplek bikos long sampela as na em i no winim ileksen, em i mas givim dispela komplek o petisen i go long ilektorel opisa long 40 de bihain long ilektorel opisa i tokaut long nem bilong ol kendidet husat i winim ileksen. Ilektorel opisa i no inap kisim wanpela petisen bihain long 40 de. (Nau yet ol kendidet husat i laik komplek i gat tupela mun olgeta long givim komplek i go long ilektorel opisa).

13. SEKYURITI BILONG KOS NA ILEKSEN PETISEN.

Sapos wanpela kendidet i laik komplek o givim petisen, em i mas givim wantaim K2,500. Nau yet dispela mak bilong mani i stap long K200 tasol.

Vanimo Districk Kot kalabusim tupela posinman long kilim tisa

MARYLAND DISE I rattim

OL papa graun bilong Yako viles insait long Wes Sepik provins i bin bungim tupela hevi long las wik. Wanpela hevi i bin kamap long toktok bilong graun na nara-pela em long posin bilong sanguma. Wanpela man Manus, Augustine Pohou, komyuniti skul tisa long ples Yako i bin dai long posin bilong sanguma. Dispela i kamap bihain long kros bilong wanpela hap graun em Edukesen dipatmen long Vanimo yet i bin baim bilong Pohou long sindaun long en.

Vanimo Districk Kot i painimaut olsem Pohou i bin dai long posin sanguma bihain long tupela man Bewani i bagarapim em. Nem bilong tupela man ya em Wagari Dokoe, 55 krismas na Bus Man, husat i gat 28 krismas.

Kot i painimaut olsem wanpela man, Francis Poma husat i save

kisim kompensesen mani bilong graun long Vanimo i bin baim Wagari na Bus long kilim Augustine.

Long dispela taim, Francis Poma i bin bel hat olsem Pohou i laik tokaut long Poma i laik paulim em long baim kompensesen mani. Poma i bin no laik kisim nem nogut long dispela olsem na em i baim ol poison man long bagarapim Pohou.

Pohou i trautilim blut inap long wanpela wik olgeta. Em i go stap long Vanimo haus sik tasol em i dai tripela de bihain.

Bus Man em wanpela man husat i gat nem long Bewani eria long wokim posin bilong sanguma. Ol planti lain i save pinis olsem em i save kisim mani long ol man long wokim sanguma long ol arapela manmeri.

Ol lain long ples Yako i holim pasim Dokoe na Man na kisim ol i go long plis stesin.



Ol lapun diwai bilong Wabag taun lus lain • Ol dispela diwai i bin kamap wantaim Wabag taun tasol i luk olsem ol pasim ples tumas na Taun Atoriti i salim ol wokman bilong en long katim ol long katim ol i go daun. Foto: Geoffrey Apakali

Ol Parakris kotim Wau plis long paulim mani

OL pipel bilong Parakris viles long Morobe provins i sutim tok nau olsem ol plisman long Wau i bin paulim K700 bilong ol.

Long mun Septemba, 1990, ol pipel bilong Parakris i pait wantaim ol hailans long Zenag fam long Mumeng districk. Ol hailans i bin kukim 6-pela haus na bagarapim ol samting we kos bilong ol i moa long K5,000.

Long dispela taim, plis long Wau i holim 7-pela man. Na i sasim olgeta long baim K100.

Sopa Lingayam husat i bin kalabus i tok ol i bin

go bek askim plis long dispela mani. Tasol ol plisman i tok wanpela plis opisa long dispela taim i kisim dispela mani na i go pinis long Rabaul.

Em i tok ol i salim pinis pas i go long Plis Komisina na provinsal memba, Yapleh Gilimbing long toktok bilong dispela.

Ombudsmen Komisin opis long Lae i bin tokim ol pipel long kisim bek dispela mani. Tasol plis i tok mani ya i paul. Olsem na ol pipel bai bringim dispela samting i go long kot bilong skelim.

Sensosip bot bai sekap long ol muvi na buk nogut

STEVEN KADIKO I rattim

SENSOSIP bot bai wok strong yet long stapim ol muvi nogut, piksa buk na kain kain arapela samting nogut long kam insait long kantri.

Nupela bos bilong bot, Sir Paulias Matane i bin tokaut long dispela taim em i kibung wantaim ol gavman opisa na komyuniti lida long Kimbe. Na dispela em i namba wan wok-

about bilong Sir Paulias bihain long em i kamap nupela siaman bilong bot.

Em i tok ol dispela samting i bagarapim tru planti yangpela man na meri long kantri. Na ol i save stil, kisim spakbrus na ol arapela marasin nogut na wokim ol muvi nogut.

Na nupela sensosip ekt bai larim bot long mekim tru wok bilong stapim ol dispela samting long kam long ovasis na kamap yet long

kantri. Nupela ekt i givim tu pawa long bot long kotim ol lain husat i gat ol muvi na piksa buk nogut wantaim ol marasin nogut olsem spakbrus.

Ripot i tok ol lain bilong kastom na PTC bai wok klostu wantaim nupela sensosip bot long kotim na kalabusim husat man o meri i kisim ol dispela samting i kam long kantri.

Wanpela komyuniti lida long Wes Nu Briten tu i sapotim dispela.

Mathew Papae i laikim sensosip bot i mas gat ol strongpela lo bilong kalabusim ol kain man na meri olsem.

Em i tok lo nau i stap i no strong tumas. Bikos planti lain i kisim liklik mekim save tasol na i go fri gen.

Bihainim dispela kibung, Wes Nu Briten bai gat wanpela komiti bilong wok wantaim sensosip bot. Na provinsal gavman i amamas na givim sapot long dispela.

Woda stap wantaim pret long Beon

WANPELA wokman bilong Beon haus kalabus, Jimmy Purari i stap wantaim pret. Na ol samting bilong em long haus i bagarap olgeta. Kos bilong dispela inap long K2,000.

Purari i tok ol wantok bilong wanpela sinia

waren opisa, i sutim tok long em olsem em i wokim posin long pikinini bilong em. Na em i dai insait long wanpela sofbal gem.

Purari husat i stap malolo nau i tok ol wantok bilong dispela

opisa i yusim wanpela tumbuna mambu long painimaut husat man i kilim pikinini bilong em. Taim dispela mambu i go long haus bilong Purari, olgeta manmeri i ron i go insait long haus na bagarapim ol samting.

Purari i tok em i bin traime long yusim telipon na ol samting bilong haus kalabus long kisim ol plisman. Tasol haus kalabus komanda i no helpim em. Em i tok ol wantok bilong opisa i bin yusim ka bilong haus kalabus long kisim ol i go kam long setelman na haus kalabus long nait.

David Kambe, komanda bilong haus kalabus i tok em i no save olsem ol man i wokim posin insait long haus kalabus inap Purari i tokaut long em. Nau yet Purari i askim CIS hetkwata long painimaut long dispela hevi.

Bikos komanda bilong haus kalabus i no laik long helpim em. Na stapim ol dispela manmeri long bagarapim ol samting bilong em.

Kainantu sot olgeta long wara

KAINANTU i no gat wara inap long 4-pela wik olgeta.

Stat long dispela taim, moa long 100 komyuniti skul na haikul studen i no bin go long skul. Planti haus sik na ol gavman dipatmen i wok wan belo tasol.

Bikpela bilip i stap olsem moa long 5,000 manmeri husat i stap long taun bai kisim kain kain sik sapos hevi bilong wara i no pinis. Na tu ripot i tok sapos ol wokman i no stretim hevi bilong wara hariap, olgeta gavman dipatmen bai stapim wok inap olgeta samting i stret.

Hevi bilong wara i kamap long mun Februari yet taim bikpela haiwara i brukim wanpela bikpela paip. Ol

wokman i bin traime long stretim tasol ol pipel bilong Tapo i stapim ol. Bikos ol i tok gavman i no baim graun na wara bilong ol inap long 15 yia olgeta.

Nau yet ol i askim gavman long baim K33,000 kompensesen i go long ol. Kainantu Districk Kodineta, Philipson Sopilagai i salim wanpela pas i go pinis long Isten Hailans provinsal gavman. Insait long dispela pas, em i tokaut olsem moa long 80 pesen manmeri husat i stap long Kainantu taun i no gat wara.

Ol pipel bilong Tapo i tok sapos gavman i baim K100,000 long ol papa graun bilong Aiyura, em i mas mekim wankain long ol.

USED CAR BUYERS YOU CAN'T AFFORD TO MISS

March Madness in Morobe

Mazda Sedans

From K3,000

Suzuki Sierras

From K4,990

Toyota - Nissan - Ford -Isuzu Mitsubishi

YOU WON'T FIND BETTER BARGAINS ANYWHERE

* For the month of March only, phone 42 4733 or call in Our team at PNG Motors, Lae must clear all stock.



PNG MOTORS

LAE

MILFORD HAVEN ROAD

Indonesia tok lukaut long sutim sip

INDONESIA gavman i givim tok lukaut olsem em bai sutim wanpela sip bilong Potugel i go daun long solwara sapos sip ya i go insait long solwara bilong em.

Nem bilong dispela sip em *Lusitania Expresso*, na as bilong em long go long Indonesia em long bringim gutpela sindaun.

Haus ov Ripresentativ Hom Afeas komisen, i tok dispela sip i kam long mekim trabel.

Em i tok ol nevi bai sutim dispela sip sapos em i sakim tok na go long Is Timo, long putim plaua antap long matmat na tingim ol manmeri na pikinini husat i bin dai, taim sampela Indonesia soldia i sutim ol long masin gan olsem pig na dog.

"Komisen i no laikim

sip ya long go long Is Timo, bikos dispela bai kirapim sampela moa hevi gen long Is Timo," wanpela memba bilong Komisen Mista Marcellinus i tok olsem long Februeri 27.

Em i tok sapos dispela sip i kam, em bai opim gen ol birua bilong bipo long kamap moa.

Politikel na Sekyuriti Afeas Minista, Mista Sudomo i givim bikpela tok lukaut olsem ol bai givim bikpela mekim-save long dispela sip.

"Ol bikman i no laikim tru dispela sip i kam ol insait long Is Timo," em i tok.

Long Mande Mas 2, Indonesia i tokaut olsem ol i putim tambu pinis long dispela sip. Bikos as bilong dispela sip i kam em long kirapim moa trabel. Na tu ol manmeri antap long dispela sip i no

gat visa o tok orait pepa bilong go insait insait long Indonesia.

Tasol ol man husat i ogenaisim dispela raun i tok ol bai kisim sip i go yet long Is Timo.

Sip ya bai kamap long Dawin, Australia long neks wik, na bai kisim mao pasindia na go long Dili.

Wanpela ogenaisa, Anna Silver i tok long Lisbon, biktaun bilong Potugel olsem em i gat bikpela bilip olsem dispela raun bai kamap gut.

Indonesia i tokaut tu olsem ol i tambuim ol niusman long go long Is Timo, strongim wankain lo em i bin mekim long 1989.

Dispela tambu i karamapim olgeta ovasis niusman, ol niusman bilong Indonesia yet husat i wok long ovasis niuspepa, redio na televisen, na ol



• *Jerusalem pulap long ais :* Wanpela yangpela man bilong Palestain i amamasim em yet long ais long Jerusalem long Februeri 25, 1992. Bikpela sno o ais i kamap nau long Jerusalem siti.

niusman bilong Indoensdia yet husat i stap pinis long Is Timo. Save i no klia yet long

wanem as na dispela tambu i kamap. WEEKEND AUSTRALIA



• Ol model ya stat long lephan em Aicha McKenzie husat i makim Grace Jones, Jason Page husat i makim Pavarotti, Sam Gudger husat i makim Yvette Fielding, na Tina Smallwood husat i makim Madonna. Ol i soim ol klos na laplap em ol studen long wol i disainim o makim. Ol i soim ol dispela samting long Alexandra Palace long London, Inglen long Februeri 25, 1992. Ol i mekim dispela long wanpela resis ol i kolim Lloyds Bank Fashion 1991/92.



• Ol pipel ya i protes ausait long Gavman Haus long Dublin, Irish bihain long Suprim Kot i no oraitim wanpela meri long go long opresen na rasuim bebi long bel. Meri ya i gat 14 krismas tasol, na em i bel bihain long papa bilong wanpela gutpela poro meri i bagarapim em.



• Sampela kago bilong Red Cross em sampela pipel i stillim long Februeri 26, 1992 long Albania. Ol manmeri i brukim sampela stua tu na stillim ol samting. Na yangpela meri ya husat i gat 11-pela krismas tasol i kisim sampela toy o tu.



LIKLIK NIUS

Nupela lo long AIDS

SINGAPO: Singapo gavman i oraitim pinis wanpela lo we i tambuim ol manmeri husat i gat AIDS long givim blut. Ol manmeri husat i gat AIDS na i no tokaut long wanem man o meri bipo em i prenim bai kisim bikpela mekimsave tu aninit long dispela nupela lo.

Gavman i mekim dispela bikos sik ya i kamap bikpela nau long kantri.

UN kibung long Irak

NU YOK-AMERIKA: Yunaitet Nesens Sekyuriti Kaunsil i bin kibung long las wik na toktok long wok bilong em wantaim Irak.

Kibung ya i kamap bihainim ol ripot olsem Irak i no inap larim ol wokman bilong UN i sekim ol nuklia pawa bilong em long pait.

2 milien pipel protes

JAKARTA-INDONESIA: Moa long 2 milien Muslim pipel i bin protes long las wik, na ol soldia i bin kamap wantaim ol strongpela samting bilong pait na stapim.

Sebia gat nupela lida

BELGRADE-YUGOSLAVIA: Mista Milan Babic husat i bin egensim plen bilong Yunaitet Nesens long bringim gutpela sindaun long Yugoslavia em ol i rausim em pinis olsem presiden bilong ol Sebia pipel.

Sebia palamen i makim Mista Goran Hadzic olsem nupela lida. Sebia i tokaut olsem em yet i kisim indipendens pinis.

Presiden Aquino promis

MANILA-FILIPINO AILAN: Presiden Corazon Aquino i promis long lukluk i go insait long ol sas bilong Amnesti Intanesenel olsem planti 100 pipel em ol plisman na soldia i bin kilim.

Tasol sampela opisal i sutim tok long ol wokman bilong Amnesti long bagarapim nem bilong kantri.



DUNLOP

THE WORLD'S BEST TYRES AND MUCH MORE

**D
U
N
L
O
P**

Tyres, Tubes, Retread Tyres, Batteries, Filters, Chargers, Testers, Auto Spares, Industrial Belts, V & Fan Belts, PVC Rubber, Fuel, Oil, Air, Steam, Welding & Discharge Hosing, Footwear, Pumps & Filters, Pool Chemicals, Safety Equipment & Industrial Clothing, Tecelamit Grease, Fuel, Oil & Drum Products; Selleys Products, Tow Ropes, Antennas, Mirrors, Jacks, Mini Compressors, Hose Fittings, Clamps, Funnels, Wheel Braces & Hundreds Of Other Items.

Port Moresby

P.O. Box 6202, Boroko
Cnr. Munahu & Gabaka Sts.,
Gordons Phone: 25 5444

Lae





P.O. Box 1298
Aircorps Rd., Lae
Phone: 42 1322

Rabaul

P.O. Box 1842, Rabaul
Phone: 92 2828

Mt. Hagen


P.O. Box 967, Mt. Hagen
Phone: 52 2966/52 2987



**You Only Buy
The Best From
Dunlop...
Of Course.**



• Imelda Marcos i soim paspot bilong em long Manila, Filipino Ailan long Februeri 26, 1992. Gavman i bin stapim Misis Marcos long go long Hawaii, na kisim bodi bilong man bilong em i kam. Tasol tupela sas i no oraitim dispela.



• Ol wokman i mekim dispela woa balus ol i kolim European Fighter Aircraft bilong Gret Briten. Dispela balus bal ol ami i yusim moa long pait long yla 2,000 na i go. Em bal senisim ol

Plis opisa kamap long kot bilong kilim man

WANPELA opisa long Saut Afrika plis i tokaut olsem em i bin odarim sampela blekskin konstebel plisman long kilim sampela sapota bilong Afrika Nesenel Kongres (ANC). Em i mekim dispela bihainim plen bilong saptim narapela blek grup ol i kolim Inkatha Fridom Muvmen.

Nem bilong plis opisa husat i tokaut long dispela em Kepten Brian Mitchell, husat i gat 34 krismas. Em i tokaut long Suprim Kot olsem ol plisman i bin saptim ol blekman bilong Inkatha long daunim ANC.

Bikpela jeles o kros pait i save kamap namel long dispela tupela grup. Bikos tupela wantaim i gat tingting long go pas na ranim gavman bilong nupela Saut Afrika.

Kot i harim olsem dispela oda Kepten Mitchell i givim i no go stret long mekim wanem samting em i laikim.

Mitchell i odarim ol junia plisman long kilim ol ANC sapota long haus bilong ol. Tasol ol plisman i go long wanpela haus we sampela blekman i krai long wanpela indaiman. Ol i kamap na sutim ol manmeri ya husat i save saptim Inkatha. Ripot i tok ol meri na pikinini i stap namel long 11-pela pipel husat i dai, na 8-pela husat i bagarap long dispela birua.

Kepten Mitchell wantaim tupela arapela wait opisa na 4-pela blekskin konstebel plisman i kamap nau long kot long sas bilong kilim man, insait long dispela birua long 1988.



• Tupela hangre pikinini long Kavaya taun bilong kantri Albania. Wanpela pikinini i wet bihain long wala we sampela fri kago i kam long ol helpim ol long Februeri. Na narapela pikinini i amamas bikos em i kisim tupela bred pinis.



• Meri bilong ol lida long wol i bung : Meri bilong ol lida long wol i bung long Jeneva long Februeri 25, bihainim askim bilong Yunaitet Nesen. Dispela em long tingim ol grasrut meri long wol na givim sampela helpim. Meri bilong ol lida olsem Kenel Gaddafi bilong Libya, na King Hussein bilong Jordan wantaim 60 arapela meri bilong ol presiden na praim minista i kamap.

WANTOK

BISNIS LONG PAPUA NIUGINI

WANTOK

PRAIS PRAIS

KOPRA

Pe bilong kopra i go antap nau long K30 long wan wan tan long dispela yia. Pe bilong ol bikpela depo olsem Mosbi, Alotau, Lae, Madang, Wewak, Kavieng, Toboi, Kimbe na Kieta i stap olsem:

	Smoke	K263
	F.M.S	K265
	Hot Air	K268
Na pe bilong kopra long ol liklik depo i stap olsem:		
SAMARAI	Smoke	K231
	F.M.S	K233
	Hot Air	K236
KANDRIAN na NAMATANAI	Smoke	K228
	F.M.S	K230
	Hot Air	K233
BUKA	Smoke	K227
	F.M.S	K229
	Hot Air	K232
FINSCHHAFEN	Smoke	K223
	F.M.S	K225
	Hot Air	K228
LORENGAU	Smoke	K198
	F.M.S	K200
	Hot Air	K203
KEREMA	Smoke	K218
	F.M.S	K220
	Hot Air	K223
KARKAR	Smoke	K200
	F.M.S	K202
	Hot Air	K205

CMB nau bai i no inap long kisim moa prais sapot long Gavman. Dispela i stat long Janueri 1, 1992

KOPI

Pe bilong drai arabika kopi long wan wan kilogram long Februari 17. Dispela i karamapim prais bilong kopi long dua bilong fektori na i no long sait bilong rot.

Kainantu	K0.75
Goroka	K0.70
Kundiawa	K0.80
Minz na Banz	K0.72
Hagen	K0.71
Lae	K1.00
Erap	K0.90
Wau/Bulolo	K0.80
Aseki	K0.85
Madang	K0.60
Is Sepik	K0.60

Ol ripot i kam long Kopi Industri Bod. Mipela i no kisim ripot bilong Mendi, Kundiawa, Aseki, Wasu, Mumeng na Wapenamanda

KAKAO

PRAIS bilong drai kakao long wan wan tan long Rabaul long Mande inap long Fraide long las wik.

Mande	Tunde	Trinde	Fonde	Fraide
17/02	18/02	19/02	20/02	21/02

Pe ol balya sasim long papa bilong fementri

K723	K724	K718	K728	K733
Sapot prais	K238	K238	K238	K238

Prais ol papa bilong fementri i kisim

K961	K962	K956	K966	K971
------	------	------	------	------

Sapot prais bilong kakao long dispela mun em K237.56 Dispela prais i no wankain olsem pe bilong kakao long ol narapela hap bilong kantri.

RABA

Gavien faktori (ESP) - 21 1/2 kg
Doa faktori (Sentril) - 36 1/2 kg inap long 39 1/2 kg

KADAMON

Prais bilong kadamon em A. T. Agri Ejensi Pty Ltd long Madang i tok aut long en i stap olsem; Draai long san em namel long K0.80 na K1.10. Draai long fektori em namel long \$6.50 na \$8.00. A. T. Agri i lukautim Kobum Spice em i stap long Bundi we planti ol kadamon i save kam long en.

PRAIS BILONG OL BENSIN

Kos long wanpela lita	
Ex Pump (Wantaim takis)	
Petrol	55.1 toea
Diesel	42.3 toea
Kerosin	46.6 toea

CRA i no painim planti gol long Mt Kare long 1991

CRA Minerels (PNG) Pty Ltd i bilip olsem em bai painim 60 kilogram gol long wan wan mun long Mt Kare gol projek tasol nau nogat bikos gol main i pas.

CRA i bilip olsem dispela gol bai kamapim profit bilong CRA yet na Karepuga Dvelopmen Kopresen.

Wok bilong maining i bin stat gut tru bihain long gavman i givim Spesel Maining Mkam Lis (SML) long CRA long Septemba 27 1990 long CRA. CRA i tokaut olsem 1991 em wanpela gutpela yia tru.

Jenerel Menesa bilong Mt Kare Aluviel Maining, John Bartram i tok long wanpela niusripot bilong CRA long Disemba 1991 olsem ol i painim 34 kilogram gol long Septemba 1991 na ol i bilip long painim narapela 50 kilogram long Novemba 1991.

Bartram i tok ol wok i bin kamap bihain long main i pas i soim olsem wok bilong Mt Kare gol bai pinis bihain long 3-pela yia. Tasol em i tok ol bai srukim taim i go long sampela moa yia sapos ol

wok painim aut ol i mekim i soim planti gol.

Em i tok Mt Kare gol bai i no inap long kamap bikpela olsem Porgera gol Projek i liklik na ol bai yusim ol helikopta tasol.

Tasol Bartram i tok maski em i liklik, em i wanpela long ol projek i kamapim ol gol long PNG. Na em namba wan taim tu we ol papa bilong graun i baim sea long maining.

Em i tok ol i bilip olsem ol bai

painim narapela kain minerel gen ol i kolim "hard rock" na dispela bai mekim olsem aluviel gol em stat bilong longpela maining wok long eria.

Mt Kare nau i pas yet na i no gat wanpela tok klia i kam long gavman o CRA long wanem taim bai wok stat gen. Tasol minista bilong Minerels na Eneji, Patterson Lowa i tok ol bai kibung wan-taim ol papa bilong graun long dispela wik.



Salim PNG stemp long Australia • Ol postal opis bilong 11 Pasifik kantri i bin kamap long Februari 1992 long salim ol stemp bilong ol long Februari.

PNG em wanpela long ol dispela kantri i kamap long dispela taim. Ol narapela kantri em Cook Islands, Fiji, Kiribati, New Caledonia, Nuie, Solomon Ailan, Tonga, Tuvalu, Vanuatu na Westen Samoa.

Tupela postal opisa bilong PNG, Jonah Niba (Iephan) na Paul Paiwa (raithan) i soim wanpela kastoma David Low long sampela ol PNG stemp.

Poto: John Mckinnon bilong Dipatmen bilong Foren Afeas na Tred long Australia

Wasim klos na kisim mani



• **Tupela pikinini bilong Mondo, Grace na Margaret i wasim ol sampela klos long masin bilong ol.** Poto na stori: Sape Matta

MONDO-em wanpela sinia PLis Konsabel husat i wok long Gorka na em i stap long Minogere Plis Bareks.

Famili bilong Mondo i gat masin bilong wasim ol klos we ol i yusim long kisim mani.

Mondo i baim long 1987. Ol i save baim KI taim ol i wasim klos bilong ol yet na ol i

sasim ol singel plisman long klos bilong ol. Na long pinis bilong wanpela wik ol i save kisim samting olsem K20.

Mondo i tok mani ol i kisim ol i yusim long baim ol kaikai na ol klos.

Em i tok em i laik baim narapela masin gen bikos planti man nau i laik wasim ol samting bilong ol.

Hoskins welpam groa bai kisim K5.7m

MINISTA bilong Agrikalsa na Laivstok, Tom Pais i laik autim K5.7 milien bilong ol welpam groa long Hoskins nau i stap long stabilaisesen fan i go bek long ol.

Tasol bipo long dispela i kamap, palamen i mas oraitim ol senis em Pais i tokaut long en long las wik. Dispela ol senis bai kamap long Welpam Industri Stabilaisesen Ekt bilong 1983.

Pais i tok welpam industri stabilaisesen fan i bin kamap long 1983 long sapotim ol smolholda groa. Ol groa i bungim mani long statim ol dispela fan.

Mani bilong ol stabilaisesen fan long Higaturu long Popondetta na

Bialla Wes Nu Briten i pinis long 1990. Tasol mani bilong Hoskins stabilaisesen fan i gat K2.8 milien i stap.

Dispela bikos Hoskins fan i kamap bihain long tupela. Na tu long dispela taim long 1983 na 1985 pe welpam i go antap na ol groa i putim bikpela mani long fan. Long 1985, mani long Hoskins fan i go antap long K5.7 milien.

Pais i tok ol groa i laikim bai dispela mani i go bek long ol bai ol i ken kisim ol helpim bilong ol gavman olsem ol narapela groa. Wanpela wok painim aut i kamap na painim aut olsem 92 pesen bilong ol groa i laikim mani bilong ol bek.

Isten Hailans Dvelopmen Kopresen laik baim sea long Talair

NESENEL Gavman i no laik baim sea long Talair balus kampani tasol Isten Hailans Dvelopmen Kopresen i laik baim sampela sea.

Praim Minista, Rabbie Namaliu i tokaut long dispela taim em i bekim ol askim bilong Lida bilong Oposisen, Paia Wingti long Palamen long las wik.

Wingti i askim bilong wanem na Menesing Dairekta bilong Talair i

abrusim minista bilong Sivil Aviesen, na go long Opis bilong Praim Minista na askim long sampela samting. Em i askim sapos opis bilong em i tok orait long Talair long go long ol ples Air Niugini i save go long en.

Namaliu i tok wanem kain toktok bilong wok long balus bai i mas go pastaim long Minista bilong Sivil Aviesen na bihain ol rekot bilong ol toktok i go long opis bilong em.

WANTOK

BISNIS LONG PAPUA NIUGINI

WANTOK

Planti kampani soim laik pinis long wel na ges kampani long PNG

PLANTI kampani i soim laik pinis long go pas long wok bilong nupela Ges na Wel kampani long Papua Niugini.

Praim Minista, Rabbie Namaliu i tok ol i no toksave yet long ol kampani bai aplai tasol em i tok ol i kisim ripot bilong planti kampani pinis.

Em i tok planti long ol em bikipela kampani husat i mekim wok bilong wel long ol kantri long Saut Is Esia, Midel Is na Saut Amerika.

Namaliu i tok nau ol i tok klia long ol kampani long tingting bilong gavman, wanem kain ripot bai ol i givim bai bihainim ol dispela tingting. Planti ol kampani i karim aut pinis wanem samting ol i tok long ripot long planti hap bilong wol pinis.

Ol kampani i save olsem PNG i mas stat long ol liklik samting long wok bilong wel na ges na go antap. PNG i no inap wokim em yet bikos em i nogat save na sapos PNG i no stat nau bai em

kam bihain yet.

Em i tok wok bilong wel em bikipela samting tru na yumi mas lukluk gut long ol kain hevi bai kamap bihain. Na wok bilong wel tasol i kamapim Galp Woa long stat bilong las yia. Dispela i soim kain samting olsem wel i ken kamapim bikipela hevi long wol.

Dispela em ol sampela as na narapela as gavman i laik wok bung wantiam OPEC. OPEC em wanpela bikipela ogenaisesen long wol. OPEC i kontrolim wel

industri long wol. OPEC i ken wokim wanpela kantri o brukim wanpela kantri olsem i bin kamap pinis.

Sapos yumi no redim ol samting long mekim wok bilong lukautim wel na ges nau bai yumi let long bihain taim. Long wanem nau yumi no gat ol saveman PNG yet husat i save long wok bilong wel na ges na wanpela astingting bilong kampani em long skulim ol manmeri PNG yet long wok bilong wel na ges long ovasis.

PE BILONG AIR NIUGINI LONG PNG TASOL

KISIM LONG I GO LONG PE BILONG		BALUS	PE BILONG
POM	Alotau	K101	K1.01
POM	Daru	K117	K1.17
POM	Goroka	K114	K1.14
POM	Hoskins	K140	K1.40
POM	Kavieng	K234	K2.34
POM	Kundiawa	K113	K1.13
POM	Lae	K95	K0.95
POM	Madang	K129	K1.29
POM	Manus	K206	K2.06
POM	Mendi	K136	K1.36
POM	Misima	K155	K1.55
POM	Mount Hagen	K132	K1.32
POM	Popondetta	K59	K0.59
POM	Rabaul	K187	K1.87
POM	Tabubil	K189	K1.89
POM	Tari	K153	K1.53
POM	Vanimo	K234	K2.34
POM	Wapenamanda	K141	K1.41
POM	Wewak	K180	K1.80

• Inogat ol spesel prais nau inap long neks yia.
• Ol kago em hevi abrusim 1kg bai gat pe.

Wanpela bod i kamap long staim CRA long PNG

CRA Minerels (PNG) Pty Ltd i statim pinis wanpela bod long PNG em wok bilong en long kamapim ol tingting long wanem ol kain wok bai CRA wokim long developim PNG long bihain taim.

Dispela bod ol i kolim long CRA Advisory Board bai mekim ol dispela kain wok:

- toksave long CRA long ol bikipela samting CRA i bungim long PNG nau na wanem kain ol samting bai kamapim long bihain taim; na

- wanem kain wok bai CRA mekim long maining industri long PNG long ol kain samting olsem ikonomi, education na bikipela samting em wanem ol samting ol pipel bilong PNG laik bai kamap.

I gat 7-pela PNG man husat i gat

nem i stap olsem memba bilong bod. Siaman bilong Nesenel Brokasting Komisnin (NBC), Sir Alkan Tololo i stap olsem siaman bilong bod.

Narapela samting gen CRA wokim em i statim ol Provinsal Edvairori Komiti. Wok bilong komiti em long stap olsem namel man long stretim ol toktok wantaim olgeta lain wok wok bilong maining long wanem provins em CRA i wok long en.

Dispela kain komiti i kamap namba wan taim long Morobe provins. Ol man i stap insait long komiti em ol sampela bikman bilong CRA, primia na namba tu primia bilong provins, provinsal minista bilong Lens na Mains, ol sinia opisa bilong gavman long provins na ol maus man bilong ol papa bilong graun.



Wok i pas pinis long hia • Sampela ol Dalrekta bilong Mt Kare Aluviel Maining i lukluk raun long ples bilong painim gol taim ol i holim wanpela kibung bilong ol long las yia long Mt Kare. Nau i no gat man moa long dispela hap na i no gat wanpela tok klia i kamap yet long wanem taim bai i op gen

Exchange Rates

PNGBC		
PAPUA NEW GUINEA BANKING CORPORATION		
Bank buys at:	Notes	T/T
Australia	1.4150	1.3858
USA	1.0790	1.0446
UK	0.6280	0.6036
Bank sells at:		
Australia		1.3748
UK		0.5916
USA		1.0366
Solomon Islands		2.9386
China		5.5970
Fiji		1.5413
Hong Kong		7.9770
India		28.0000
Japan		134.4400
New Zealand		1.8716
Singapore		1.6900
Switzerland		1.5500
Germany		1.7040
Gold rates (In US\$):		
per ounce		\$350.60
per gramme		\$11.27

Simbu Aviesen i mekim wok Pe bilong kopra i go antap bilong Talair long Kundiawa gen long K20 long Mas

SIMBU Aviesen Pty Limited nau i kamap olsem ejen bilong Talair Pty Limited long Kundiawa.

Jenerel Menesa bilong Simbu Aviesen, Fisher Goiye i tok kampani bilong em bai salim ol tiket i go long ol manmeri i laik flai long Talair na bihain bai Talair baim kampani bilong em.

Ol wokman bilong Simbu Aviesen i bin muv i go insait long olpela opis bilong Talair long Kundiawa long Februari 8.

Simbu Aviesen i gat 5-pela balus tasol nau i gat 4-pela tasol bihain long wanpela balus bilong ol i bagarap long Kagi long Sentrel provins long las yia. I no gat man i dai taim balus i pundaun tasol balus i paia olgeta bihain long enjin bilong en i stop.

Long kisim ples bilong dispela balus, kampani i yusim wan enjin balus bilong Heli Niugini Pty Ltd long karim ol pasindia. Simbu Aviesen i save baim K500 i go long Air Niugini long yusim dispela balus. Na balus i save mekim namel long 6 na 8 ron namel long Kundiawa na Karamui long wan

wan de. Ol narapela balus bilong kampani i wok

yet em tupela Cessna 185 na tupela tu enjin Islander. Long wankain

taim tu Simbu Aviesen i mekim K185,000 profit long las yia.



• Jenerel Menesa bilong Simbu Aviesen, Fisher Goiye sanap ausait long olpela opis bilong kampani long Kundiawa. Nau kampani i yusim opis bilong Talair. Foto na stori: Michael Koma

PE bilong kopra long dispela mun Mas i go antap gen long K20 long wan wan tan.

Dispela senis i srukim pe bilong kopra long wan wan tan long ol bikipela depo olsem Mosbi, Alotau, Lae, Madang, Kavieng, Rabaul/Tobo, Kimbe na Kieta i go antap long K263 long wan wan tan.

Opis bilong Kopra Maketing Bod (CMB) i tokaut olsem dispela nau i go bung wantaim ol senis bilong Januari na Februari i go antap long K88 long wan wan olgeta.

CMB i tok dispela i kamap bihain long pe bilong kopra long wol maket i go antap. Pe i go antap bikos long dispela ol as:

- Pilipinis na Indonesia i no wokim planti kopra;
- Melesia na Indonesia i no wokim planti welpam;
- i no gat inap wel kokonas bilong salim long Rotterdam na Amerika;

- bikipela win na ren i bagarapim ol kokonas long Pilipinis; na
- maunten paia long Pinatubo long Pilipinis i kilim ol diwai kokonas.

CMB i tok em bai rausim K35 long wan wan tan long Mas long bekim dinau i go long gavman. Narapela K35 bai i go long ol groa. CMB i askim ol groa long yusim dispela senis long wokim na salim moa kopra.

Nescafe Niugini Blend em kopi tru bilong PNG

PNG Bureau ov Kastoms i tokaut olsem Nescafe Niugini Blend em i gat PNG kopi tasol na i no ol narapela kopi.

Wanpela sinia takis opisa bilong Kastoms i tok ol i no go raun long faktori we ol i save wokim Nescafe Niugini Blend kopi long en tasol ol i save olsem em 100 pesen PNG kopi.

Em i tokaut long dispela bihain long ol stori i kamap long las wik olsem Nescafe em ol i wokim long PNG kopi tasol o nogat.

Em i tok Food Specialities Pty Ltd long Lae em kampani i save putim kopi long botol na salim long olgeta hap bilong PNG.

Tasol em i tok bipo long dispela,

kampani i salim ol kopi bin bilong PNG i go daun long mama kampani bilong en, Nestles Australia Ltd long wokim long faktori.

Em i tok bihain long dispela, Nestles i salim i kam bek long Food Specialities long Lae na ol i putim long botol.

Sinia opisa i tok gavman i luksave olsem Nescafe Niugini Blend em kopi tru bilong PNG olsem na em i daunim takis long pastaim i stap long 50 pesen i go daun long 9 pesen.

Dispela takis i min olsem kampani bai i no inap long baim bikipela takistaim em i salim kopi i go long Australia o kisim i kam bek long PNG.

Sir Julius daunim gavman long K750 m dinau

MARYLAND DISE I raitim

SIR Julius Chan, deputi lida bilong Oposisen i sutim tok nau long gavman long ol dinau mani em gavman i wok long kisim long ovasis. Na dispela i bagarapim nesenel baset bilong dispela yia.

Em i tok dispela hevi bilong dinau long mani i bin stat yet long 1989 i kam inap nau. I luk olsem nesenel baset i bruk olgeta na i abrusim pinis K150,000,000.

Em i tok long dispela taim 9 pesen mak bilong ol mani i

kam long Nesenel Iektorol Fan (NEF) o 'Slush Fund' bai i no inap helpim ol wok developmen long wan wan provins. Na tu ekonomi bilong kantri. Long wanem i gat bikipela hevi long prais bilong kaikai kaikai wol. Na ol arapela samting bilong pulim mani olsem gol na kopa i go daun olgeta.

Sir Julius i tok Praim Minista, Rabbie Namaliu wantaim gavman bilong em i wokim planti giaman toktok tumas long amamasim na grisim ol pipel. Tasol ol dispela toktok i no karim kaikai. Mani i no olsem mana bai

pundaun nating long heven, Sir Julius i tok.

Gavman bilong Rabbie Namaliu i bungim nau bikipela hevi bilong dinau mani bihain long tripela yia i go pinis em i save kisim long ol ovasis kantri. Dinau mani i stap nau olsem long K750,000,000.

Sir Julius i givim tripela tingting nau long kirapim gutpela wok insait long kantri.

Namba wan samting em i tingting long larim PNG Difens Fos long go insait long ol bikipela wok konstraksen long kantri. Dispela bai helpim PNGDF Enjiniaring

Batalien long kisim ol gutpela wok ekasesais na i ken redi tu long ol bikipela wok long taim bihain.

Namba tu samting em long stapim ol hevi bilong kompensesen i wok long kamap nau long bagarapim ekonomi na gutnem bilong Papua Niugini long wol.

Sir Julius i tingting long wokim ol hul long graun long kantri olsem namba 3 samting. Em i kisim dispela aidia bihain long em i lukluk raun long Korea. Em i tok dispela bai bainisim na haitim ol pipel sapos kantri i bungim birua long taim bihain.

Bikipela tambu banisim "Blak Angelo" bilong woa



• Raphael Oimbari i sindaun antap long wanpela olupela jip o ka bilong woa.

BIKEPELA tambu i stap nau long ol niusman, saveman long stori bilong bipo na husat i laik mekim ol wok painimaut bilong Wol Woa 2 long go lukim Raphael Oimbari.

Dispela tambu i kamap bihainim 50 yia bilong tingim bikipela pait long namba tu wol woa.

Nem bilong Oimbari i kamap bikipela bihain long wanpela potoman bilong ami i kisim poto bilong em wantaim wanpela soldia husat i bagarap. Oimbari i bin holim dispela soldia bilong Australia, Praivet George Charles Whittington long han na tupela i wok abaut long Buna/Dobuduru rot i go long bikipela ami haus

sik.

Husat i laik go lukim Oimbari long ples Hanau i mas kisim sampela tok orait pastaim. Kokoda-Buna Historical Faundesen i bin wokim dispela ol tambu.

Ol lain husat i laik stori wantaim Oimbari bikos ol i laik salim dispela stori na kisim mani bai baim K20 long kisim ol poto, K50 bilong kisim stori na putim long redio, K500 bilong wokim stori long televisen, K90 bilong raitim long niuspepa na namel long K500 na K1,000 long wokim wanpela piksa o vidio muvi.

Oimbari i tok em i laikim dispela tambu i kamap bikos em i no laikim ol pipel bilong

Papua Niugini o ovasis i yusim em long pulim bikipela winmani bilong ol yet. Dispela em wanem samting i bin kamap namel long yia 1973 na 1991.

Narapela as tu i bilong banisim wanpela buk em Maclaren Hiari i raitim long olgeta woa stori bilong Oimbari. Olgeta stori bilong Oimbari i stap nau long vidio na buk em ol i kolim olsem *I Will Still Be Remembered*.

Praim Minista Rabbie Namaliu i tokaut tu olsem long makim 50 yia bilong Wol Woa 2 long Papua Niugini, em i askim pinis ol praim minista bilong Australia na Nu Silan long kam long bikipela bung bilong ANZAC De long Mosbi.



• Oimbari i soim dispela poto o piksa we i stap long olgeta hap bilong wol, we em i helpim George Whittington long Wol Woa II long Papua Niugini.

Askim i bin go tu long ol gavana jenerel na bos bilong Difens Fos bilong tupela kantri wantaim long kam.

Em i tok, "Long 50 yia i go pinis, ol yangpela man bilong Australia na Nu Silan i bin lusim laip bilong ol hia long banisim solwara na graun bilong yumi.

"Na ol Papua Niugini man i givim han olsem ol sevisman na ol kagoboi long dispela bikipela pait bilong rausim ol birua."

Praim minista i askim tu olgeta pipel bilong Papua Niugini long

bung wantaim long dispela de na tingim ol lain husat i bin dai long woa.

I gat ripot pinis olsem pikinini man na meri bilong Praivet Charles Whittington bai kam long Papua Niugini long ANZAC De.

Opis bilong gavana jenerel na dipatmen bilong praim minista bai stretim wanem samting bilong kamap long dispela taim. Tasol planti provins bai holim bilong ol yet long Epril 25. Na ol arapela bai bungim wantaim i stap na wetim Rimembrens De long Julai 25.

Difens fos tekova long ol bikipela wok

PAPUA Niugini Difens Fos bai mekim ol bikipela wok konstraksen long kantri. Bipo dispela ol wok i save stap long han bilong Trensport wantaim Woks na Saplai dipatmen.

Deputi Oposisen lida, Sir Julius Chan i tok i gutpela gavman i givim kain wok olsem i go liklik long han bilong Difens Fos. Dispela bai helpim ol long kisim gutpela ekasesais. Na strongim tu wok bilong Difens Fos long kantri.

Wantok Niuspepa i no inap kisim toktok bilong ol bikman bilong PNGDF na Enjiniaring Batalien long givim toktok long ol wanem kain wok konstraksen em gavman bai givim long ol.

Enjiniaring Batalien husat i save stap long Murray Bareks i wok long muv nau i go long Lae. Na Air Trensport Skwadron (ATS) long Lae bai kam kisim ples bilong ol long Mosbi.

Mani stapim Polisi Plening long Wes Sepik long wok gut las yia

POLISI Plening na Kodinesen divisen long Wes Sepik i no bin mekim olgeta wok bilong en las yia. Long wanem i no gat inap mani.

Provinsal Fainens minista, Moses Nasam i tokaut long dispela long spesel kibung bilong Sandaun asembli long Februeri 25. Na em i tok tu olsem narapela hevi em long haus bilong ol opisa bilong em.

Minista i tok Polisi Plening brens i bin kisim tasol K158,500 bilong wok long las yia. Long dispela, K124,200 i go long ol pe na alauwens bilong ol wokman, K7,300 i go long baim trenspot na bensin, K7,000 i go long

stretim ol wokabaut, K6,000 bilong baim ol lain i pinis wok na i wok long kisim tasol liklik mani, K5,100 bilong ol arapela liklik wok, K3,600 i go long baim ol samting bilong wok long opis, K3,100 i go long baim ol de woka na K2,200 i bin go long stretim ol samting long opis.

Olsem na divisen i bin askim long sampela moa mani. Tasol wanem mani ol i kisim i bin go bek long wok bilong provinsal gavman.

Nasam i tokim tu asembli olsem long las yia, divisen i laik kisim tupela nupela wokman.



ENGA : Plis mobail skwat long Hagen i go stap nau long Laiagam distrik bihain long wanpela bikipela pait i bin kamap namel long ol wanpisen bilong Pupman na Tandapi hauslain.

Asisten Komisina bilong Hailans rijon, Bunu Katusele i salim pinis plis skwat long Hagen i go long dispela eria. Em i tok ol samting i lus long pait i bikipela moa. Planti haus i bin paia, na kopi gaden long tupela eria wantaim i bagarap taim 600 man long tupela eria wantaim i kirapim pait.

Asisten Komisina Katusele i tok as bilong pait i bin stat bihain long sampela man long tupela sait wantaim i bin hait na i go baim bia long Kandep long Sauten Hailans provins. Enga i bin stap long tambu bilong bia long dispela taim. Ol i baim bia pinis na bihain karim i go long Laiagam.

Pait i bin kirap bihain long wanpela man Pupman i tromoi han long wanpela man Tandapi. Na dispela i kirapim bikipela pait tru long Sande. Hevi bilong pait i stap yet bikos ol lain long Pupman na Tandapi i no amamas long ol samting i bin lus long pait.

Ol mobail skwat bai stap yet inap olgeta hevi i pinis.

ENGA : Narapela pait tu i bin kamap gen long Laiagam namel long ol hauslain bilong Kilianda na Pein. Long dispela pait, wanpela man, Lawe Ul bilong Kilianda i bin dai taim ol lain long Pein i katim em long tamiok. Narapela man i bin dai long katres bilong gan. Man ya em Kep Kuipane, krismas bilong em 34 na i bin stap olsem draiva bilong seketeri bilong Enga provinsal gavman long dispela taim.

Nau yet ol mobail skwat long Hagen i stap long provins long stapim pait.

MADANG : Wanpela stil pasin i bin kamap long not kos rot bilong Bogia long dispela wik. Plis ripot i tok sampela yangpela man i bin stapim ka bilong wanpela kampani menesa wantaim wokman bilong em bihain long tupela i go long Asaramba plantesen long givim pe bilong ol wokman.

Tupela i laik go olsem long Manga plantesen taim ol dispela man i stapim ka long rot na stilim mani inap long K2,200.

Provinsal Plis Komanda, Pius Sipulung i tok plis i wok long painim ol yet dispela man.

MADANG : Plis i holim pinis tupela bilong ol 8-pela man husat i bin brukim stua i sanap insait long haus pasindia bilong Madang ples balus long Mande 29 Februeri.

Plis ripot i tok ol dispela 8-pela man i kisim ol kaikai na ol arapela samting na i laik ranawe taim ol plis i kamap stret na holim tupela bilong ol. Narapela 6-pela i ranawe tasol i luk olsem plis bai holim ol. Plis i kisim olgeta samting em ol stilman i bin laik kisim long en. I no gat wanpela samting i lus o bagarap long dispela taim.

HAGEN : Tupela yangpela meri, krismas bilong ol namel long 20 na 25 i bin bungim birua bak-sait long Hagen Pak Motel long dispela wik. Sampela man i bin pretim tupela wantaim naip na bagarapim ol. Plis i no givim namba bilong ol man husat i bin bagarapim tupela meri na long wanem hap tru ol i bin kam long en. Bikos ol dispela man nogut i bin ranawe taim plis i kamap.

MOSBI : Plis i ripot olsem tupela ka i bam long Waigani draiv long Sarere. Tupela ka, wanpela PMV bas na narapela liklik ka i bin bam na bas i bin tanim olgeta.

Plis i tok long dispela taim i bin gat 11-pela pasindia insait long bas, namel long ol i bin gat wanpela liklik bebi. Ol pasindia i no bin kisim bikipela bagarap tumas long dispela taim. Nau yet plis i wok long askim draiva bilong tupela ka wantaim.

5 extra
King Size
Virginia

Winfield 25'S

Government Warning: Smoking is Dangerous to Health



OL PAS SPESEL



Ol PMV bas save paulim ol manki

Dia Edita,
Planti taim mi save lukim boskru bilong ol PMV bas i save kisim 40t long ol manki. Taim ol manki i givim K1 o K2 long ol boskru, ol i save kisim 40t na givim 60t o K1.60 bek long ol dispela manki.

Mi lukim kain pasin na mi no wanbel stret. Ol boskru husat i save mekim olsem em ol boskru bilong ol PMV bas em ol Hailans i papa long en.

Yupela ol boskru i save bihainim bas pe ol Trenspot Bod i makim o yupela i save sasim nating long laik bilong yupela? Yupela mas bihainim wanem lo Trenspot Bod i putim. Na maski long kamapim ol rabis lo bilong yupela yet.

Yu husat boskru i save mekim olsem, mi ken tokim yu stret olsem yu wanpela gridi na mani pesman.

Yupela mas save olsem ol manki ol i no wckman. Yu save lukim pikinini bilong yu holim planti mani tu o no gat? Sapos no gat, em nau mipela olgeta manki i wankain tasol.

Maposlan Naluz Boroko

Tupela soldia karim sot gan long pablik

Dia Edita,

Mi laik toktok long wanpela samting we mi lukim i no stret long ai bilong mi. Mi bin lukim ol soldia boi i karim sot gan long pablik ples.

Wanpela taim mi go raun long Rabaul maket na mi lukim tupela soldia boi i karim sot gan raun long maket i stap. Ol man i bin pret taim ol i lukim dispela tupela soldia.

Mi lukim dispela na mi no wan bel tru. Ol dispela soldia boi mas save olsem opresen i no stap long Rabaul. Na bai ol i ken karim gan raun long taun. Opresen i stap long Bogenvil, sapos yu laik karim sot gan orait raun i go long Buka.

Sampela bilong yupela save mekim na gutpela nem bilong ami i save bagarap.

Robin Vincent Rabaul

Olgeta Sepik i no raskolman

Dia Edita,
Mi wanpela manki Sepik tasol nau mi skul long Kimbe haikskul insait long Wes Nu Briten provins.

Planti taim mi harim ol man i save kolim mipela ol Sepik olsem ol raskolman. Ol i save tok mipela ol Sepik ol lain bilong mekim raskol pasin.

Mi laik tok kila olsem i no mipela ol Sepik tasol i save mekim pasin

raskol. Ol man bilong narapela provins tu i save kamapim raskol pasin. Na tu yupela mas save olsem i no olgeta Sepik i save mekim raskol pasin.

Ol liklik lain tasol i save mekim raskol pasin. Na mipela ol gutpela manmeri bilong Sepik i save kisim nem nogut nating.

Daniel Jack Kimbe Haiskul

Rot mas joinim Maramuni na Wabeg

Dia Edita,
Mi laik autim wari bilong mi i go long tupela lida bilong mipela, Jeffrey Balakau na Albert Kipalan.

Mi amamas long olgeta samting yutupela i bin mekim, tasol i gat wanpela samting tasol yutupela mas lukluk long en.

Yutupela mas toktok strong long nesenel gavman long givim sampela

mani long wokim rot i go long Maramuni. Nau yet ol pipel long dispela hap i save painim hat tru long kam long Wabeg taun. Na ol i save wakabaut i kam long Wabeg long tripela de olgeta.

Sampela liklik ples olsem Kompam, Kandep na Pogera i gat rot na ka i ran.

Philippus Kape Hagen

Ol Hailans save pulapim Jacksons ples balus

Dia Edita,
Mi wanpela manki bilong Lae, Morobe provins tasol nau mi stap long Mosbi siti.

Olgeta taim mi save go long ples balus. Tasol mi save lukim ol manmeri bilong hailans i save pulap long balus. Wanem gutpela samting long Mosbi i pulim yupela

i kam.
Traim na stap long ples, bikos Mosbi em i no gutpela ples tumas. Tru em i gutpela ples, tasol yupela i gat wok em bai gutpela. Nau yet mi lukim planti yangpela manki bilong yupela i kamap raskol nabaut long Mosbi, bikos long gris bilong ol lida bilong

yupela tasol.
Taim ol (lida) i gutpela, ol i save tingting long yupela. Tasol planti taim ol bai lus tingting long yupela, na bai i no inap helpim yupela long mani na kaikai.
Dispela em wanpela bikpela samting. Mi mas sutim tok i go long nesenel gavman.

Gavman i mas strongim lo bilong ol man i go kam namel long ol taun na siti. Planti manmeri i save kamap long Mosbi na Lae nating. Na kamapim planti pipia stret.
Em tasol liklik bel hevi bilong mi.

Gai Kingston MOSBI

Maski singsing long ol meri tasol - mipela les pinis

Dia Edita,

Mi wanpela manki Morobe. Tasol nau mi stap long Mosbi siti. Mi laik autim liklik wari bilong mi long ol musik

manmeri bilong dispela kantri.

Nau yet mi save harim kain kain ben i kamap long Papua Niugini. Tasol mi no harim wanpela gutpela singsing i kamap long maus bilong wanpela singa yet.

Toktok bilong mi i sut long ol musik manmeri bilong Tolai, Sepik, na Sentrel. Plis mi laikim yupela ol musik manmeri long dispela tripela eria i mas senisim tingting bilong yupela liklik.

Bikos planti taim ol wantok bilong yupela long FM na Karai Redio i save pilaim singsing bilong yupela. Tasol olgeta dispela singsing i bilong ol meri tasol. Wanem, meri i lukautim yupela o olsem wanem?

Plis inap yupela singsing long sampela gutpela samting we ol manmeri i mekim long laip bilong ol. Wanpela taim mi sindaun wan-



taim wanpela lapun meri i stap, na wanpela singsing bilong ol Tolai i kamap. Dispela singsing i sut stret long ol meri. Lapun meri i pasim redio bilong em na tok "Olgeta taim

meri, meri, meri." Wanem taim bai ol dispela lain singsing long wanpela gutpela samting.
Mi save harim planti gutpela yangpela manmeri i mekim wankain

toktok. Olsem na mi askim yupela ol Tolai, Sepik na Sentrel long stapim olgeta singsing bilong ol meri.

Smy Falcon LAE NGATU

Ol marit meri stap isi

Dia Edita,
Mi wanpela manki bilong Oksapmin long Wes Sepik provins. Mi laik autim liklik wari bilong mi long ol kristen brata na susa.

I luk olsem ol marit meri i save so op long ai bilong man bilong ol long ol pablik ples olsem maket. Dispela kain pasin i no gutpela tumas long ai bilong man bilong yu, na tu long ai bilong God. Na tu yu save givim sem long man bilong yu na ol pren meri. Long dispela as tasol na pait na kros i save kamap namel long ol marit.

Ol yangpela meri tu i save putim skin nating long ol maritman. Ol i save mekim dispela kain pasin long putim ol naispela klos na sket na raun long ol maket ples. Dispela kain pasin i no gutpela tumas.

Ol meri traime na stap isi long haus bilong yupela, taim ol man i go wok. Yupela mas stap lukautim haus na was long ol pikinini.

Na ol yangpela meri tu i mas stap gut long haus wantaim ol papa na mama bilong yupela. Bihain taim bai yu ken painim gutpela man long gutpela we.

Mi save lukim dispela kain pasin i kamap long Tabubil Supa Maket.

Rickson Wanten Tabubil

No ken seksek long mauswara bilong ol kendidet

Dia Edita,

Mi wanpela man Kabwum long Morobe provins. Mi gat bikpela wari long autim long ol pipel bilong Kabwum.

Planti taim mi save lukim olsem taim ileksen i laik kamap ol kain kain mauswara i save kapsait. Mausman bilong ol kendidet i save kilim skin stret long kempen long ol kendidet. Na planti taim ol sapota yet save pait long taim bilong ileksen.

Tru tumas mi ken tokim yupela stret olsem, yupela nogat sem long mekim ol dispela pasin. Ating yupela kamap long hul bilong diwai o ston,

olsem na yupela i no save tingting na mekim samting.

Mi gat sampela kwesten long askim;
- Yupela save sori long ol arapela brata na susa tu o?

- Hamas taim yupela save kempen na vot?
- Na wanem taim bai Kabwum i develop olsem ol arapela distrik long Morobe provins?

Tasol nau mi laik tok lukaut long ol politisen long dispela ileksen. No ken paulim tingting bilong ol trangu manmeri long ples.

William Willy Kabwum - Morobe

Strong na marit

Dia Edita,

Mi wanpela manki Gibaretmin insait long Saut Is Awin eria bilong Westen provins. Mipela ol yangpela manmeri i no save lukluk gut na marit. Mipela marit nabaut na save

painim hat long lukautim ol pikinini long bihain taim.

Ol pikinini i no save kaikai gut, na save dai long sik. Bikos mipela i no redi yet long mekim wok bilong papa na mama long lukautim ol.

Olsem na ol yangpela i mas tingting gut na marit, na no ken seksek hariap.

Sapos yupela pilim olsem yupela i ken lukautim pikinini, orait yupela i ken marit.

Nogut yupela i kamapim pikinini nating na ol bai i kisim taim.

Manfred Baiyage Tabubil

Ol Saut Is Awin i no save helpim ol wantok

Dia Edita,
Mi wanpela manki Saut Is Awin long Westen provins, tasol mi stap nau long Tabubil insait long Westen provins yet. Mi laik autim wanpela wari i go long ol brata na susa bilong mi long Saut Is Awin eria. Planti taim long taim bilong baim kompensesen, mi save lukim olsem ol brata na susa ya i no save putim

mani wantaim olsem K20 o K50 long baim ol wanpela samting, no gat tru.

Long lukluk bilong mi, mi no amamas tru long kain pasin olsem. I luk olsem ol brata na susa i laik gridi tru ya.

Em i orait, tude em taim bilong wan wan, bai mipela i lukluk long bihain taim.

Manfred Baiyage Tabubil

Olsem wanem, ol yangpela singelman nogut o?

Dia Edita,
Mi wanpela manki Sepik tasol nau mi stap long Kimbe. Mi laik sapotim pas bilong susa Selly Jacob. Pas bilong em i bin kamap long *Wantok Niuspepa* namba 890.

Selly i bin komplek long rabis pasin ol meri i save mekim. Em i tok olsem sampela singel na marit meri i save paulim ol maritman.

Planti taim ol dispela meri i save pait wantaim meri bilong ol dispela maritman. Na ol i save mekim kain kain tok nogut long pablik ples.

Dispela em i tru. Mi lukim long ai bilong mi stret, na mi no wan bel liklik.

Ol meri traime na tingting pastaim, husat bai karim sem bilong yupela long kain pasin olsem.

I gat planti ol singelman i raun lus i stap. Askim ol na bai yu kisim wanpela na maski long bihainim ol maritman.

Em tasol liklik wari bilong mi.

Elias Max Kimbe

Ol plisman long Kimbe mas wok gut

Dia Edita,

Mi bilong Hagen long Westen Hailans provins tasol nau mi stap long Kimbe long Wes Nu Briten.

Mi laik autim wari bilong mi long *Wantok Niuspepa* bai olgeta plisman long Kimbe i ken lukim.

Las yia, wanpela bikpela stil pasin i bin kamap long Papua Niugini Bengking Kopresen (PNGBC), tasol ol plisman i no mekim wanpela samting. Na ol raskol i kilim wan-

pela wok meri na ranawe wantaim bikpela mani.

Dispela ol plisman i mekim bel bilong mi kaskas. Ol raskolman em ol birua bilong yumi. Na ol plisman i no ken sanap na lukluk tasol.

Hevi bilong stil na bagarapim meri i kamap bikpela, bikos ol plisman i no save mekim wok bilong ol.

Sampela i save raun long ka na painim meri. Na sampela i save raun nating giamanim ol man na kisim bia na

spak raun long ka.

Nau yet mi laik askim ol plisman long wok gut. Olgeta gutpela manmeri i lukluk long wok bilong yupela. Na laip bilong ol i stap long han bilong yupela.

Olsem na plis wok gut. Na maski long soim skin nating long yunifom bilong ol plisman.

**Kore Mulpisa
KIMBE**

Daunim pilai politik

Dia Edita,

Olsem wanpela manki bilong Galp provins stret, mi laik autim tingting na bikpela wari bilong mi long we gavman bilong Galp i save ranim wok politik insait long provins.

Wok bilong politik i bringim planti wok developmen long arapela provins, tasol Galp provins i luk sore yet. Wok bilong politik i stap long provins 15 yia i go pinis, na mipela ol pipel bilong Galp no lukim wanpela gutpela developmen i kamap.

Galp provins i gat planti samting bilong developim olsem forestri, fiseris na kopra.

Ol dispela samting ken bungim wari bilong ol pipel bilong Galp, tasol gavman i no tingting strong long bringim developmen. Ol lida bilong Galp provinsal gavman i tingting tasol long pilai politik.

Mi laikim nau yupela ol lida bilong Galp long tingim ol pipel pastaim, na bihain yupela i ken tingim yupela yet long pilai politik.

**Richard Meo
Galp**

Maski sapatim ol meri

Dia Edita,

Mi laik bekim pas bilong brata William Suofi. Pas bilong em i kamap long Desemba 1991. Em i komplem long kain pipia samting olsem ol meri i putim trausis.

Brata, yu mas tingting gut na toktok. Long wanem sapos yu sapatim ol meri bai ol i bikhet moa. Ol meri i save putim trausis na mekim ol man i seksek na bagarapim ol.

Na tu ol meri i save raun tumas. Na dispela sik ol i kolim long AIDS nau i wok long kamap bikpela.

Mi laik tok olsem yupela ol dispela kain man i westim nating taim bilong yupela. Yu tok sapos mipela mekim olsem yet, bai yu tokim ol edita long stapim dispela pas pes.

Taim mipela i toktok, mipela i no westim taim bilong mipela, mipela toktok long helt bilong yu.

**Peter Kanua
KIMBE**

Pe bilong ol kaikai long Goroka maket mas goap

Dia Edita,

Ol lapun bilong mi long Goroka asples, na ol narapela manmeri bilong Goroka i save kam salim kaikai long Goroka maket. Ol kain kaikai olsem kaukau, pinat, muri, banana, kumu na ol narapela kain kaikai.

Tasol mi sori olsem ol i no save salim ol kaikai long bikpela mani olsem K6, K4, K2 o K1. Ol i save salim long 10t tasol. Mi laik tok olsem dispela mani em liklik tru.

Taim ol i bungim olgeta 10t wantaim, ol i save kisim samting olsem K4 tasol. Na taim maket i pinis, ol i karim i go long stua na baim wanpela samting tasol. Dispela mani i pinis long stua, na ol i no gat inap long putim long pasbuk o sevim gut long was long ol long bihain taim.

**Lutie Gekeve
GOROKA**

No ken kolim biknem Hailans nating

Dia Edita,

Mi gat het pen liklik long bekim pas bilong tupela brata ya, David Joshua na Simbiken.

David Joshua i bin tok long rausim ol Hailans long Wes Nu Briten provins, na Simbiken i tok em i save lukim ol Hailans long *Wewak* bris

taim sip i kam sua. Em i tok ol Hailans save painim wanem tru na raun tumas long sip.

Tupela brata, mi no kros long wanem samting yutupela i raitim long pas.

**Frank Alyu
Rabaul**

Strongim lo bilong kilim man

Dia Edita,

Mi wanpela paul bodi bilong dispela kantri. Nau yet mi stap long Lae long Morobe provins. Mi laik sapatim ol mama bilong Mosbi long gavman i mas strongim lo bilong kilim man husat i kilim narapela man.

Wanpela man long dispela kantri o graun i no gat rait long kilim narapela man. Na husat man i kilim narapela man i brukim pinis wanpela bikpela lo bilong God. "Yumi i no ken kilim ol narapela manmeri bilong dispela graun," God i tok. "Mi wokim yupela na yupela olgeta i stap aninit long lukaut bilong mi. Wanpela man i no inap kilim yupela inap mi tok orait long en. Dispela em i wanpela bikpela lo bilong mi," God i tok. Olsem na husat man i kilim narapela man, yumi mas kilim em tu.

Nau yet mi laik askim nesenel gavman long strongim lo bilong kilim man nating. Mi save olsem gavman i strongim lo bilong kilim man long las yia, 1991. Tasol mi i no lukim wanpela nais i kamap long ol man husat i kilim narapela man.

Planti taim gavman i toktok long dispela samting tasol ol i no save bihainim wanem samting ol i strongim toktok long en. Nau yet yumi lukim ol manmeri i dai olsem pig na dog long strit. Na ol minista nabaut save pasim maus i stap.

Tasol wanpela raskol i laik traim long kilim wanpela minista, ol minista na arapela memba bai opim maus. Traim na bihainim wanem samting yupela i toktok long en. Na maski long strongim nating lo.

Livingstone Piniau

Go bek long ples

Dia Edita,

Mi laik autim liklik wari bilong mi long sampela manki bilong Mendi na Nipa long Sauten Hailans provins, husat i save bagarapim gutpela nem bilong mipela ol arapela gutpela pipel long dispela eria.

Ol dispela yangpela man i no gat wok bilong ol, na ol i save bihainim tumas ol hambak meri, na askim ol narapela man long baim bia bilong ol. Mi no laik autim nem bilong ol, tasol ol i save long ol yet.

Ol dispela lain tasol i save mekim na mipela sem pipia nating.

Mi laik askim yupela olsem, sapos yupela no gat wok long taun, gutpela yupela go bek long ples. Nogut yupela dai nating olsem rokrok arere long rot.

**Mopweks Goyour
RABAUL**

Nogut bai yumi yet i salens

Dia Edita,

Mi laik sapatim pas bilong brata Sia Sulu. Pas bilong em i bin kamap long Novemba 29, 1991.

Sulu i komplem olsem em i no amamas tumas olsem ol soldia i save kisim ol gret 10 tasol, na ol grasrut nating nogat. Mi laik askim yupela ol ami husat i laik kisim ol saveman tasol, na ol grasrut bilong ples nogat? Yupela mas tingting gut, nogut yumi yet bai salens.

Mi laik komplem tu long ol manki bilong mipela em oltaim save putim ol nil long brukim ol wil bilong ka. Mi save lukim dispela olgeta taim, na mi laik tok olsem dispela i no gutpela long ai bilong mi.

Yupela ting wil bilong ka i kos K1 o K2 tasol.

Elias Benard WEWAK

Maski stilim singsing bilong ol arapela ben

Dia Edita,

Mi wanpela manki bilong Morobe patrol pos. Mi no amamas long harim ol arapela ben i stilim singsing na senisim long tok ples bilong ol.

Komplem bilong mi i sut long Memehusa ben bilong Sentrel provins. Taim mi stap long Lae siti mi bin harim Memehusa i bin singsing tupela singsing bilong Rio Grime Ben bilong Indonesia. Ol i singsing gutpela tasol ol i senisim i go long tok ples bilong ol.

Dispela pasin i mekim mi bel kaskas liklik long ol. Sapos wanpela ben i laik stilim singsing bilong narapela man, em i no ken senisim i go long tok

ples bilong em. Singsing stret long wanem tokples papa bilong singsing i singim.

Pasin bilong stilim singsing em i bikpela stret long PNG. Mi laikim olgeta musik manmeri i mas bungim tingting wantaim long strongim wanpela lo. Dispela lo i mas stapim ol musik manmeri long stilim singsing bilong narapela ben.

Sapos wanpela man i laikim singsing bilong narapela man, em i mas toksave. No gat em i mas baim dispela singsing. Nau yet wankain musik i stap long olgeta hap.

**Steve McLean
LAE**

Baibel i tokaut tru long graun na pipel i kamap olsem wanem



Dia Edita,

Mi wanpela manki Hoskins insait long Wes Nu Briten provins. Mi laik bekim pas bilong Jonna Poya. Jonna i bin askim olsem, Buk Baibel o sains i tru?

Brata, taim mi stap long haikul, mi save askim kain kwesten olsem. Tasol bihain long mi redim Baibel na harim ol pasto, mi painim olsem Baibel em i tok tru.

Baibel i tok klia tru long Jenises sapta wan na i go daun. Em i tokim yumi long dispela graun i kamap olsem wanem. Na man i bin kamap olsem wanem.

God i bin mekim heven na graun, bihain ol narapela samting. Tasol em i painim olsem mas i gat man long was long ol dispela samting. Em i bin wokim man na kolim em Adam. Bihain em i bin wokim wanpela meri na givim em nem Eve.

Adam wantiam meri bilong em Eve i bin bosim Gaden ov Eden. Bihain long tupela i bin sin, Eve i bin karim tupela pikinini. Nem bilong tupela em Cain na Abel. Stori i no stap long hia, yu ken redim Baibel na bai yu save moa.

God i bin mekim yumi na givim

yumi save na yumi go long bikpela skul. Tasol planti taim man save lus tingting long God. Taim ol man i go na stadi long sains, ol i save lus tingting long God. Ol i save bihainim wanem samting tisa i tokim ol.

Brata Jonna, mi save olsem yu wanpela bilong ol dispela lain. Olsem na mi askim yu long lus tingting long wanem samting sains tisa i bin tokim yu. Na ritim Baibel bilong yu stat long Jenises. Dispela bai givim ansa long askim bilong yu.

**Benson Gilime
Hoskins**

Ol Nomane mas waswas pastaim na bihain go raun

Dia Edita,

Mi wanpela manki Nomane insait long Simbu provins. Mi gat belhevi long ol pipel bilong Nomane yet, olsem na mi laik autim long *Wantok Niuspepa*.

Olgeta taim mi save lukim ol pipel bilong mi i save raun long Simbu taun olsem ol i raun

long ples Nomane yet. Sampela i no save waswas inap long tripela de olgeta. Tasol ol i save go na raun wantaim smel long Simbu taun.

Nau yet mi laik askim yupela ol pipel bilong ples Nomane. Simbu em i taun bilong yumi. Na yumi mas soim ol

arapela manmeri olsem yumi gat gutpela taun, na tu yumi ol gutpela manmeri.

I luk olsem yumi ol pipel bilong Nomane i save bagarapim nem Simbu.

Mi laik askim yupela ol manmeri bilong Nomane, Sapos yupela laik go raun long

Simbu, plis yupela mas waswas pastaim. Na maski long slip pinis na givim sisti nating i go raun long taun.

Planti taim san i hot, na mi save smglim skin bilong yupela olsem ol pig na dog.

**Daniel Nime
SIMBU**

Ol Mendi mas lusim buai nau bikos . . .

Dia Edita,

Mi laik komplem i go long ol manmeri bilong Mendi stret. Mi laik tok olsem pasin bilong kaikai buai i no bilong yumi. No gat tru. Em i pasin bilong ol nambis manmeri.

Yumi no ken kaikai buai. Bikos yumi no gat buai long ples bilong

yumi.

Tasol ol nambis lain i ken kaikai buai bikos ol i gat diwai buai. Ol i planim olsem na em samting bilong ol stret. Na taim ol i kaikai, ol i luk nais tru.

**Paul Kep
KIMBE**

Votim gutpela man

Dia Edita,
Mi wanpela grasrut bilong Transgogol eria long Madang provins tasol nau mi stap long Lae siti.
Mi laik autim bikpela belhevi bilong mi bai ol pipel long provins na Gogol eria i ken lukim na save. Belhevi bilong mi i go olsem, planti tausien yia i kam inap nau, Madang provins i no lukim wanpela senis liklik. Na nau yet bai stap olsem i go inap graun i pinis.
Yumi lukim olsem planti provins i kism senis long olgeta yia. Ol i gat planti bisnis wok, planti kain kain skul, helt senta, et pos, gutpela rot na planti wok moa.
Dispela ol samting i kamap long provins bilong ol, bikos nesenel memba bilong ol i save smat moa long opim maus na toktok strong long lukim developmen i go insait long provins bilong ol. Tasol Madang taun bai i no inap senis na graun bai lus olgeta.
Yumi mas save olsem rot, dua na ki bilong bringim na kamapim senis insait long provins i stap long ol nesenel memba bilong yumi.
Olsem na long 1992 Nesenel ileksen long Jun, yumi mas votim ol gutpela na strongpela saveman long go insait long nesenel palamen.

**Loh Gambu
Lae**

Pipi K. string ben we?

Dia Edita,
Mi wanpela manki Wabeg tasol nau mi wok wantaim Mosa Sekyuriti Fos long Kimbe, Wes Nu Briten.
Liklik wari bilong mi i go long ol manki Tari husat i save pilai long Pipi K. string ben.
Bipo yupela i bin katim namba wan na namba tu kaset bilong yupela. ol singsing bilong yupela i gat narapela kain stail olgeta, olsem na ol manmeri i pinisim olgeta. I no gat wanpela kaset bilong yupela i stap long wanpela stua.
Mi tu mi wanpela manki bilong laikim tru ol tokples singsing bilong yupela ol Tari, olsem na mi wetim yet namba 3 kaset bilong yupela long kamaut.

**Tiss Kepas Wassey
Mosa Sekyuriti
P.O. Box 363
Kimbe, W.N.B**

Ol Hailans bai stap

Dia Edita,
Mi wanpela man husat i save laikim stail bilong ol Hailans. Olsem na mi laik tok egensim pas bilong brata K. M. Hone bilong Lae. Long pas bilong em, em i tok ol Hailans i bagarapim olgeta hap bilong PNG.
Brata mi ken tok olsem yu no save long wanem samting yu tok tok long en.
Ating yu mas stap yet long yia 1960. Sapos yu stap long dispela taim, nau bai yu save long laip.
Yumi mas save olsem dispela kantri, Papua Niugini, em i demokretik kantri, na olgeta man na meri i gat rait long toktok, muv na mekim samting long laik bilong ol.
Olsem na no gat wanpela man o gavman bai mekim dispela kain toktok long rausim ol Hailans i go bek long ples bilong ol.

**S. K. Mongo Murune
Buka Ailan**

Memba bilong Daulo Open i no bringim developmen

Dia Edita,
Mi wanpela manki Watabung, tasol nau mi stap long Mosbi siti. Mi save lukluk yet long hap bilong mi, Daulo Pass hapsait long Watabung long Morobe provins.
Insait long hap bilong mi, i no gat gutpela senis i kamap taim mi

stap manki yet i kam inap nau.
Long ai bilong mi, mi save lukim memba bilong Daulo Open, Gai Duwabane i no save bringim developmen i go long Watabung sait liklik. Mi lukim olsem em i save bringim developmen i go long sait bilong em tasol.

Maski komim gras long ol pablik ples

Dia Edita,
Planti taim mi lukim ol yangpela meri i save komim gras bilong ol long pablik ples. Dispela pasin i no stret long tingting bilong mi.
Planti brata susa bilong ol arapela hap i gat wankain tingting, tasol ol i les long soim. Planti taim mi lukim ol i save komim gras stret long kaikai ol i salim long en.
Na taim kaikai i kuk, mipela i save lukim sampela longpela gras. Mi laik tokaut long yupela olsem sampela taim mipela save kapsaitim kaikai we i gat planti gras long en. Na kukim narapela kaikai gen.
Olsem na mi tokaut long yupela long lusim pasin bilong komim gras long maket ples. Sapos yupela i laik kam long maket, plis kom gut long haus na bihain wokabout i go long maket.

Joel Manu KIMBE



Hia em ol man na meri husat i laikim penpren. Nem, krismas, adres na wanem samting ol i laik mekim i stap tu.

Nem: Anna Apiah
Asples: Ghana, Wes Afrika.
Krismas: 26 yia.
Adres: P.O. Box 1294, Central Region Kotokuraba Street, GHANA, West Africa.
Mi save laik: wokim pren, raun i go i kam, senisim ol samting na stori.

Nem: Lydia Boison
Asples: Ghana, Wes Afrika.
Krismas: 24 yia
Adres: P.O. Box 1294, Central Region Kotokuraba Street, GHANA, West Africa.
Mi save laik: harim musik, raun i go i kam, waswas long nambis na senisim ol samting.

Nem: Sam Dougham
Asples: Ghana, Wes Afrika.
Krismas: 22 yia
Adres: P.O. Box 1294, Central Region Kotokuraba Street, GHANA, West Africa.
Mi save laik: pilai tebol tenis, waswas long nambis, danis na senisim ol samting.

Tok save: Plis bekim ol tripela namba wan pas long tok Inglis. Bikos ol i no save long Tok Pisin.

Nem: Lawrence Taitai
Asples: Wabag, Enga provins.
Krismas: 21 yia
Adres: P.O. Box 363, KIMBE, W.N.B.P.
Mi save laik: pilai gita, kik bal, pilai volibal na basketbal, ritim buk, lukim muvi, tok pilai wantaim ol pren na pilai ragbi.

Nem: Philip Maridia
Asples: Maprik, E.S.P.
Krismas: 19 yia
Adres: P.O. Box 125, BOROKO, N.C.D.
Mi save laik: pilai ragbi tas, singsing lotu, pilai soka na raitim pas long ol pren.

Nem: Billy Caspar
Asples: Hagen, W.H.P.
Krismas: 18 yia
Adres: Foxtrot Coy 2PIR, P.O. Box 1595, RABAUL, E.N.B.P.
Mi save laik: pilai ragbi, lukim muvi, ritim buk, go long lotu na lukim ol kain kain pilai.

Nem: Gidie Ewara
Krismas: 18 yia
Adres: Kimbe Printing, P.O. Box 161, KIMBE, W.N.B.P.
Mi save laik: waswas long nambis, lukim televisen na vidio muvi, senisim ol samting wantaim ol pren na harim musik.

Nem: Richard Meo
Asples: Karokaro viles, Galp provins
Krismas: 18 yia
Adres: Karokaro viles, Pos Opis, IHU, Galp provins.
Mi save laik: pilai, tok pilai wantaim ol pren, go long lotu long olgeta Sarere, waswas long nambis na ritim ol baibel stori.

Rausim ol man no gat wok na stap nating long Lae siti

Dia Edita,
Mi wanpela manki Warabung long hap bilong Yangoru insait long Is Sepik, tasol nau mi stap long Lae.
Mi amamas tru long ol Morobe i bin protes long rausim ol Simbu na tu husat manmeri long ol narapela provins i no gat wok na i stap nating long ol setelmen long Lae siti. Dispela em bikpela samting

we gavman bilong tude i mas lukluk, na rausim olgeta pasindia i go bek long ples bilong ol.
Narapela samting em ol asples Ahi konstituensi mas no ken salim graun i go long ol pasindia man husat i no save wok. Bilong wanem na dispela hevi i kamap nau long ol taun na siti? Bikos gavman o papa bilong graun i tingting tumas long mani, na i no

tingim wanem samting bai kamap long bihain taim ol man long narapela hap i kam sindaun long graun bilong ol.
Yu yet i laik lukautim ol stilman bikos yu save pilim swit tru taim ol i stilim ol samting na kam givim yu.
Mi laik bai ol gavman opisa o kiap i mas kamaut long ol opis na go long ol setelmen na kism nem

bilong ol man husat i no save wok, na i stap nating long ol blok, na salim ol i go bek long ples bilong ol.
Namba wan as bilong trabel i save kamap long pasin bilong pasindia insait long ol taun na siti. Olsem na gavman i mas lukluk long ol dispela samting.

**Gideon Baroku
Lae**

Ol Wantok ripota save kaikai pas o olsem wanem?

Dia Edita,
Mi laik autim belhevi bilong mi i go long ol wokman na meri bilong *Wantok Niuspepa*.
Mi save raitim nating ol pas bilong mi i kam long *Wantok Niuspepa*. Tasol yupela i save putim long we? Bikos mi no save lukim wanpela i kamap liklik long pepa.
Dispela i no long ol pas tasol. Wankain samting tu long ol tokpilai bilong mi i go long Kanage. Olsem wanem, mi no save rait gut o soim samting o olsem wanem?
Mi i no inap bilip sapos Edita i

tok olsem ol pas bilong mi i no save go kamap long yupela. Dispela em ol giaman bekim.
Ating yupela i laik bihainim gavman bikos yupela i pret nogut yupela i pinis long wok!!
Mi bai amamas long lukim sampela bekim o sapot pas.

**Palleu Tamase,
Slau Kompaun,
Wewak.**

Bekim bilong Edita

Dia Pren,
Mi amamas long pas bilong yu.

Tasol yu mas save olsem i no yu wanpela i save salim pas i kam long *Wantok Niuspepa*. I gat narapela 15 tausien (15,000) rita tu long kantri husat i save salim pas long olgeta wik.
Na long bungim olgeta wantaim, yu tingim hamas pas mi save kism. Mi save skelim dispela ol pas na tok pilai na lukim wanem em i gutpela bilong yusim long pepa.
Ol dispela mi ting i no gutpela, mi save tromoi. Olsem na mi ken tok klia long yu olsem i mobeta yu raitim pas wantaim gutpela ting-

ing bilong helpim kantri na yu yet. Na i no long ol kain komplem olsem ol meri i putim trausis, rausim gras bilong ai, putim longpela nil su na ol kain samting.
Long ol tok pilai bilong yu, mi bai putim long pepa sapos ol i gutpela na i no gat tok nogut insait. Na tu, sapos dispela ol tok pilai i no bin kamap bipo.
Mi laik tok klia long yu tu olsem *Wantok Niuspepa* i no bilong gavman. Na mipela i no save bihainim laik bilong gavman. Dispela *niuspepa* em i bilong ol misin. **Mi Edita.**

Brukim Is na Wes Palai long tupela hap

Dia Edita,
Mi wanpela manki Monandin bilong Is Palai long Nuku Distrik, Wes Sepik provins. Mi laik bringim kamap ol belhevi o wari bilong ol papa mama bilong mi long Is na Wes Palai.
Long lukluk bilong mi, ol pipel bilong tupela eria wantaim i hangre tru long helpim bilong gavman.
Tupela eria, Is na Wes Palai em ol bikpela eria tru insait long Nuku dis-

trik we i gat planti man, meri na pikinini. Long dispela as tasol na mipela i askim provinsal na nesenel gavman long lukluk strong long dispela.
Ol i mas brukim Is na Wes Palai i go long tupela hap bai Is Palai i gat memba bilong em yet, na Wes Palai gat memba bilong em yet.

**Ignas Raay
Wes Sepik**

Glasim gut ol kendidet na votim

Dia Edita,
Mi wanpela manki long Isten Hailans provins tasol nau mi stap long Lae, Morobe provins.
Mi laik askim ol pipel bilong Okapa, EHP long makim wanpela gutpela lida long mekim ol wok bilong developim eria bilong mipela long dispela yia.
No ken givim vot bilong yu wan-

taim K20 o K10 nating. Lukluk gut long man i ken kism hevi bilong yu i go long nesenel gavman.
Klostu bai 1992 ileksen i kamap, olsem na mi laik askim ol pipel nau long glasim gut ol kendidet husat i laik sanap long nesenel ileksen. No ken dai nating long mauswara bilong ol. Nogut ol i no inap long helpim yumi.
Kaneo Kurl Lae

Nalau em trupela pikinini bilong Morobe

Dia Edita,
Mi bilong Morobe tasol nau mi stap long Mosbi siti. Mi laik mekim tok amamas bilong mi i go long nupela primia bilong Morobe provins, Jerry Nalau.
Nalau em i trupela pikinini bilong Morobe. Na em i wanpela strongpela lida mi lukim long laip bilong mi taim mama i karim mi. Olsem na mi laik askim ol pipel long bus na nambis bilong Fin-safen long givim olgeta sapot long Nalau.
Nau yet yumi ol pipel bilong Morobe i lukim em i kamapim planti senis. Em i no save wari long ol arapela manmeri husat i stap long Lae na kamapim bikhet pasin. Dispela i soim stret blut bilong

Morobe. Mi yet long Mosbi, mi i no save lukim wanpela lida bilong Morobe i mekim olsem.
Dispela em i namba wan taim long lukim wanpela Morobe i toktok na pait long hevi bilong ol pipel bilong Morobe. Nau yet mi laik sapatim Nalau na askim em long mekim wanem samting em i lukim i gutpela long ol manmeri bilong Morobe.
Bikpela samting em yu rausim ol manmeri long setelmen. Namba tu samting em mi laikim yu i mas putim sampela mani long rausim ol i go bek long ples bilong ol.
Planti pipia tumas long ol setelmen long Lae.

**Kerry Bikay
MOSBI**

M.V. Doulos salim 44,000 buk na lusim pinis kantri

YAKAM KELO i raitim

BIKPELA sip bilong karim ol buk, M.V. Doulos i bin salim 44,000 buk long Lae na Rabaul taim em i kam pas long Rabaul bris long Januəri 17, 1992.

Dispela sip i save karim ol buk bilong skul, ol Baibel stori buk na ol arapela kain kain buk bilong ritim. Insait bilong dispela sip i olsem wampela bikpela laiberi o haus buk.

Na i bin lusim Papua Niugini long dispela mun bilong go long Maikronesia.

M.V. Doulos i kam raun long Papua Niugini long wok misin. Ol lain bilong sip i bin go long ol ples, haus sik na ol ples bung na autim Gutnius long ol pipel.

Mausmeri bilong M.V. Doulos, Deanna Ricketts i tok ol i kam long kantri bihainim tok orait bilong ol sios long PNG. Em i tok i gat 330 manmeri bilong 35 kantri i stap wok long dispela sip. Na olgeta i makim wan wan sios grup.

Olgeta lain antap long M.V. Dou


los i save wok aninit long wampela het tok olsem "Operesen Mobalaisesen". Hait tok bilong en i min "Karim Tok bilong God i go long olgeta manmeri long wol".

I gat 9-pela wokman na meri bilong PNG i stap wok long M.V. Doulos. Na long dispela yia, 6-pela bilong ol bai stap bek na ol nupela lain bai kisim ples bilong ol. Olgeta lain bai stap inap tupela yia antap long sip.

M.V. Doulos i bin kam long Papua Niugini long 1988 na i go long Lae na Rabaul. Long 1989, em i kam tasol long Mosbi. Long 1990 na dispela yia, em i kam bek gen.

M.V. Doulos i bin lusim Mosbi long Mas 1 bilong go long Palau long Maikronesia. Na bihain i go long Katton long Taiwan.

Longpela bilong sip inap long 130 mita. Na hevi bilong em inap long 6,670 tan. Ol i bin wokim dispela sip long 1914 long Amerika bilong karim ol kago raun. Long 1978, ol i senisim wok bilong dispela sip long karim kago i go long karim Gutnius bilong Jisas Kraisis go long wol.



MV Doulos sua long Madang : Sampela pipel bilong Madang i lukim ol buk long sip, MV Doulos em i bin sua long Madang bris long las wik. Planti manmeri tru i kamap na lukluk insait long sip ya. Dispela em wampela bikpela sip husat i save go raun long wol wantaim ol kain kain buk. Foto : Sape Metta.

Bialla plis sasim ol boi Vilelo setelmen

NAINPELA man i bin kamap long Bialla Distrik Kot long sas bilong holim sotgan.

Aninit long lo, dispela ol man i no gat laisens bilong karim gan. Na tu ol i bin pairapim gan nating long pablik ples long Bialla na pretim nabaut ol pipel.

Ol plisman i bin holim ol bihain long ol i laik kilim wampela plisman long Vilelo setelmen long las wik.

Ripot i tok long Februari 20, 1992, konstebel Jamare wantaim tupela plisman i bin go long stapim wampela hevi long Vilelo welpam setelmen. Taim ol i kamap, em i lukim wampela man i pretim ol pipel wantaim gan i stap. Na em i singaut long dispela man long

lusim gan.

Tasol em i no lukim narapela pren bilong em i hait long bus na sutim Jamare long han bilong em. Tupela plisman husat i stap long ka i tanim ka na kisim Jamare i go bek long Bialla na kisim moa nelpim. Taim ol plisman i kamap long Vilelo welpam setelmen, olgeta dispela man i ranawe pinis i go insait long bus.

Long neks de, ol plisman i kamap gen long Vilelo na holim tripela man na kisim tu tripela sotgan. Bihain ol i holim gen narapela 4-pela wantaim tupela moa sotgan na wampela .22 raifol na wampela pistol.

Ol dispela man em Godfrey Wangi husat i

gat 27 krismas bilong Yangoru - Is Sepik provins, Bill Ambrose husat i gat 29 krismas bilong Madang, John Damien husat i gat 27 krismas bilong Nuku - Wes Sepik provins, Yax Umari husat i gat 23 krismas bilong Sausi viles - Madang provins na Leo Manguan husat i gat 23 krismas bilong Aroma viles long Maprik wantaim Sony Elias husat i gat 25 krismas bilong Yangoru, Is Sepik provins.

Elias i bin lusim bus na givim em yet long ol plisman long las wik Fonde Februari 28, 1992. Kot i sasim narapela poroman bilong em, Andrew Mambilo bilong Matpomo viles

long baim K400. Na kalabus long 6-pela mun olgeta.

Na ol plisman i painim yet man husat i bin sutim konstebel Jamare. Provinsal Plis Komanda bilong Wes Nu Briten, Komanda Simon Kauba i amamas long ol plisman bilong Bialla long gutpela wok bilong ol.

Vanimo distrik kot kalabusim man long mekim posin

OL papa bilong graun long Yako viles insait long Wes Sepik provins i bin bungim tupela hevi wantaim long las wik i go pinis. Wampela hevi i bin kamap long toktok bilong graun, na narapela em long posin sanguma. Ripot i tok wampela man Manus, Augustine Pohou husat i save wok olsem komyniti skul tisa long ples Yako i bin dai long posin bilong sanguma. Dispela em bihain long kros bilong graun em Edukesen dipatmen long Vanimo yet i bin baim, na oraitim Pohou long sindaun long en.

Vanimo Distrik Kot i painimaut olsem Pohou i bin dai long posin sanguma, bihain long tupela man

Bewani i bagarapim em. Kot i tokaut long nem bilong dispela tupela man olsem Wagari Dokoe husat i gat 55 krismas, na Bus Man, husat i gat 28 krismas.

Kot i painimaut olsem wampela man, Francis Poma husat i save kisim kompensesen mani bilong graun long Vanimo i bin baim Wagari na Bus long kilim Augustine.

Long dispela taim, Francis Poma i gat liklik bel-hevi long Pohou. Poma i laik tokaut long Poma olsem em i laik paulim em long baim kompensesen mani.

Rot nogut inap bagarapim Morobe ileksen Samban laik kotim PPC

MARYLAND DISE i raitim

MOROBE provins bai wokim las list a na nem bilong ol lain husat inap vot pastaim long provinsal na nesanel ileksen i stat.

Provinsal Iektorel Opis long Lae i autim pinis ol iektoret insait long provins em ol kendidet bai resis long namba wan sia bilong Morobe provinsal gavman.

Ol dispela iektoret em Bulolo Open, Finschafen Open, Huon Galp, Kabwum Open, Lae Open, Markham Open, Menyamy Open, Nawae Open na Tewai/Siassi Open.

Provinsal Iektorel Opis i tok ol iektorel opisa i no go yet long ol ples olsem Bulolo, Huon Galp na Tewai/Siassi. Long wanem dispela ol ples i stap longwe tumas na tu i no gat gutpela rot. Dispela bai holim wok bilong ileksen long provins. Long wanem wok bilong kisim nem long taim bilong vot i

no isi samting.

Ol sampela kendidet husat i laik sanap long provinsal ileksen i stap pinis long Lae siti long autim bel hevi bilong ol i go long Primia Jerry Nalau. Long wanem ol i harim olsem em (Nalau) i laik sanap nau long nesanel ileksen. Primia Nalau i gat dinau yet long pinisim bihain long em i bin wokim wampela eksesais ol i kolim long 'Klinim Morobe Eksesais' we em i bin laik rausim olgeta manmeri i stap nabaut long ol setelmen long Lae siti. Dispela i givim bikpela bel hevi nau long ol pipel bilong Lae. Long wanem i luk olsem eksesais bai i no inap karim kaikai tasol bai bringim moa bel hevi na trabel.

Dispela em wampela bikpela samting Primia Nalau i mas stretim pastaim long em i tingting long resis long nesanel ileksen. Dispela toktok i bin kamap long mas bilong wampela birua kendidet bilong Nalau, John Maran. Maran em wampela biknem kendidet bilong Markham Open iektoret ausait tasol long Lae.

OLPELA primia bilong Is Sepik provins, Bruce Samban i laik kotim Provinsal Plis Komanda, Sief Inspekta John Wakon long bagarapim nem bilong em.

Samban i laik mekim olsem bihainim wampela plis ripot bilong 6 Februari, 1992. Dispela ripot i bin stap long pes 2 bilong Wantok Niuspepa namba 918.

Dispela ripot i tok ol plisman bilong Wewak i bin sasim Samban long stilim na salim ensin bilong wampela ka. Dispela i bin kamap long oksen sel bilong Ela Motors long Wewak.

Tasol long lukluk bilong Samban, dispela ripot i no stret.

Em i tok, "Dispela ripot i bagarapim tru nem bilong mi."

Samban i tok dispela ensin i bin bagarap na em i laik givim i go long

ol studen bilong Yawasoro vokesenel senta long yusim long skul bilong ol. Na sapos ol i stretim, ol i ken painim wampela bodi bilong ka na putim ensin long en.

Samban i tok, "Dispela ensin bilong ka i bilong gavman na i no bilong Ela Motors. Olsem na wanem samting PPC i bin toktok long en i rong tru."

Tasol Sief Inspekta Wakon i tok wanem samting i bin kamap long stori i tru.

Em i tok, "Ol plisman i bin holim na sasim Bruce Samban. Na em i bin kamap long kot."

"I no gat samting i rong long dispela na mi bai tok sori long wanem samting. Mi bai tok sori tasol sapos ripota husat i kisim stori i no harim gut wanem samting mi tok long en," Sief Inspekta Wakon i tok.

Kapulman senisim paia long pikinini meri

BIPO tru wanpela bikpela kapul i save stap antap long Kili Tapalu maunten long Enga provins.

Dispela kapul i save tanim i go olsem yangpela man na sampela taim em i save senis i go olsem yangpela meri.

Wanpela taim wanpela lapun meri wantaim yangpela pikinini meri bilong em i go painim pis long wanpela liklik wara. Dispela wara i stap aninit long tupela bikpela maunten.

Tupela i painim pis long maus bilong wara tasol tupela i no holim wanpela. Olsem na tupela i pasim tok long go olgeta antap long het bilong wara na painim sampela moa pis. Taim tupela i kamap long het bilong wara, bikpela win wantaim ren i pundaun. Olsem na tupela i stap long hap bikos tupela i wet na kol nogut tru.

Bihain tupela i lukim wanpela bikpela ston na i go aninit long en. Win i pinis tasol ren i pundaun yet olsem na tupela i stap longpela taim aninit long ston ya.

I no longtaim, tupela i harim wanpela pairap na guria i kamap arere long ston tupela i sanap long en. Tupela i lukluk raun tasol ol i no lukim wanpela samting. Tupela i pret pinis olsem na tupela i sindaun na holim pas long ston i stap.

I no longtaim, tupela i harim wankain pairap na ples i guria gen. Bihain tupela i lukim wanpela yangpela man i wokabaut i kam stret long tupela. Lapun meri i lukim dispela man na amamas bikos em bai helpim tupela long wokim paia na tupela i ken draim skin.

Taim man ya i kamap, lapun i askim em long wokim paia bilong tupela. Tasol man ya i no toktok na sanap lukluk tasol long tupela. Bihain em i askim lapun mama, "Sapos mi wokim paia bilong yu wan-



taim pikinini meri bilong yu, bai yu baim mi long wanem gutpela samting."

Na lapun meri i no bekim toktok bilong em bikos em i kol nogut tru. Em i sanap longpela taim liklik na askim gen lapun meri long wanem samting em bai baim em long en sapos em i wokim paia bilong tupela.

Lapun meri i tanim ai na lukim pikinini meri bilong em. Bihain em i tokim man ya, "Mi i no gat wanpela gutpela samting long givim yu. Bikos ples bilong mi tupela i stap longwe." Lapun meri i tok. Tasol man ya i lukluk strong yet long pikinini meri na mekim wankain askim gen. Em i gat bikpela tingting long pikinini meri bilong lapun. Olsem na em i sanap yet na askim namba tri taim long lapun i mas baim em pastaim na em i wokim paia.

Lapun meri i lukluk long pikinini meri na tokim em, "Yu mas wokim paia pastaim long mi givim pikinini meri bilong mi long yu. Em i amamas na siksti i go wokim paia. Paia i

no lait gut na em i tokim lapun meri long i go draim em yet long paia.

Na em i putim han long han bilong pikinini meri na kisim em i go raun long ples we em i save hait long en. Dispela kapulman i sikarapim skin bilong yangpela meri ya na em i krai bikpela insait long ston. Lapun meri i harim na siksti i go insait long lukim kapul i wokim wanem samting long pikinini bilong em. Tasol kapulman tokim lapun meri olsem paia bai i dai.

Lapun meri i kol tu olsem na em i siksti i go long lukim paia. I no long taim em i harim olsem pikinini meri i krai gen. Em i siksti gen tasol man ya i stapim em gen. Narapela gen na kapulman ya i tokim lapun meri, sapos yu i kam insait lukim pikinini meri, paia bilong yu bai i dai. Wankain samting sapos yu lukim paia, pikinini meri bilong yu bai i dai. Lapun i paul na sindaun tasol namel long bikpela ren i stap.

Man ya sori long lapun meri na kisim pikinini meri i go

ausait gen long lapun meri. Na em i givim siksti i go insait long hul bilong ston. Bihain em i singaut, "Sapos yutupela i laik lukim mi, kam long Kili Tapali maunten. Sapos nogat, yutupela i ken i kam long Mongalo Kemates na lukim mi long hap." Em i wokabaut i go klostu long maunten na tanim olsem kapul.

Tupela i lukim olsem na pret nogut tru. Ol i siksti i go long ples na tokim olgeta man-meri. Long wanem samting tupela i bungim long Kili Tapali maunten. Wankain taim olgeta man i stretim ol samting bilong pait na redi i stap bilong painim dispela kapul.

Moning taim tru ol i paitim garamut na wokabaut wantaim tupela meri ya i go long Kili Tapali maunten. Taim ol i kamap, lapun meri wantaim pikinini meri bilong em i wokabaut i go na sindaun antap long ston gen.

Na olgeta man i hait arere long bus i stap. Kapul i lukim na senis hariap olsem wanpela yangpela man na wokabaut i kam ausait long tupela.

Em i wokabaut stret i go long yangpela meri ya. Ol man i lukim na singaut wantaim i kam ausait long bus. Ol i tromoi spia na ol kain kain samting long man ya na kilim em.

Bihain ol i pasim em long wanpela diwai na karim em i go long ples. Taim em i kamap klostu long ples, skin bilong em i tanim i go olsem wanpela kapul. Olgeta man i lusim na ranawe nabaut. Tasol bihain ol i kam bek na karim em i go long ples.

Ol i mekim bikpela paia na kukim em. Nau Kili Tapali i no gat wanpela tewel olsem i stap bilong pretim man o bagarapim ol yangpela meri.

Robson Frank
BIALLA

Maus bilong meri save op tumas olgeta taim

Dia Laiplain,

Oltaim meri bilong mi i save bikmaus na kros long mi.

Mi save wok long nait. Mi no gat ka na no gat wanpela man i save kisim mi i go bek long haus bihain long wok. Sampela taim mi save wokabaut i go bek long haus. Long ol arapela taim, mi save slip wantaim ol pren o ol wantok husat i stap klostu long ples bilong wok.

Taim mi go kamap long haus long moning, meri bai kirap askim mi long wanem hap mi bin stap long nait. Bihain bai em i stat bikmaus antap long mi.

Mi bin go long haikul na papamama i save toktok planti long mi. Planti taim mi save traim toktok long meri bilong mi. Tasol em i no save laik

harim. Mi no save kros o bikmaus tu long em, bikos mi save dispela i no inap helpim wanpela samting.

Wanpela taim meri bilong mi i bin bikmaus na tok nogutim mi. Mi sem pipia stret na i no kaikai inap long tupela de olgeta.

NIGHT SHIFT

Dia Pren,

Mipela i save olsem yu save sem na wari tru taim meri bilong yu i bikmaus long yu. Tasol i gutpela olsem yu no save bekim long wankain rot.

Traim luksave long wanem ol as na meri bilong yu i save belhat na kros long yu oltaim. I gat planti bekim long dispela.

Wanpela as em meri i save stap wanpis long nait. Olsem na em i no pilim gutpela. Em i

laikim yu long stap klostu oltaim wantaim em bikos em i pret.

Namba tu as em meri bilong yu i gat narapela tingting. Em i ting olsem yu save go lukim ol narapela meri. Na yu no save go tru long haus bilong ol wantok olsem yu tok long en.

Na tu yu winim haikul na meri bilong yu ating i no gat. Olsem na em i no laik yu toktok long em olsem wanpela tisa o papa. Ating em i pilim olsem yu no lukim em olsem wanpela bikpela meri. Yu lukim meri bilong yu olsem wanpela liklik sumatin.

Yu ting dispela em ol sampela as na meri bilong yu i mekim olsem o no gat? I mobeta yu traim toktok long em taim em i no kros. Na askim long wanem as na em i save belhat na kros long yu oltaim. Yutu-

pela wantaim i mas toktok long dispela samting.

Ating yu inap askim bos long sampela kain rot bilong go long haus bihain long wok. O askim wanpela pren long kisim yu bihain long wok i go long haus. Sapos no gat, ating i mobeta yu baim wanpela wilwil o moto-baik.

Sapos meri bilong yu i save wari bikos em i stap wanpis, ating i mobeta long yutupela i kisim wanpela famili

Mi Laiplain.

Salim ol hevi na wari bilong yu i kam long LIFELINE, P.O. Box 6047, Boroko. Yu ken ringim mipela tu long telipon namba 26 0011. Mipela i no inap autim trupela nem bilong yu long hia.



■ PIKININI bilong Kanage bagarap tru long kaikai rais na i wok long krai i stap. Kanage i harim olsem na i wari tru na tokim pikinini olsem, "Yu kalai long kaikai lais a? Mi kisim yu i go long blok na ol ankol bilong yu salim kaplam bai yu pinisim lais a - bai yu pinisim lais a?"

Alphonse Yawi,
Wewak, E.S.P.

□ KANAGE go joinim tim bilong poro bilong em long Wests na pilai ragbi. Ol pilai egensim Tarangau na Kanage kisim bal. Kerema i lukim olsem na kirap singaut long Kanage long salim bal. Tasol Kanage i no harim na givim siksti stret i go long putim trai. Tasol ol birua apim Kanage na bamim em long graun. Bihain em kirap na poro bilong Kerema i tokim em, "Mi tokim yu long fas ta fol, fas ta fol. Tasor nogat. Yu firin nau, rakafi famin yu."

Alphonse Yawi,
Wewak, E.S.P.

■ LIKLIK kandre bilong Kanage wantaim papa i go long kibung. Ol i sindaun toktok i stap na kandre lukim olsem papa i no sindaun gut. Em painim hat long Tok Pisin long papa bikos olgeta lain bai harim. Olsem na em kirap givim long tok Inglis, "Coming back, forever you may be."

Alphonse Yawi,
Wewak, E.S.P.

□ WANPELA waitman i tis long wanpela komyuniti skul long Hoskins. Em i save tisim ol gret wan sumatin. Wanpela de em droim san na ol lait i sut i kam antap long sait bilong en. Nau em askim ol sumatin long kolim nem bilong dispela samting. Wanpela sumatin i ting olsem ol blakpela nil bilong solwara na kirap bekim, "Teacher, that samting is a maromaro bilong solwara."

Willie Mulai,
Baisu, Hagen.

■ LONG Alotau, Tarangau i pilai ragbi wantaim wanpela tim. Na taim ol i pilai i stap, wanpela sapota bilong Tarangau bilong Kerema i laik tokim ol pilaia bilong Tarangau long dampim wanpela pilaia. Tasol maus i popaia na em i tok, "Gamon Da-agau, daelim em."


Willie Mulai,
Baisu, Hagen.

□ WANPELA Tari go spak wantaim ol man i go inap tudak. Em i spak nogut tru na i no inap wokabaut i go bek long haus. Em i lukim tasol lait long haus bilong em na sanap namel long rot na bikmaus, "Hey, where's my house? Take my house to me." Na em i ai slip na sindaun isi tasol i go daun. Wantok bilong em i kam na askim em, "Hei wantok, yu olsem wanem?" Man, Tari i kirap na bikmaus, "I maybe sleeping. Where's my bed? Bring my bed to me."

Willie Mulai,
Baisu, Hagen.

■ PIKININI meri bilong wanpela meri Tolai i marit long man Sepik i laik go long man bilong em. Nau mama meri Tolai i givim las toktok long pikinini meri bilong em, "Pikinini, olgeta samting yu save pinis. Yu no mangi moa. Sapos man bilong yu i tok long kukim kaikai o slip wantaim em, yu mekim tasol. Bikos em i man bilong yu. Tasol wanpela samting. Sapos man bilong yu i tokim yu long sanap na het i go daun, yu no ken tru harim toktok bilong pekpek man ya. Bipo papa bilong yu i giamanim mi na mi kisim taim. Sapos yu sakim tok, yu tu bai kisim taim olsem mama."

P. Naraban,
Bialla, W.N.B.P.



TELEVISEN na MUSIK



Mondo redi long katim namba tu Simbu kaset

MICHAEL KOMA
I rattim

WANPELA yangpela musikman bilong Simbu i redi nau long katim namba tu kaset bilong em.

Dispela man em Kaigo Mondo bilong ples Kewamugl long Kerowagi distrik. Em i gat 24 krismas na i no bin winim skul bilong musik long autim namba wan musik kaset bilong em. Nogat. Em i lainim long pilai gita na raitim singsing bihainim hat-pela rot.

Na nau, Mondo i taitim bun long redim ol singsing bilong wokim namba tu kaset.

Planti lain i bin laikim tru namba wan kaset bilong Mondo aninit long het tok "Kaigo Mond of Simbu". Olsem na Mondo i redim gen ol singsing nau bilong katim namba tu kaset.

Mondo em i ben lida tu bilong wanpela lokal lektrik musik ben bilong Kundiawa. Mondo na ol boi bilong em i save kolim grup bilong ol olsem *Junior Mosquitur Band*.

Lida bilong *Junior Mosquitur* ben i tok em i salim pinis wanpela giaman kaset (demo) wantaim 10-pela singsing bilong em i go long Chin H Meen Supa Saun studio long Mosbi. Na ol lain long hap bilong skelim na



• **Kaigo Mondo...redi tasol long go katim namba tu kaset wantaim Chin H Meen long Mosbi.**

tokaut sapos Mondo i ken go het na katim narapela kaset gen.

Em i tok, "Nau bai mi kisim olgeta ben memba i go wantaim mi long Mosbi. Na mipela bai katim kaset long hap."

Mondo i tok long mun Julai, 1989, Mondo i bin go wanpis long Rabaul bilong katim namba wan kaset bilong em. Tasol em i

no kisim ol arapela tripela ben memba bilong em wantaim. Long wanem i no gat inap mani bilong mekim olsem.

Em i tok dispela hevi i stret pinis. Na em bai katim namba tu kaset long Chin H Meen studio long Mosbi wantaim olgeta ben memba bilong em.

Bikpela laik bilong dispela yangpela man

Kewamugl long musik i suvim em long baim wanpela lektrik ben long kos bilong K2,300 long 1987. Na ol memba bilong ben nau em Charlie Borio long lit gita, Peter Kua long ritem gita na Palma Mondo long kundu bilong ol waitman. Kaigo yet i save pairapim ol string bilong bes gita.

Wanpela singsing we i bin kisim biknem long namba wan kaset bilong Mondo em *Gaikope*. Dispela long tok ples Gumine i min olsem "ol meri".


"Bikpela as tingting bilong mi em long tanim ol singsing tumbuna bilong Simbu i go insait long lektrik musik. Bipo ol yangpela boi i save singim ol dispela singsing long ol sosol haus," Mondo i tok.

**SANDAUN MISFITS
"O MALUNG PAIN"**

Ol Nupela NBC kaset kamaut



stori stat long neks wik



• Taunsiong ben bilong Not Solomon provins. Man, ol i sanap narakain stret olsem ol bikhet lain stret ya.

THURSDAY 5TH MARCH, 1992

5.00 TEST PATTERN AND MUSIC
6.27 STATION OPEN
6.30 ITN NEWS (G)
7.00 TODAY SHOW
9.00 STATION CLOSE
11.57 STATION RE-OPEN
12.00 MIDDAY SHOW WITH RAY MARTIN (PGR)
1.30 SESAME STREET
2.20 WORLD SERIES CUP CRICKET
4.30 KIDS KONA HUCKLEBERRY HOUND
5.00 GET SMART (G)
5.27 EMTV TOK SAVE
5.29 EMTV NEWS BREAK (G)
5.30 HOME AND AWAY (G)
6.00 NATIONAL EMTV NEWS
6.30 WORLD SERIES CUP CRICKET (G)
9.52 EMTV TOK SAVE
9.55 EMTV NEWS UPDATE
10.00 A CURRENT AFFAIR
9.55 EMTV NEWS UPDATE
10.30 BURKE'S BACKYARD
11.27 MEDITATION
11.30 STATION CLOSE

FRIDAY 6TH MARCH, 1992

5.00 TEST PATTERN AND MUSIC (G)
5.27 STATION OPEN
5.30 ITN WORLD NEWS (G)
6.00 TODAY SHOW (G)
8.00 SESAME STREET (G)
9.00 STATION CLOSE
2.57 STATION RE-OPEN

EMTV

3.00 SESAME STREET (G)
4.00 FLINTSTONE (G)
4.30 HUCKLEBERRY HOUND (G)
5.00 GET SMART (G)
5.27 EMTV TOK SAVE
5.29 NATIONAL EMTV NEWS BREAK (G)
5.30 HOME AND AWAY (G)
6.00 NATIONAL EMTV NEWS
6.30 A CURRENT AFFAIR (G)
7.00 SALE OF THE CENTURY (G)
7.25 EMTV NEWS UPDATE
7.30 NEIGHBOURS (G)
7.52 EMTV TOK SAVE (G)
7.55 EMTV NEWS UPDATE (G)
8.00 HEY DAD (G)
9.00 FRIDAY NIGHT MOVIE:
"Force On Thunder"
10.27 MEDITATION
10.30 STATION CLOSE

SATURDAY 7TH MARCH, 1992

6.00 TEST PATTERN AND MUSIC
9.17 STATION OPEN
9.20 WORLD SERIES CUP CRICKET
10.30 SKY ROCK (G)
12.00 BONANZA
1.00 BUGS BUNNY
1.30 WORLD SERIES CUP

CRICKET CONT.
4.00 GILLETTE WORLD OF SPORTS
6.00 NATIONAL EMTV NEWS
6.30 HEY HEY IT'S SATURDAY
8.22 EMTV TOK SAVE
8.25 NATIONAL EMTV NEWS
8.30 JAKE & THE FATMAN (G)
9.01 EMTV NEWS UPDATE
10.00 HAWAII 5-0
10.30 GUNSMOKE
11.27 MEDITATION
11.30 STATION CLOSE

SUNDAY 8TH MARCH, 1992

6.00 TEST PATTERN AND MUSIC
7.57 STATION OPEN
8.00 BUSINES SUNDAY (G)
9.00 THE ROTTEN TRUTH
9.20 WORLD SERIES CUP CRICKET
5.30 GILLETTE
5.55 CHIT CHAT
6.00 NATIONAL EMTV NEWS
6.30 RUGBY LEAGUE CHALLENGE
7.30 60-MINUTES
8.22 EMTV TOK SAVE
8.25 EMTV NEWS UPDATE
8.30 SUNDAY NIGHT MOVIE:
"Born Innocent"
10.00 MAN ABOUT THE HOUSE
10.30 LUMEN 2000
10.57 MEDITATION
11.00 STATION CLOSE



• **Kas bilong ol Sandaun Misfits** : Sandaun Misfits ben bilong Meni Bis long Wewak i katim namba tu kaset pinis, na i redi long kam aut nau. LUKIM STORI LONG NEKS WIK.

WANTOK

NIUSPEPA BILONG OL PAPA NIUGINI STRET

PABLIK NOTIS

Sapos yu laik advertais, teleppn 25 2500 na askim long

PH: Miri Aiori - Ext. 203
Kosinto Fosagu - Ext. 216
Bonner Hui - Ext. 202
John Iagata - Ext. 215



Society of Professional
Engineers of
Papua New Guinea

**Annual General Meeting &
Annual Dinner**

5 pm on March 24th, 1992
in Kambuingi Room at
Port Moresby Travelodge.

Notices have been sent by mail to all
members.

Ted Webber FSPE - President



Weekly
**SPORTS
NEWSPAPER**

for Port Moresby

On sale every
Friday, Saturday **30t**

Should you require effective coverage
on your particular sport contact the
Editor on 25 2500 or P.O. Box 1982,
Boroko.



PABLIK NOTIS

PRAIS SAPOT BILONG KOPI

Prais sapot o baunti i bin stat long Sande, Mas I 992 i bin go antap gen long 15 toea long wan wan kilogrem Grin Bin na bai stap olsem inap narapela tok-save i kamap gen.

	Olpela Mak	Nupela Mak
Brin Bin	35 t/kg	50t/kg
Drai Kopi	28 t/kg	40t/kg

Ol kopi ekspota i mas karim aut dispela 15t/kg long DIS prais i go long ol faktori na prais i go long ol groa long drai kopi i mas karamapim dispela 12t/kg.

Sapot prais i go antap bihain long prais bilong kopi long wol maket i pundaun long 3-pela mun i go pinis.

Baunti o sapot prais nau i kamap aninit long wanpela dinau bilong Gavman. Wanpela tok orait wantaim Gavman i tok olsem dispela sapot prais bai stat antap na i go daun na pinis long 1995. Sapot prais bilong gavman em KI.99/kg long Y Gred FOB na dispela bai senis long Novemba 1992.

Kopresen i tok amamas i go long dispela helpim i go long ol groa insait long dispela taim bilong hevi.

R.M.MITIO

CHIEF EXECUTIVE COFFEE INDUSTRY CORPORATION GOROKA

WANTOK

NIUSPEFA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

PH: Miri Aion - Ext. 203
John Iagatu - Ext. 215
Kosinto Fosagu - Ext. 216
Bonner Hui - Ext. 202**LAE CITY AUTHORITY**MOROBÉ
OFFICE OF THE CHAIRMAN**KOMUNITI SEVIS REIT**

Lae Siti Otoriti i laik toksave long ol pablik insiat long Lae Siti olsem dispela nupela bil em ol i salim aut nau, em ol i kolim long Komuniti Sevis Reit.

Dispela nupela bil i karamapim olgeta sevis em Lae Siti i putim long hap yu istap long en.

Pastaim yu baim bil bilong pipia na baket toilet tasol. Nao Otoriti i senisim dispela bil long wanme em i painim hat long givim gutpela sevis i go long ol pipol insait long Lae Siti olsem na em i sasim loklik fi insait long dispela nupela bil.

Dispela nupela bil oa Komuniti Sevis Reit i karamapim ol sevis olsem, rod, baret, strit lait, pipia, baket toilet, strit klining.

Aninit long Komuniti Sevis Reit em yu bin kisim bil inap long wanem kain sevis insait long eria bilong yu.

Daun bilo hia em mipela i soim liklik piksa long hamas bil yu inap baim:

(a)	Hai Kavenen	K29 - K52.20	long wan mun
(b)	Hai Kavenen wantaim Boi Haus	K38 - K69	long wan mun
(c)	Low Kavenen	K16 - K22	long wan mun
(d)	Ol Kampani	K141 - K3,835	long wan mun
(e)	Setolmen	K14 - K21	long wan mun

Komuniti Sevis Reit bil bambai i kam aut long wanwan mun. Sapos yu no bin pinisim olupela bil bilong yu lon gpipia na baket toilet, em yu bai kisim tupela bil inap long yu stretim dispela olupela bil.

Yu gat tripela mun long stretim olupela bil bilong toilet na pipia. Las bil bilong toilet na pipia i bin i go aut long mun Jenuari, 1992 olsem na yu gat taim inap long mun Epril 1992 long baim dispela bil. Sapos yu no baim bihain long Epril, em Lae Siti Otoriti bambai kisim yu i go long kot.

Lae Siti Otoriti bambai i no inap givim aut ol rabis bin stika aninit long Komuniti Sevis Reit tasol sapos yu no baim bil bilong yu bambai ol i kisim yu i go long kot.

BAIM BIL BILONG YU GUT NA OTORITI I KEN GIVIM YU GUTPELA SEVISPUKMAN KATU
Siaman**KEEP LAE CITY CLEAN. DO NOT LITTER.****PNG BUSINESS**

March issue
now on sale

- PNG firm supplies military equipment



- Kainantu seeks instant coffee factory
- New market for coir pith

40t at your
local
newsagent



SOFBAL



GREN FAINAL WIKEN LONG MADANG SOFBAL

Kinhill bai painim hat taim stret long wilwilim Kabiu

BEN TAUMAI i raitim

GREN fainal bilong Madang sofbal resis bilong 1991 na 1992 sisen bai kamap long Sarere Mas 7, 1992. Na sempion bilong Madang sofbal resis, Kinhill bai painim hat taim stret long daunim Kosmo Kabiu long gren fainal bilong ol man long A gret.

Tupela tim ya bai bung long bikpela gren fainal bilong ol man em bai i kamap long Ragbi Lig Oval, stat long 3 klok apinun.

Ol boi bilong Kinhill i winim tiket long go insait long gren fainal bihain long ol i autim Water Board 9-8 long nokaut fainal, em i bin kamap long las wiken. Dispela gem em ol wara boi inap long winim, tasol ol i lusim bikos long asua bilong ol yet.

Kabiu bai ran i go insait long fil wantaim bikpela sans bilong win. Bikos Kinhill i no bin winim Kabiu

liklik long wanpela gem bilong dispela sisen. Olsem na sapos ol boi bilong Kinhill i gat laik tru long win, ol i mas sanapim strongpela banis na bet strong long bringim ol rana i kam hom.

Kabiu i no gat wari bikos ol i save olsem ol bai i gat isi gem long winim dispela taitel, na putim ai long Nesenel Klap sempionsip, em bai kamap long Mosbi.

Pilaia na kosa bilong Kabiu, Allan Tomang i tok olgeta pilaia bilong em i bin malolo gut tru long las wiken. Olsem na olgeta i fit wetim tasol Sarere. "Mi lukluk tasol long win, na ol lain kas bilong mi no pretim Kinhill. Mipela bai lukim Kinhill long fil, na toktok planti i no gutpela."

Tupela tim wantaim i gat wankain strong bilong pilai long win. Tasol ol pilaia bilong Kabiu i gat moa spit taim ol i ran. Na tu ol i save harim tok bilong kosa o ol sinia pilaia. Antap long dispela, Kabiu i gat ki bilong winim gem, bikos em i gat gutpela ekspirians pitsa.

Kinhill gen i gat ol bikpela beta, tasol ol i no save ran strong tumas. Na tu ol pilaia i save komplet tumas long hampaya. Ol i mas senisim dispela pasin long gren fainal.

Tomang bai pitsim bal long Kabiu, na Palat bai pitsim bal long Kinhill. Ai bilong ol sapota bai pas stret long tupela. Bikos tupela wantaim i save pitsim bal olsem smok balus stret. Tomang i gat intansenel ekspirians, tasol Palat no gat.

Ol beta bilong Kinhill i mas lukaut gut long Tomang, bikos nogut em i autim ol long TKO.

Lapun Bob Kramer bai go pas long ol boi bilong em olsem Sialis Taman, Thomas Tabua, Leo Kamara, Lens Tirab, Rara Elison, Frank Mathias na Ngwoi Charlie.

Lapun Patrick Kramer i gat bilip olsem Kinhill bai winim Kabiu. "Mipela i gat wanpela samting long stretim long Sarere, na dispela em long winim Kabiu. Wanpela o tupela ran i kam hom em bikpela samting long tim."

Tupela biknem hampaya long kantri, Auther Maradi na Gabriel Talim bai kam lukautim dispela gren fainal gem.



Stail bilong Mosbi sofbal • Mosbi sofbal resis bilong ol man na meri wantaim i kamap long fainal nau. Olsem na kain stail olsem bilong las wiken bai pulap tru long Bisini sofbal graun. Kamap tasol long fil na lukim moa stail olsem.

Julian Wanera gat bikpela wok long wiken

KEPTEN bilong Kabiu, Julian Wanera i gat bikpela wok long go pas long tim bilong em egensim United Sisters long gren fainal bilong ol meri long A gret

divisen bilong Madang sofbal resis.

Bikpela wok bilong Wanera em long go pas long tim, na strongim tingting bilong ol arapela meri insait

long tim long winim gen dispela taitel em ol i bin winim long las yia egensim PNGBC.

Wanera i bilong Kavieng, na i save wok long PNGBC. Em i no

nupela long pilai insait long gren fainal. Em i bin stap insait tu long gren fainal tim bilong las yia wantaim ol arapela pilaia olsem tupela Zale susa,

Judith na Joyce, Cecil-ia Umong, Mane Tamilong, Antonia Samol, Grace Wanma na Judy Tavua.

Sapos Kabiu i win, dispela bai i wanpela bikpela samting tru long laip bilong ol yangpela Wanera.

Olgeta gren fainal pilaia bilong Kabiu long las yia i stap wantaim yet. Naol i save gut tru long pilai bilong ol yet, we bai i givim bikpela helpim tru.

PORT MORESBY WOMEN'S SOFTBALL ASSOCIATION INC. SATURDAY 7TH MARCH, 1992 ROUND TWO DRAW: - GAME SIX

DIAMOND 1	TEAM	vs	TEAM	GR	UMPIRE	SCORER
0900	NGI	vs	UPNG	D	Naron	
1030	Mazda	vs	A/United	A	Moe/L. Paivu	P. Tonga
1200	NGI	vs	Malangan	A	Misiel/Tovia	N. Tokiel
1330	Elcom	vs	Yokomo	A	Vagalia/Mesak	E. Moses
1500	GI Gazelle	vs	Wantoks	A	Knox/Sogai	S. Karigal
1630	Nissan Fuji	vs	Chebu	A	Evald/Duba	M. Tako
DIAMOND 2						
0900	Chebu	vs	Bomana Polic	D	Mesak	
1030	Yokomo	vs	GI Gazelle	C	K. Paivu	
1200	Chevron	vs	DTI	C	-	
1330	Aviat	vs	Dodgers	C	Naron	
1500	Karanas	vs	Malangan	D	Tokome	
1630	Elcom	vs	A/United	C	Misiel	
DIAMOND 3						
0900	Royals	vs	Karanas	D	Terra	
1030	Wantoks	vs	Dodgers	B	Sorang/Sogai	
1200	Royals	vs	Tarangau	B	Terra/Duba	
1330	Mazda	vs	Fuji	B	K. Paivu/R. Tokome	
1500	Hanza Bay	vs	Medics	B	Moe/L. Paivu	
1630	UPNG	vs	Aviat	B	Terra/Naron	

JJ Garamut 'D' grade - Bye

MADANG SOFTBALL DRAW

1991/92 GRAND FINAL DRAW

SATURDAY MARCH 7TH, 1992.

Time	Division	Grade	Fixture
9.00am	Men	Jr	Water Board vs Kabiu
10.30am	Wom	B	Karanas vs Kalibobo
12.00pm	Men	B	Kabiu vs Water Board
1.30pm	Wom	A	Kabiu vs United Sisters
3.00pm	Men	A	Kabiu vs Kinhill

All games will be played at the Rugby League Oval and the presentation of the trophies will be done after the mens A grade grand final.



BENSON and HEDGES

Afrika boksa TKO long Fenech na holim yet wol supa fetawet taitel

BIKPELA bilip i stap olsem boksa bilong Australia, Jeff Fenech bai winim wol supa fetawet taitel egensim Azuma Nelson bilong Ghana long Afrika.

Tasol Azumah i nekim em long namba 8 raun, na em i pundaun long ring. Moa long 40,000 manmeri olgeta i kamap na lukim dispela bikpela pait long Melbon, Australia long Sande Mas 1, 1992.

Referi Arthur Mercante i stapim pait long 2 minit na 20 seken i go insait long namba 8 raun.

Azumah i givim lep na raithan wantaim na Fenech i pundaun. Dispela em bihain long Azumah i bin pundaunim em long tripela taim long stat bilong pait.

Jeff i bin orait liklik bihain long tupela namba wan nokaut, na pait strong i go insait long namba 12 raun, na bungim tupela lek huk i kam long Azumah long namba 8 raun.

Tupela jas, Rudy Ortega na Tommy Kaczmarech i givim wankain skoa long tupela boksa bihain long namba 7 raun. Narapela jas, Harry Gibbs tasol bilong Ingran i makim Nelson wantaim 68 poin, na Jeff wantaim 65 poin.

Fenech bilong Australia i gat 27 krismas. Em i kra i nogut tru long planti tausen sapota bilong em, husat i no wari long ren na kamap sapatim em.

Long Nelson, dispela em wanpela bikpela pait em i winim bihain long em i pait long 38 taim olgeta.

Azumah i tokaut bihain tasol long dispela pait olsem em bai pait i go antap long laiwet divisen.

Azumah i tok em i no bin amamas long namba wan pait egensim Jeff long Las Vegas, Amerika

we tupela i bin dro long las yia. Tasol em i winim long poin, na bikpela komplem i kamap olsem Jeff i winim dispela pait tasol ol jas i mekim wantok sistem, o i no jasim gut dispela pait.

Azumah i tok moa olsem dispela win i soim olsem em i profesa osaveman tru bilong boksing long wol. "Olgeta manmeri i lap, tasol mi soim olsem mi profesa bilong boksing."

Tupela boksa wantaim i kisim samting olsem 1 milien Australian dola long dispela pait.

Fenech i bin driman long kamap namba wan boksa long winim wol taitel long 4-pela wet divisen. Tasol Azumah i stapim dispela driman bilong Jeff.


Tupela boksa wantaim em ol i makim olsem tupela namba wan boksa long wol.

Azumah i gat 33 krismas olgeta. Planti manmeri ting olsem em i lapun pinis na bai i no inap pait gut. Tasol em i daunim ol dispela tingting na stat long pait strong egensim Jeff bihain tasol long belo bilong namba wan raun i kra i.

Ol strongpela swing bilong em i soim klia olsem em i bin trening strong long katim ol diwai long Spen. Olsem na em i go pas long poin long tupela namba wan raun.

I no long Azumah givim wanpela gutpela TKO na Jeff pundaun long floa, tasol em (Jeff) sanap hariap. Long namba tri long foa raun, tupela boksa wantaim i pait narakain stret olsem tupela i pait nating long rot.

WEEKEND AUSTRALIA



• Jeff Fenech i skelim em yet long skel bipo long pait egensim Azumah Nelson long Mas 1, we em i lus long TKO.

PORT MORESBY MEN'S SOFTBALL WEEKEND DRAWS: Sunday March 8, 1992

Time	Fld	Div	Game	UMPIRE
10.15	1	A	N/Fuji vs Manolos	Talim/Knox
11.45	1	A	Elcom vs Chebu	Avuchulas/Duba
1.15	1	A	F/Gazelle vs Hawks	Paivu/Naron
2.45	1	A	M/B Eagles vs Malangang	Pasok/Simitap
4.15	1	A	NGI Taubar vs Karanas	Terra/Mesak
10.15	3	B	M/B Eagles vs Malangang	Naron/Moe
11.45	3	B	N/Fuji vs Hawks	Sorang/Simitap
1.15	3	B	NGI Taubar vs Aviat	Misiel Tovia
2.45	3	B	Elcom vs HoodSCO	Sogai/Evald
4.15	3	B	F/Gazelle vs NBC	Talim/Avuchulas
10.15	2	C	NGI Taubar vs City Tigers	Sorang
11.45	2	C	D/Salle vs HoodSCO	Mesak
1.15	2	C	Bankline vs Manolos	Tovia
2.45	2	C	Karanas vs Chebu	Talim
4.15	2	C	Malangang vs N/Fuji	Moe

MADANG SOCCER ASSOCIATION PRE-SEASON CUP DRAW

SATURDAY MARCH 7, 1992.

Game No.	Time	Fixture
1.	8.40am	Waskia vs Spiders
2.	9.20am	KPI vs PTC
3.	10.00am	Panafun vs Aoguria
4.	10.40am	PX vs Momase
5.	11.20am	MAD/Blues vs Watabag
6.	12.00pm	KPI vs Waskia
7.	12.40pm	PX vs PTC
8.	1.20pm	MDG Blues vs Spiders
9.	2.00pm	Adguria vs Watabag
10.	2.40pm	Panafun vs Momase
11.	3.20pm	Spiders vs PX
12.	4.00pm	PTC vs Adguria
13.	4.40pm	KPI vs Panafun
14.	5.20pm	Waskia vs MAD/Blues
15.	6.00pm	Watabag vs Momase

• All games to be played on Saturday at Laiwaden Oval.

PMSA PRE SEASON TOURNAMENT WEEK 3 (THREE)

SATURDAY MARCH 7, 1992

TIME	DIVISION	GROUND	FIXTURE
9.30	Men	B1	BFC 2 vs Golo 2
11.00	Men	B1	PTC 2 vs Tubi 1
12.30	Women	B1	Kula vs M/United
2.00	Men	B1	P.S Roots vs Watamads
3.30	Men	B1	Westpac 2 vs Momasei
9.30	Men	B2	GFC 2 vs Waliya
11.00	Men	B2	Boroko Utd vs Gala Utd
12.30	Women	B2	Uni vs Guria
2.00	Men	B2	Orika vs Defence
3.30	Men	B2	PM.G.H vs Godoge

SUNDAY MARCH 8, 1992

9.30	Men	B1	Kula vs B/Kumul
11.00	Men	B1	Moukasi vs Koupa
12.30	Women	B1	Sunam vs Wanzesi
2.00	Men	B1	Bulae vs M/Utd 2
3.30	Men	B1	Wanzesi vs K-Andra
4.30	Men	B1	PTC 1 vs M. Sobou
9.30	Men	B2	Verave vs M/Utd
11.00	Men	B2	B-Mitas vs Westpac 1
12.30	Women	B2	PTC vs GFC
2.00	Men	B2	GFC 1 vs G.M.B.U
3.30	Men	B2	STC vs Golo 1
4.30	Men	B2	A/Bay vs Korion

Byes: Men: Women: Sogeri H/S and Waliya

ENGA SOCCER ASSOCIATION FIXTURES FOR WEEKEND 7TH/8TH MARCH

FIRST GAMES OF SEASON PROPER

SATURDAY 7TH GROUND NO.1

TIME	FIXTURES
12.30	Moku (Juniors) vs Lutheran. Yth
3.00 pm	Luth. Yth/yab E. (Wom) vs Kumuls
4.30 pm	Elcom (Seniors) vs Tarakum

GROUND NO.2

12.30	Kumuls (Juniors) vs Elcom/G.P's
3.00 pm	Teachcom (Womens) vs United
4.30 pm	Kumuls (Seniors) vs Lutheran Yth

SUNDAY 8TH GROUND NO.1

12.30	United (Juniors) vs Tarakum
3.00 pm	Tarakum (Womens) vs Magani
4.30 pm	United (Seniors) vs Magani

GROUND NO.2

12.30	Magani (Juniors) vs Teachcom
3.00 pm	Moku (Womens) vs Elcom/Tapi
4.30 pm	Teachcom (Seniors) vs Moku

NOTE: Affiliation fees are due urgently. If any teams have particular preferences for days on which to play then please contact the President (Ananias Popo at Elcom or the secretary (Stuart Hayfield at Policy & Planning) and attempts will be made to accommodate these requests but no guarantees can be given. Please tell us way in advance.

Nupela Mosbi PTC tim joinim ragbi yunien

MOA long 70 pilaia i resista pinis wantim nupela PTC ragbi yunien klap long Mosbi.

Planti ragbi yunien na ragbi lig pilaia i joinim pinis dispela nupela tim, em bai i kamap wanpela bikpela birua long Mosbi ragbi yunien kompetisen.

Tupela man husat i kamapim dispela klap em Steve Ross na Bill Burgess. Tupela i tok planti pilaia i soim laik long joinim dispela PTC klap, olsem na dispela i helpim ol long redi tripela tim olgeta long A gret, B gret na Anda 21 divisen.

Burgess em olpela kosa bilong Royals. Na em i gat nem long kosim Royals husat i bin winim tupela primiasip taitel pinis. Em i tok long sampela taim bihain, PTC bai i kamap wanpela top

klap olsem Royals long bipo. Royals klap i bin kamap tupela yia bipo long Burgess i joinim PNG Yunien long 1987.

Ol nem pilaia bilong Royals olsem Jason Hall na Lance Seeto i joinim pinis PTC. Ol bai tilim save bilong ol wantaim ol nupela pilaia long mekim PTC i kamap wanpela strongpela tim.

I gat bilip olsem ol ragbi pilaia bilong PTC olsem Weka Lae (Brothers), Benny Pinolassa, Tiotam Plankey, Wepo Wama na David Sarangap (Brothers) bai joinim dispela nupela tim.

Ol i nupela liklik long ragbi yunien. Tasol dispela bai i no inap kamap olsem wanpela hevi long ol. Bikos ol i lainim pinis sampela stail long 7 asait resis em i save kamap long

stat bilong olgeta sisen.

Kosa Burgess i tok taim 7 asait kompetisen i go yet, PTC klap

i mekim trening nau long mekim ol pilaia i fit.

Na dispela bai helpim ol pilaia i putim

kamap sampela gutpela pilai long Ista Kap Salens bilong winim Jim Faau Memorial Tropi.



• Weka Lae, Benny na Tlawa Kolongo em ol ragbi pillala husat bal joinim PTC ragbi yunien tim.

Mas 14 las de PNGFA oraitim "Player of the Year" awot

BEN TAUMAI I raitim

PRI sisen bilong Madang soka i stat wantaim gutpela stail long las wiken long Laiwaden Oval.

Planti tim i soim gutpela stail bilong kik. Dispela i min olsem taim sisen propa resis i stat, planti manmeri bai amamas long lukim soka.

Pri sisen bai stap long tripela wik olgeta. Dispela i min olsem bihain long kik bilong dispela wiken, bai i gat wanpela wiken bilong pilai tasol i stap. Sisen propa resis bai stat long Sarere mas 14.

Na tenpela tim i kik insait nau long pri sisen resis. Nem bilong ol dispela tim em Waskia, Panafun, Spiders, KPI, PTC, Madang Blues, Watabag, Air Niugini, Momase na Guria.

Dispela pri sisen resis i bihainim raun robin stail we 4-pela top tim bai pilai insait long fainal. Wina bilong

kisim Madang Kap, na rana ap tim bai kisim tropi.

Presiden bilong Madang soka, Peter Angasa i tok olgeta gem bilong pri sisen bai i gat 30 minit ful taim, we wanpela hap bai i stap long 15 minit tasol.

Angasa i laikim olgeta pilai na referi long kamap hariap long fil long 8 klok moning. Bikos dispela bai helpim long ol gem i stat hariap na pinis stret long taim. "Sapos mipela i laki, bai ol fainal i kamap long narapela wiken," em i tok.

Angasa i laikim tu olsem olgeta memba klap i mas baim afiliisen o membasip fi bilong ol bipo long Fraide Mas 13. Dispela i karamapim tu sampela fi em ol klap i no baim yet i go long asosiesen.

Angasa i givim strongpela tok lukaut olsem wanem klap i no bihainim dispela askim bai i no inap kik insait long sisen propa resis.

(AGM) bilong PNGFA em i bin kamap long Mosbi long stat bilong dispela yia. Na dispela tokora i bin kamap long dispela kibung.

Olgeta memba senta bilong PNGFA i ken makim tripela pilai long dispela tripela divisen i go long PNGFA, na PNGFA yet bai makim tripela wina tasol long kisim awot.

Dispela baj kamap long pinis bilong soka sisen long olgeta soka yia.

Jeman Embasi helpim tim bilong ol meri long PMSA soka wantaim bal

WINIS MAP I raitim

TIM bilong ol meri i stap insait long PMSA pri sisen resis i bin kisim ol fri soka bal. Jeman Embesi i bin givim dispela bal long ol.

Wantok Niuspepa i no save long kos bilong ol dispela bal. Bikos ol i bin baim yet long Jemani na salim i kam. Wanpela lain ol i kolim "Institut ov Intenel Natons" i bin baim na salim ol dispela bal i kam.

Ol dispela bal em sampela bilong ol kalsa samtingem ol lain long Jemani i baim na salim i kam. Jeman Embesi i save kisim kain kain samting long olgeta mun. Na ol bal ya, em wan-

pela bilong dispela samting.

Jeman Embesi i givim dispela ol bal long soim amamas bilong em long lukim ol meri i stap insait long pri sisen kik. Dispela presen bilong ol bal i soim o makim bikpela tingting bilong ol lain Jemani long pilai soka.

Olgeta tim bilong ol meri i bin kisim wanpela bal. Dispela bai helpim ol tim o klap long trening.

Man husat i bin givim dispela ol bal em Marc-Oliver Urban. Urban em i namba tri seketeri bilong Jeman Embesi.

Dispela i no namba wan taim Embesi i givim samting bilong pilai. Las taim Embesi i bin givim ol kain samting bilong pilai em long Oktoba 1991.



Skul i lus nating * Ol meri PTC i kisim skul long kosa na trena bilong ol long hap taim, taim ol i pilaim Yunivesiti long fainal bilong Mosbi Pablik Sevan soka las wiken. Tasol ol i no bihainim gut skul bilong kosa, na ol meri Yuni i bagarapim sindaun bilong ol 3-1.

Hevi bilong fil stap yet

PRI sisen kik resis bilong Madang Kap i bin stat las wiken. Na 10-pela klap i bin pilai.

Presiden bilong Madang Soka Asosiesen, Peter Angasa i tok pri sisen kik i no inap kamap long wan wan divisen. No gat. Dispela em i olsem ol klap i kik tasol.

"Bihain long pri sisen kik orait, bai mipela lukluk long wokim ol divisen. Na dispela bai i wankain olsem long las yia," em i tok.

Wanpela bikpela hevi em Madang Soka Asosiesen tu bai painim em long fil bilong kik. Long nau yet, olgeta kik i kamap long Laiwaden pilai graun.

Madang Soka Asosiesen i laik yusim fil bilong Divain Wot institut. Tasol toktok bilong dispela i stap wantaim provinsal spot opis.

Bos bilong Divain Wot Institut, Pater Van de Geest i tok olgeta tok tok na wok bilong fil nau i stap long han bilong John Bivi long provinsal spot opis.

"Mi wantaim Bivi i wokim wanpela tok orait pinis olsem wanem spot o klap i laik yusim fil i mas go lukim em (Bivi). Na wanem kain fi o toktok i kamap bai go stret long provinsal spot opis," Pater Van de Geest i tok.

Em i tok moa olsem aninit long dispela tok orait, skul bai lukautim na stretim fil. Tasol olgeta arapela wok sekyuriti na mani i stap long han bilong spot opis.

"Sapos wanpela samting i kamap we i brukim dispela tok orait, mipela bai kisim

• Stail bilong 1992 Mosbi pri sisen soka resis long Bisini soka graun las wiken. Lukim moa stail olsem long dispela wiken.

bek fil."

Wantok Niuspepa i no inap toktok wantaim Bivi bilong painimaut long wanem arapela lo i stap insait long dispela tok orait namel long em na Pater Van de Geest.



Kain kain toktok bai kamap nau long dispela bikos spot opis tu i laik statim ol junia soka resis long Anda 10, Anda 12, Anda 14 na Anda 15. Olsem na ol tu bai painim ples bilong kik.

Ol ripot i kam long

Madang i tok dispela ol resis bai kamap namel long ol skul insait long provins.

Tasol Madang Soka Asosiesen tu bai statim wanpela junia resis bilong em yet long Anda 14 divisen.

PMSA referi kos

I gat spes bilong 10-pela man moa long givim nem

MOSBI Soka Asosiesen bai ranim wampela kos bilong ol referi long Tunde 10 Mas, 1992. Ol bai holim dispela kos long Hohola Famili Trening Senta.

Dispela kos bai ran long tupela wik olgeta. Ol de bilong kos em Tunde, Trinde na Fonde. Kos bai stat long 5 klok apinun na pinis long 7 klok nait. Bai i gat ka long kisim ol man i go long haus bihain long kos. Wan wan man mas baim K15 fi long stap insait long dispela kos.

Nau yet 10-pela man tasol i givim nem pinis. Ol dispela man em Dick Darius (Tarangau), Adam Lema (Guria), Ila Ilaita, Scott Vavine, Casper, Buka Pasar, S. Barai, J. Sukore, Milton Kaetovohu na A. Sole.

I gat 10-pela spes i stap yet, sapos yu husat man i laik stap insait long dispela kos, go na givim nem bilong yu long Seketeri bilong PMSA, William Vui. O yu ken ringim em long dispela namba 25 4041 na givim nem bilong yu.

PORT MORESBY WOMENS SOFTBALL ASSOCIATION POINTS LADDER - As of 29/02/92

'A' Grade

Team	Game	Win	Draw	Lost	Points
Wantoks	14	12	1	1	25
Malangan	14	12	1	1	25
Mazda	14	10	1	3	21
GI Gazelle	14	9	2	3	20
Nissan Fuji	14	8	-	6	16
A/United	14	6	-	8	12
NGI	14	4	1	9	9
Chebu	14	3	-	11	6
Yokomo	14	2	-	12	4
Elcom	14	1	-	13	2

'C' Grade

Team	Game	Win	Draw	Lost	Points
Karanas	12	9	1	2	19
Yokomo	12	9	-	3	18
DTI	12	8	-	4	16
Malangan	11	7	-	4	14
GI Gazelle	12	5	2	5	12
A/United	11	4	-	7	8
Elcom	12	3	1	8	7
Chevron	12	-	-	12	0

'B' Grade

Team	Game	Win	Draw	Lost	Points
Royals	14	12	1	1	25
Hanza Bay	14	11	1	2	23
Dodgers	14	10	-	4	20
UPNG	14	9	-	5	18
Mazda	14	7	1	6	15
Nissan Fuji	14	6	1	7	13
Tarangau	14	5	-	9	10
Aviat	14	3	-	11	6
Wantoks	14	2	-	12	4
Medics	14	1	-	13	2

'D' Grade

Team	Game	Win	Draw	Lost	Points
Royals	12	11	1	-	23
NGI	13	10	1	2	21
UPNG	12	10	-	2	20
Chebu	12	6	-	6	12
JJ Garamut	11	5	1	5	11
Karanas	12	5	1	6	11
Dodgers	12	3	-	9	6
Bomana	13	1	-	-	2
Aviat	12	1	-	11	2

Wewak no baim yet K800 fi

W E W A K S o k a Asosiesen (WSA) i statim pinis pri sisen kik bilong em. Namba wan

pilai bilong pri sisen i bin kamap long las wiken. Foapela divisen tasol

i stap insait long pri sisen kik bilong WSA. Ol dispela divisen em primia, namba wan,


Anda 19, na Anda 17. Wampela divisen i no stap insait long pri sisen kik em divisen bilong ol meri.

Tasol presiden bilong WSA, Clement Paime i tok ol bai larim divisen bilong ol meri long rejista long sisen propa. Nogat planti tim bilong ol meri i bin givim nem. Olsem na ol meri i no kik insait long pri sesen kik.

Samting olsem 48 tim i stap insait long pri sisen kik bilong Wewak soka. Dispela ol tim i pilai long foapela divisen. Olgeta foapela divisen i gat 12-pela tim.

Narapela samting, presiden i tok olsem WSA i no baim yet afiliesen fi bilong em long PNGFA. Paime i tok olsem WSA i baim hap fi tasol. Ol i baim tasol K700 na i gat narapela K300 i stap yet. Paime i tok ol bai stretim dispela hevi sapos ol i kisim sampela moa mani.

Paime i tok olsem WSA i no baim tu K500 afiliesen fi bilong em i go long Momase Soka Asosiesen (MSA). Olgeta soka asosiesen long Momase rijon mas baim K500 afiliesen fi long kamap memba bilong MSA.



PMSA PRI SISEN LADA

PREMIER AND FIRST DIVISION WEEK 2

POOL 1 NAME	P	W	D	L	GF	GA	PTS
G.F.C. 1	2	2	-	-	5	3	6
Golo 1	1	1	-	-	4	0	3
B.F.C. 1	2	-	-	2	3	7	0
S.T.C.	2	1	-	1	1	1	3
G.M.B.U.	1	-	-	1	0	1	0

POOL 2	P	W	D	L	GF	GA	PTS
Rapatona	2	2	-	-	9	5	6
Westpac 1	2	1	-	1	3	3	3
Morobe United	1	1	-	-	1	0	3
Rao-Mitas	1	-	-	1	2	3	0
Verave	2	-	-	2	5	9	0

POOL 3	P	W	D	L	GF	GA	PTS
University	2	1	1	-	4	1	4
M. Sobou	2	1	-	1	1	1	3
K. Andra	1	1	-	-	1	0	3
Wanzesi	2	-	-	2	0	4	0
P.T.C.	1	-	1	-	1	1	1

POOL 4	P	W	D	L	GF	GA	PTS
Guria	2	2	-	-	6	1	6
B. Kumuls	1	-	1	-	2	2	1
Koupa	2	1	1	-	5	2	4
Moukasi	2	-	-	1	1	2	0
Kula	2	-	-	2	0	7	0

WOMENS DIVISION

POOL 1	P	W	D	L	GF	GA	PTS
Uni	2	1	-	1	2	3	3
Kula	2	1	-	1	2	2	3
Guria	1	1	-	-	2	0	3
Sogeri. Nat. H/S	2	-	-	2	0	4	0
Morobe United	1	1	-	-	3	0	3

POOL 2	P	W	D	L	GF	GA	PTS
P.T.C.	2	1	1	-	5	3	4
Sunam	2	-	-	2	3	6	0
Wanzesi	1	1	-	-	1	0	3
Waliya	2	-	1	1	1	2	1
G.F.C.	1	1	-	-	2	1	3

SECOND AND RESERVE TEAMS

POOL 1	P	W	D	L	GF	GA	PTS
P.T.C. 2	2	2	-	-	7	3	6
Golo 2	2	2	-	-	7	1	6
Bulae	2	-	-	2	1	9	0
B.F.C. 2	2	-	1	1	4	5	1
Tubi	1	-	1	-	2	2	1
Morobe U.	1	-	-	1	1	2	0

POOL 2	P	W	D	L	GF	GA	PTS
P.S. Roots	2	1	-	1	1	2	3
Momase	2	-	-	2	1	5	0
Amazon Bay	2	1	-	1	2	1	3
Westpac 2	2	2	-	-	5	2	6
Watamads	1	-	-	1	0	3	0
Korion	1	1	-	-	3	0	3

POOL 3	P	W	D	L	GF	GA	PTS
G.F.C. 2	2	-	-	2	0	6	0
Gala United	1	-	-	1	1	2	0
Guria 2	2	2	-	-	5	1	6
Boroka U.	2	1	1	-	5	2	4
Waliya	1	-	1	-	2	2	1

POOL 4	P	W	D	L	GF	GA	PTS
Defence	1	-	-	1	0	2	0
Gonbogh	1	-	1	-	1	1	1
Hoods	2	1	1	-	3	2	4
P.M.G.H.	2	1	-	1	3	2	3
Oruka	1	1	-	0	3	3	3

Enga daunim namba bilong klap

NAMBA bilong ol klap husat bai kik long ol resis bilong Enga soka long dispela yia i go daun gen.

Long las yia i bin gat 10-pela klap. Tasol nau i gat 8-pela klap tasol i givim nem. Long wan wan divisen, planti tim i bung wantaim ol arapela lain bilong wokim ol tim.

Presiden bilong Enga Soka Asosiesen, Ananias Popo i tok namba wan kik bilong sisen propa bai stat long dispela wiken, Sarere 7 na Sande Mas 8, 1992. Ol tim bai kik long tripela divisen bilong ol bikpela man (sinia), ol yangpela (junia) na bilong ol meri (wimens).

Long sinia divisen, Elcom bai bungim Tarakum long bikpela gem bilong wiken long Graun 1. Long wankain taim long Graun 2, Kumuls bai bungim Luteran Yut.

Orait long kik bilong ol meri pastaim long dispela long Sarere, Luteran Yut/Yab E bai meknais long bun bilong ol meri Kumuls long Graun 1 na Teachcom bai skulim ol meri United long kik long Graun 2.

Na long ol namba wan kik bilong Sarere, ol junia tim bai bung. Long Graun 1, Moku bai traime bun bilong ol yangpela bilong Luteran Yut. Na long Graun 2, Kumuls bai kaikai tit

wantaim ol pawaboi bilong Elcom/G.P's.

Long Sande, P.M. United na Tarakum long junia divisen bai opim ol pilai bilong Graun 1. Long Graun 2, Magani bai bungim ol lain yangpela bilong Teachcom. Long kik bilong ol meri, ol susa bilong Tarakum bai smokim ol lain meri Magani long Graun 1. Na long hap-sait, Moku bai traime rausim ol waia bilong Elcom/Tapi.

Orait long ol bikpela namba wan gem bilong wiken, United bai brukim bun wantaim ol boi Magani na Teachcom bai autim ol sampela stail oli haitim i stap long winim Moku antap long Graun 2.

Popo i tok dispela em ol namba wan gem bilong sisen na bai i moa gutpela long lukim husat inop kamapim sampela pret. Em i tok bai i gat planti nupela stail na strong long Sarere na Sande.

"Long mekim resis bilong dispela yia i kamap gutpela, mi laik askim olgeta klap husat i no baim yet ol afiliesen fi bilong ol long baim hari-ap," Popo i tok.

Em i laikim tu ol klap husat i gat hevi o komplem long lukim em o seketeri, Stuart Hayfield hariap.

PNG soka bai kisim helpim long Mas 13


PNG soka bai kisim helpim

Bipo tru i kam inap nau, PNG soka i kisim liklik helpim i kam long planti hap na kampani. Ol dispela helpim i kam olsem mani, soka bal na ol kos. Klostu taim nau, PNGFA bai tokaut long wanpela bikpela sponsa tru.

Long dispela yia yumi lukim pinis planti senta tru i stat kam bek insait long lukaut bilong PNGFA. Ol dispela senta i wok long askim nau wanem samting tru ol bai kisim long PNGFA.

Long taim dispela tokaut i kamap, em i gutpela sapos olgeta senta i kamap na lukim wanem kain helpim tru PNGFA bai givim ol aninit long dispela bikpela helpim.

Mi yet bilip olsem dispela bikpela samting bai kamap long Mas 13. Tasol, olgeta presiden i



mas opim yau na harim tru taim dispela tokaut kamap.

Jenerel seketeri

General seketeri bilong PNGFA, Andrew Waho i slip nau long haus sik. Em i pilai soka long wiken na pundaun na paitim het bilong em. Ol Docta i tok, ating em bai slip long haus sik inap tripela o foapela wik. Mi askim olgeta soka manmeri na ol poroman husat i save long em long bungim tingting na prea strong olsem em bai orait kwik.

Husat ol lain long Mosbi i laik go lukim em i ken go long wod 7

long Mosbi general hausik long bet C12.

Olgeta wok bilong em bai mi wantim tresera Mista Brendan Coombs bai traim skelim namel long mitupela yet.

Mosbi pablik sevans soka fainal

Mosbi pablik sevans soka soka fainal i stat long las wiken. Insait long ol meri, Edukesen i go stret long gen fainal. Lens bai pilaim Yuni long lukim husat bai salesim Edukesen long gren fainal. Yuni i autim ol meri PTC long salensim Lens.

Namel long ol man em PNGBC i winim DCA. PNGBC nau i go insait long gren fainal. Na DCA bai pilaim PTC long dispela wiken. PTC i bin winim Elcom long maina semi fainal.

Planti manmeri i lukim dispela

pilai i save olsem ol dispela gem i gutpela tru. Ol pilai i pilai gut na wok bilong ol referi tu i ran gut tru. I gat eria we ol referi na lainsmen bai traim long strong liklik moa long em.

Toksava i go long ol referi na lainsmen olsem...Kisim ol man i save pilai nogut long taim pilai i stat stret. Kisim ol na givim mekimsave long ol. Ol bai save na pilai gut. Olgeta arapela pilai bai lukim tu, na traim wok bilong referi na gem bai go nogut.

Ol referi na ol lainsamen tu i mas save husat ol wan wan man o meri inap pilai nogut. Olsem na ol i ken klia wanem ol kain samting em ol dispela pilai i mekim. Long taim ol i mekim, ol i ken kwiktam tru kisim em na givim stongpela toktok long em. Sapos em i mekim gen, referi i ken luksava na givim Yelo Kat long em.

Ol pilai mekim-sain nogut

Ol sampela man o meri i pilai i no save gut long mekimsave bilong soim sain nogut long ol arapela pilai o long ol manmeri i sindaun arere na lukim long pilai. O sapos yu spetim tu narapela pilai.

Mi laikim bai ol referi na lainsmen, na ol pilai tu i sekap long mekimsave bilong ol dispela kain pasin.

Las wik i bin gat sampela pilai i stap long pilai graun na mekim dispela pasin, tasol referi i no givim mekimsave long ol. Dispela pasin inap statim trabel. Olsem na ol referi i mas klia long mekimsave bilong em, na autim tiket bilong husat i ting dispela kain pasin em i gutpela long mekim.



Stail bilong stilman ya • Top straika bilong Yunivesiti, John Forova long raithan i supim lek i go insait pinis long stillim bal long pilai bilong Wanzesi. Ating dispela i mas stail bilong ol stilman ya. Tupela tim ya i bin bung long pri sisen gem bilong Mosbi soka resis long las wiken. Foto : Ivan Bayagau.

Kokopo soka bai bagarap sapos hevi bilong fil i no stret hariap

KIK resis na stail bilong wanpela liklik soka asosiesen husat i gat biknem long nesanel soka inap bagarap sapos hevi bilong fil i no stret hariap.

Ripot i kam long opis bilong distrik menesa i tok Kokopo Soka Asosiesen bai yusim tasol wanpela fil long Vunapope long holim ol kik bilong en. Na ol kik bilong pri sisen bai stat long dispela wiken.

Presiden bilong Kokopo Soka Asosiesen, Mathew Palah i tok sapos ol i no painim wanpela fil hariap, ol bai sotim namba bilong ol tim i kik long sisen propa.

Em i tok long dispela wiken, ol namba wan kik bai kamap long Vunapope fil. Na i luk olsem bai i gat kik bilong ol primia man tim, ol meri na ol giaman gem bilong ol junia.

Hevi i kamap long wanem ragbi lig bai tekova nau long Kokopo fil na yusim.

Ol ripot bilong las wik i tok dispela i kamap long wanem Is Nu Briten Ragbi Lig i gat planti klap na tim tumas long dispela yia.

Tasol narapela ripot gen i tok olsem wanem samting distrik menesa, Aron Maramun i mekim i bin wansait tru. Em wanpela tasol olsem siaman bilong trasti we i lukautim fil i bin raitim pas na givim tok orait long Is Nu Briten Ragbi Lig i yusim fil. Na i no bin kisim tingting bilong ol arapela memba bilong trasti.

Ol ripot i tok dispela ol hevi i kamap bhain long wanpela nupela ragbi lig klap, Kokopo Panthers, i salim pas i go long distrik menesa na askim em

long yusim Kokopo fil. Tasol Maramun i tanim na bekim dispela pas i go stret long lig na oraitim ol long yusim fil.

Wantok Niuspepa i no inap kisim toktok bilong distrik menesa long dispela bikos em i stap skul long yunivesiti long Lae (Yunitek).

Ol ripot i tok wanem samting Maramun i mekim i rong. Bikos em i no bin kisim tingting bilong ol arapela memba bilong trasti. Em i bin wokim samting long laik bilong em yet.

Ripot i tok, "Wanem samting i kamap nau long dispela fil bai bagarapim tru ol soka na sofbal gem. Dispela tupela pilai bai surik i go we tru.

"Ating long sofbal bai i orait, tasol olsem wanem long soka nau tasol i laik stat. Wanem samting yumi mekim em long kilim tasol soka long Kokopo."

Long dispela as, asosiesen bai sotim tasol namba bilong ol tim bilong kik long dispela yia.

Kokopo Soka Asosiesen i save karamapim ol tim stat long Putput plantasin i kam inap long Vunapope na Kokopo.

Long las wik, 4-pela klap tasol i bin soim laik long kik long dispela sisen. Tasol nau i gat sampela nupela tim gen i givim nem. Dispela ol tim em Channel Koles na Murisi tim bilong ol lain Siassi long Is Nu Briten provins. Na dispela i bringim namba bilong ol klap i go antap olgeta long 6-pela tim.

Air Niugini soka tim long Madang i no amamas long giaman promis

MICHAEL KANAKO i raitim

OL OPISAL bilong Air Niugini soka klap long Madang i no amamas tumas long ol provinsal lida, na bisnis kampani long Madang i bin mekim ol giaman toktok long sponsorim tim bilong ol long go pilai insait long Madang Soka Asosiesen resis bilong dispela yia.

Mipela les pinis long harim ol promis ol dispela lida i wokim. Ol i tok long helpim mipela long mani samting bilong ranim klap, tasol promis bilong ol i popaia nating, Julius Mandoma, kosa bilong Air Niugini soka klap i tok.



Mandoma i tok tim bilong em tu i nupela tasol long pes bilong Madang Soka Asosiesen, olsem na em (tim) bai laikim planti sapot i kam long ol

sponsa na husat ol lida i tok long helpim ol.

Mandoma i tok em wok bilong ol opisal bilong klap long painim ol sponsa i kam long ol bisnis kampani na ol lida. Tasol taim ol i save go long lukim ol dispela lain, ol i save tanim baksait na pasim dua long ol.

Tasol kosa Mandoma i tok dispela bai i no inap stapim soka klap bilong em long lukluk long ol arapela we bilong painim mani. Em i tingting nau long askim ol pilai bilong em long wokim wanpela komyuniti projek long bungim mani bilong klap.

Air Niugini soka klap i gat planti pilai husat i no gat wok, na i stap nating long ol ples olsem long ples balus, James Barnes Keneri na Wagol setelmen long Madang. Dispela em wanpela hevi tu bilong klap.



Pablik seven gren fainal kik i wok long kam klostu

PRILIMINERI fainal kik bilong pablik sevan soka long Mosbi bai go het olsem long dro.

Kain kain toktok i bin kamap long dispela wik bihainim komplem em Elcom i givim long asosiesen. Ol pawaboi i bin komplem olsem win bilong PTC, 4-2 las wiken i no trupela. Long wanem, PTC i bin yusim planti PMSA pilaia.

Tasol insait long kibung bilong em long dispela wik, ol eksekyutiv bilong asosiesen i tokaut olsem kik bai go het. Na PTC bai bungim DCA long prilimineri fainal.

Olsem na prilimineri fainal kik bilong dispela wiken bai kamap long Sarere. Olgeta kik bai kamap long Klab Jemania.

Namba wan gem bai stap namel long ol susa bilong Yunivesiti na ol lain muruk bilong Lands.

Dispela bai i wanpela gutpela kik tru bilong lukim. Bikos Lands, husat i bin lus long gem bilong en las wiken bai i laik bekim dinau. Tasol bel bilong

ol susa bilong Yunivesiti tu i hat pinis. Olsem na ol bai i laik pinisim olgeta mit bilong ol meri Lands.

Lands i gat ol gutpela pilaia long fowat na beklain wantaim. Na sapos ol inap yusim gut liklik roket ya Norah Gau long fowat, umben bilong ol sumatin meri bai paia klostu klostu. Norah i no inap wari tumas bikos long buldosa bilong em, Elizabeth Kilingit bai lukautim baksait bilong em long ol birua.

Ol arapela meri husat bai helpim Kilingit na Gau em Hellen Gandhi, Anna Saliu na Veronica Ina. Veronica tu em wanpela meri ol lain bilong Yunivesiti i mas was gut. Bikos taim em i bung wantaim Norah, bikpela birua inap kamap.

Long sait bilong Yunivesiti, Lina Waho na Cathy Davani bai go pas long tim. Tupela susa ya wantaim i save ron long franlain. Olsem na sapos Gandhi i no was gut, umben bilong Lands bai solap.

Long helpim Lina na Cathy long bal em Jennifer Popat na Nellie

Popeu. Dispela tupela meri bai givim ol bom bilong Cathy na Lina long bomim ol meri Lands.

Win bilong dispela pilai bai kam long tim husat i sanap strongpela banis na lukautim pilai gut long midfil. Husat i win bai go bungim Edukesen long gren fainal neks wik.

Olsem na long Lands, dispela wok i stap long Kilingit. Na long Yuivesiti, dispela wok i pas long bros bilong Jennifer na Nellie.

Long bikpela kik bilong ol man long apinun, DCA aninit long lukaut bilong kosa Benjamin Harry bai bungim ol boi bilong Gabriel Pise long PTC.

PTC husat i bin winim Elcom long las wiken bai kamap gen long givim wankain marasin long DCA. Tasol ol i mas lukaut gut olsem ol i no ken traim kamapim wankain asua olsem las wiken.

DCA i bin kamap gutpela pilai long sisen na ol i no pundaun olgeta yet. Maski PNGBC i bin daunim ol las wiken, Molean Pouru, Kanawi Popal na Bobby Hemboring bai go pas long tim long daunim Pise na ol lain bilong em.



• Robot o samting? - Cathy Amos bilong Yunivesiti long raithan i pasim gras na luk olsem birua stret. Robot meri ya laik rausim bal long birua bilong PTC long fainal bilong Mosbi Pablik Sevan soka resis las wiken. Cathy wantaim ol wan pilaia i strong na win 3-1. Yuni bai bungim Lens long dispela wiken, na wina bai bungim ol meri Edukesen long gren fainal. Foto : Ivan Bayagau.

Morobe na Kokopo bungim hevi

WANPELA bikpela hevi em soka long Papua Niugini i save bungim em long ol pilaia i kalap nating i go kik long narapela asosiesen. Na i no kisim tok orait bilong mama asosiesen bilong ol na Papua Niugini Futbol Asosiesen (PNGFA).

Aninit long lo bilong PNGFA, President Peter Mommers i tok dispela i no inap kamap. Sapos wanpela pilaia i laik go kik aninit long narapela asosiesen, orait em i mas kisim tok orait bilong mama asosiesen bilong em. Na asosiesen we dispela pilaia bai kik long en tu i mas kisim tok orait bilong PNGFA.

Tupela asosiesen husat i bungim bikpela hevi long dispela long las yia em Morobe Country na Kokopo Soka Asosiesen.

Ol ripot i tok ol pilaia bilong Morobe Country bai kirap go kik long Lae Futbol Asosiesen. Na bihain go bek long Morobe Country.

Wankain samting i kamap long Kokopo Soka Asosiesen. Ol sinia pilaia bilong Kokopo i save lusim mama asosiesen bilong ol na go kik long Rabaul. Na bihain ol bai kam bek gen.

Dispela i kamap olsem wanpela hevi, bikos nem bilong ol dispela lain pilaia i stap aninit long mama asosiesen bilong ol. Na wanem samting ol i mekim i brukim tasol lo bilong kik.

Long dispela as, Mommers i tok, PNGFA i laik stat nau long givim I.D. kat long olgeta pilaia. Nem bilong ol bai kamap tasol long lista bilong asosiesen em ol i memba long en. PNGFA bai stat givim ol I.D. kat long Mas 31 1992.

NCD PUBLIC SERVANT SOCCER CLUB GERMANIA

SARERE: 7TH MARCH 1992

Time	University	Fixtures	Lands (Women)
1.30 pm	DCA	vs	PTC (Men)
3.00 pm		vs	

Printed and published by Anna Bernadette Solomon, of Bitten Place, Gordons, at Allotment 2, Section 209, Ilohola.

B&H

BENSON
and
HEDGES

B&H




NO KEN SALIM

RUGBY

Namba 38

Fonde Mas 5, 1992

NIUS



MOSBI WES GAT MOA SANS - pes 2

Goroka stail • Pilaia bilong Siane Panthers i bungim strongpela takel bilong Tarangau long A gret pri sisen resis bilong Goroka lig long las wiken. Tupela tim ya i bung long Danny Leahy Oval na Tarangau i win 32-22. Poto : Sape Metta.



Major Sponsors of
Port Moresby Pre
Season Rugby
League 1992.

Wes gat moa sans long 1992

LEO WAFIWA i raitim

TARANGAU 90%

Olpela Mosbi Winfield Lig primia tim, Sparka Tarangau i mas pait strong moa sapos em i laik winim primiasip taitel long namba tu yia. Bikos nau yet em i lusim namba wan kosa bilong em, John Wagambie. PNGRFL i makim pinis Wagambie olsem Kumul kosa, husat i tekova long Skerry Palanga.

Tarangau i no pilaim gutpela gem tumas long pri sisen resis. Em i lusim pinis tupela pri sisen gem egensim birua bilong gren fainal long las yia, Fairdeal Wes. Long namba tu wiken em i dro wantaim nupela tim, Seagulls. Las wiken tasol em i resistaim namba wan win egensim ol boi Porebada 30-20.

Klap bai lusim liklik sevis bilong ol nem pilaia olsem kepten Richard Wagambie wantaim namba wan fowat Kaibel Kanaka, na stail faiv et Elias Paiyo long sampela taim long sisen. Kaibel na Wagambie i stap insait long Kumul na Inta Siti tim, na Paiyo i stap insait long Vipers tim.

Wagambie i save putim paia long beklain bilong Tarangau husat i winim tru ol arapela tim long tromoi bai i go i kam na go skoa. Tasol ol arapela pilaia olsem Danny Eri, Soga Dabema, Antony Mond, Joe Mainde na fulbek Darius Raki i stap long strongim beklain.

WES 100%

BIKPELA bilip i stap olsem Wes bai go insait gen long gren fainal bilong 1992 sisen. Em i bin go insait long gren fainal long tupela yia samting na i no winim gen.

Wes i gat inap pawa long go insait long fainal. Em i winim olgeta pri sisen gem pinis long gutpela skoa stret. Maski sapos ol nem pilaia husat i stap insait long Kumul na Inta Siti Salens tim olsem faiv et Tuksy Karu, huka Danny Moi na senta Joshua Kouoru i no stap, Wes i save paia yet wantaim ol arapela nem na risev pilaia. Las wiken em i autim tiket bilong strongpela tim, Hastings Deering Difens wantaim gutpela skoa.

DIFENS 85%

Difens em wanpela tim husat i gat planti ripresentativ pilaia olsem Kera Ngaffin, Kes Paglipari, Jack Uradok, na Johannes Kola. Las yia Tarangau i stapim sans bilong em long go insait long gren fainal long mesa semi fainal.

Tasol bikpela driman bilong ol soldia em long go insait long gren

fainal gen na winim olsem ol i bin mekim egensim Brothers long 1990.

Wantaim gutpela sevis bilong ol pilaia olsem faiv et Tonnt Daple na huka Alex Togola husat i soim pes, Difens i gat 85 pesen sans long go insait long fainal.

SOUTHS 85%

Souths em nupela tim husat i joinim resis long las yia tasol. I gat bilip olsem ol bai go pas long pri sisen resis. Aninit long lukaut bilong kosa Buddy Dou, i gat bikpela bilip olsem ol kas bilong Sauten Hailans bai go insait yet long fainal.

Nau yet stail faiv et bilong Paga i joinim ol pinis, long givim sampela ekspirians long tim. Olsem na sans bilong ol i sruk i go antap

DCA 75%

DCA aninit long lukaut bilong kosa Tara Gau i no soim pawa yet long pri sisen. Tasol long pri sisen bai pawa na stail bilong em tru i kamap, olsem em i save mekim long olgeta sisen.

Ol nem pilaia i no kisim yet fil bikos long bagarap. Las yia em i pinis long gutpela posisen namel long lata. Na sans bilong em long go insait long fainal i wankain yet.

SEAGULLS 70%

Seagulls em nupela tim tasol long dispela sisen. Tasol ol nem pilaia olsem Kumul kepten Stanley

pilaia olsem Robert Akunai, Dominic Bre, Jackson Pawa na Felie Tapie.

Long beklain em ol pilaia olsem faiv et Aquila Amil, hap bek Robert Bulu, tupela senta Tom Jones na Ford Ningints na winga Sarangap i mas wok moa nau.

Sans bilong ol long go insait long fainal i gutpela yet bikos long ekspirians.

HAWKS 65%

Hawks i gat wankain pesen sans olsem Brothers bikos em istat pilaim gutpela gem nau long pri sisen resis Sapos dispela i soim sampela sain, ol arapela tim i mas lukaut. Ol boi bilong ples Hanuabada i save kam wantaim sapot long Lloyd Robson oval. Na dispela em wanpela gutpela

bikos em i soim sains pinis long pri sisen olsem em bai i wanpela strongpela tim, wantaim sevis bilong ol nupela pilaia.

KONE TIGERS 50%

Charlie Maiva long faiv et posisen bai go pas long Tigers long dispela yia. Tigers i mas pilai strong moa bikos em i lusim pinis sevis bilong tupela top pilaia bilong em, Stanley Haru na Laho Mafu husat i joinim pinis nupela Seagulls tim. Na nem senta pilaia, Dilu Roberts tu i joinim pinis olpela klap bilong em, Tarangau.

Tasol em i gat ol arapela gutpela yangpela pilaia i stap. Tasol ol i mas pilai strong moa. Fowat lain i no gat inap pawa tumas.

PAGA PANTHERS 40%

Paga Panthers i bin wanpela strongpela tim long las yia. Tasol dispela yia em i lusim ol gutpela pilaia bilong i go long ol arapela klap olsem Air Niugini na Souths. Dispela tasol i daunim tru sans bilong tim.

Tru em i gat ol gutpela junia pilaia long kisim ples. Tasol ekspirians bai stapim sans bilong ol long winim planti gem.

Nau yet ol junia pilaia bai kisim sapot bilong ol nem pilaia olsem fulbek Paul Nelson, senta Anet Rolly, insait senta Lohia Ben Moide, Tom Gilbert, na Christ Peter. Christ Peter bai strongim pilai long fowat lain.

WALIYA 30%

Waliya i gat ol gutpela pilaia. Tasol sans bilong em long go insait long fainal i no gutpela tumas.

Tru olsem em i gat ol gutpela hevi fowat na beklain pilaia. Tasol ekspirians tasol i mas wanpela asua bilong klap. Tasol long tupela yia samting, Waliya bai kamap wanpela strongpela tim.


ROYALS 20%

Vipers fowat husat i save pilai long Brothers long las yia, Weka Lae i joinim pinis ol plisman. Weka bai bungim stail wantaim ol arapela fowat pilaia olsem Michael Teke.

Tasol ol pilaia i gat hevi yet long winim ol strongpela gem, sapos ol i laik go insait long fainal.

Ol plisman i mas mekim moa trening, na painimaut gut stail bilong winim gem.

Sans bilong go insait long fainal bai i no gat. Tasol sapos ol i pait strong, ol i ken abrusim Wali, Panthers na Tigers long pinis antap liklik long lata:



• Tupela lapun pilaia bilong Air Niugini, Bob Tolick (lephan) na Tony Kila long raithan wantaim nupela kosa John Harangu long namel i amamas long nupela sponsa bilong klap i kam long Coca Cola kampani. Air Niugini i gat gutpela sans long lukim fainal, tasol em i mas stretim sampela asua pastaim.

nau long 85 pesen.

AIR NIUGINI 80%

Air Niugini wantaim gutpela sponsasip nau bilong Coca Cola kampani i luk nais tru long fil. Na tu em i wanpela klap tasol husat i gat planti gutpela pilaia tru.

Sampela nem pilaia bilong Paga Panthers olsem fulbek John Ben Moide, senta Arua Ben Moide, fowat Steven Manas na kosa John Harangu i putim moa pawa nau long klap.

Wantaim ol nem pilaia bilong klap yet yet olsem Bob Tolick, John Oeka, yangpela David Mune, Luke Andrew, smok balus winga Ama Magalio na lapun Kumul pilaia, Joe Gispe, ol PX boi bai paia stret i go insait long fainal.

Air Niugini i sindaun long stret-pela rot nau, tasol nupela kosa klap i mas stretim ol asua bilong em yet.

BROTHERS 65%

Sans bilong Brothers i go daun bihain long nupela tim Seagulls bikos em i no gat gutpela beklain. Dispela em wanpela bikpela hevi bilong tim. Long fowat lain em Brothers i gat wanpela strongpela lain ap wantaim go pas bilong ol

samting long sapotim tim sperit.

Tasol klap i mas stapim hevi bilong jeles nabaut namel long ol yet, sapos em i laik mekim nem gen.

Kumul fulbek na senta, Philip Boge i save stap insait long olgeta muv long skoarim trai. Tasol fowat lain i no hevi tumas long brukim banis. Dispela em bikpela hevi bilong klap. Klap i mas painim sampela bikpela hevi fowat pilaia.

Tasol em i save pretim ol top tim tu wantaim sevis bilong ol pilaia olsem tupela senta Olive Frank na Olivai Gavera, fulbek Vani Tora na faiv et Tim Vahere. Olsem na sans bilong ol boi Hanuabada bai stap long 40 pesen samting.

MADANG 50%

Magani i gat gutpela sans moa long Tigers, Panthers na Waliya

Ol referi mas mekim tes bipo ol i lukautim gem

PNGRFL i bin kamap long wanpela tokorait long las yia olsem olgeta referi i mas sindaun long eksem o tes long olgeta yia, bipo ol i stat lukautim ol gem.

As bilong kamap long dispela tokorait em long mekim ol referi i no ken lus tingting long sampela rul bilong gem, na tu long wanem kain we ol bai karimaut ol dispela rul.

Nau yet i luk olsem ol referi bai i no inap bihainim dispela tokorait bilong PNGRFL. Bikos pri sisen i stat pinis long sampela senta, na i ran long tripela wik nau. Tasol no gat wanpela referi i sindaun yet long eksem bilong ol.

Edministrata bilong ol referi i mas stat wok nau, na kisim

WAGAMBIE'S

WHIP



olgeta referi i kam bung long mekim eksem bilong ol.

Wanpela yangpela man husat bai mekim nem nau long referi em Alphonse Pu, husat i stadi nau long Inglan.

Alphonse i bin lukautim ol gem bilong namba tu divisen (wankain olsem ol risev gret long hia) stat long taim em i kamap long Britis Amatua Ragbi

Lig Asosiesen (BARLA), Inglan long Ogas, 1991.

Dispela yia ol i promotim em i go antap referi long namba wan divisen (wankain olsem A gret o Inta Siti kompetisen).

Ripot i kam long Alphonse i tok gutpela bekim i save kam long ol pilaia. Ol pilaia i no save komplem long wanem tokorait referi i mekim long fil.

Kepten bilong ol tim tu i save

go na askim gut referi. Ol i no save kros long disisen bilong referi. Ating dispela i mas tru. Bikos long BARLA, i no gat rul bilong salim pilaia i go long sin bin. Sapos wanpela pilaia i mekim paul pilaia, referi bai salim em i go ausait olgeta long fil.

Long tripela gem Alphonse i bin lukautim, no gat wanpela pilaia o kepten i kwestenim disisen bilong em.

Ol gem long hap i save kamap strong moa. Tasol yu i no inap long lukim wanpela paul pilai i kamap.

Alphonse bai kam bek long PNG long mun Julai bilong dispela yia. Na mipela bai lukim dispela yangpela man i soim

sampela gutpela stail bilong lukautim ol pilai long profesinel pasin. I gat bikpela bilip olsem em bai bihainim lek bilong namba wan referi bilong PNG, Graham Ainui.

Mipela mas sapatim Alphonse na olgeta referi insait long kantri. No ken lus tingting olsem sapos i no gat ol referi, ol gem bai i no inap long kamap.

Las yia na sampela yia i go pinis, ol sapota i bin paitim Alphonse na ol arapela referi. Sapos mipela mekim olsem yet, mipela bai i no inap lukim moa sevis bilong ol referi.

Na hevi bai kamap bikpela moa sapos ol referi husat i no gat inap save i tekova long lukautim ol gem.

Hawks lukaut!

LAS raun bilong Mosbi pri sisen resis bai kamap long dispela wiken, na tripela tim i win sans pinis long autim K500 wan wan long dispela K2,000 prais mani em Win Moni kampani i sponsorim.

Ol dispela tim em Souths, Fairdeal Wes na Coca Cola Air Niugini. Souths i go pas nau long resis wantaim 189 pesen, Wes i ran bihain wantaim 185 pesen na Air Niugini wantaim 184 pesen.

Foapela top tim bai winim K500 wan wan. Ol arapela tim bai i no gat prais.

Tripela top tim nau i gat bikpela sans long winim gem bilong ol long dispela wiken, na bai autim K500. Air Niugini bai traime pawa bilong Waliya long Sarere Mas 7, na long Sande Mas 8 bai Souths i givim sampela het pen long Magani, na Wes bai traime pawa bilong nupela Seagulls tim.

Hawks tasol i mas pait strong moa, bikos em i gat longpela pesen yet longwe long namba tri tim wantaim 148 pesen. Bikos sapos em i win o i no win long bikpela skoa, Kone Tigers na Difens husat i ran bihain tasol inap tekova long em.

Ol boi Hanuabada bai bungim strongpela Brothers tim long bikpela gem bilong Sarere Mas 7 long 4 klok apinun. Lukluk long tripela gem i go pinis, Hawks bai winim Brothers sapos em i strongim yet stail bilong em olsem las wiken egensim Kone Tigers we em i win 32-

18.

Brothers i gat ol strongpela fowat bilong em olsem tupela Bre brata, Ben na Dominic, Isaac Rop, Fred Leo, Belden Tabie na Peter Metta.

Hawks i no gat ol hevi fowat tumas olsem Brothers. Olsem na dispela bai helpim Brothers long strongim fowat lain, na helpim ol beklain pilaia olsem fulbek Wilson Mavoko, Tiutam Plankey, David Sarangap, senta Thoa Ravu na Eric Kuman long skoa.

Bikpela sapot bai i kam long tupela pilaia ya, faiv et Morokas Aminio na hap bek Robert Bulu.

Tasol lukaut long stail bilong Hawks long tromoi bal i go i kam insait long takel. Hawks i lusim sevis bilong Philip Boge husat i stap insait long Kumul trening kem long Goroka stat long las wiken.

Tasol ol pilaia olsem fulbek Vani Tora, tupela senta Olive Frank na Ovia Gavera, faiv et Tim Vahere bai pait strong long lukautim pilai.

Long fowat lain bai ol pilaia olsem Pori Kohu, Tarata Hitolo, Agalu Gavera ba Vani Tom bai bungim strongpela mekimsave bilong Brothers.

Long ol arapela A gret gem wiken bai yu lukim primia tim Sparka Tarangau bai rausim tiket bilong Paga Panthers long Sarere, na long Sande bai ol soldia boi i bagarapim sindaun bilong ol plisman long Royals, na ol boi Porebada bai traime stail bilong Kone Tigers.



• Mala Soi bungim salens : Mala Soi (Itephan) bilong nupela Seagulls tim long Mosbi Winfield Lig resis i laik autim bal, tasol birua bilong Brothers i kamap pinis long baksait. Tasol Seagulls i bihainim gut olgeta skul bilong kosa Steve Malum na nekim Brothers 32-18. Foto : Ivan Bayagau.

Ol nem pilaia joinim o nupela tim olsem:

LONG ol lig sapota insait long Mosbi siti husat i save bihainim ol pilaia, RLN i laik helpim kliaim yupela long ol pilaia husat i kalap i go long ol arapela tim, na pilai we nau.

Hia em nem bilong ol na wanem klap ol A gret pilaia ya i pilal nau:

- Kumul kepten Stanley Haru wantaim yangpela faiv et Laho Mafu na bikpela fowat Haraga Warike i joinim pinis nupela Seagulls klap. Olpela nem Kumul fulbek pilaia, Steve Malum i kosim dispela tim.
- Narapela Kone Tigers pilaia husat i ranawe em Dilu Roberts. Roberts i joinim bek olgeta klap bilong em, Sparka Tarangau.

- Long Paga Panthers em planti pilaia i lusim na go pilai nabaut. Ol dispela pilaia husat i ranawe i go joinim Coca Cola RLC em Steve Manas, Daroa Ben Moide (husat i go pinis long Australia long pilai long hap), Arua Ben Moide, John Ben Moide, huka Miria Tau na kosa John Haranagu.
- Wanpela Panthers pilaia husat i go bilong em yet em

stail faiv et Luke Waldiat. Waldiat bai kamap wanpela namba wan faiv et long bihain taim. Em i gat nem pinis long makim Mosbi Vipers tim long Nissan Wol 7 asait tonamen long Sidni, Australia long Februeri, 1992.

- Simon William bilong Souths i joinim nau Tarangau long hap bek posisen.

- Long Brothers em wanpela strongpela fowat bilong Magani long las yia, Robert Agunai i joinim em pinis. Agunai i putim moa paia nau long fowat lain bilong Brothers.

- Agunai i kisim ples bilong Vipers fowat, Weka Lae. Weka Lae i joinim nau Royals RLC. Las wiken Weka ran i go insait long Lloyd Robson Oval long blupela yunifom bilong ol plisman.

Ol arapela pilaia husat i joinim ol plisman em ol pilara bilong Hawks, olsem Bao Morea, Heni Vaki na Kevau Igo.

- Na Waliya i gat gutpela sevis nau bilong junia Sauten son pilaia long las yia, Bob Kain. Bob i bin pilai wantaim narapela klap long las yia.



Pre Season League Draws



PORT MORESBY WINFIELD LEAGUE WIN MONI PRE SEASON COMPETITION FINAL ROUND

Saturday 7.3.92 WEEK FOUR

TIME	FIXTURES
12:30 pm	Tarangau vs Paga
2:15 pm	A.N.G. vs Waliya
4:00 pm	Brothers vs Hawks

Sunday 8.3.92

Time	Fixtures
10:45 am	Defence vs Royals
12:30 pm	Kone vs D.C.A.
2:15 pm	Wests vs Seagulls
4:00 pm	Souths vs Magani

PORT MORESBY WINFIELD LEAGUE WIN MONI PRE-SEASON COMPETITION TABLE AFTER ROUND 3 (OF FOUR ROUNDS)

NAME	P	W	L	D	PF	PA	PTS	%
Souths	3	3	-	-	102	54	6	189
Wests	3	3	-	-	124	68	6	185
A.N.G.	3	2	-	1	136	74	5	184
Hawks	3	2	1	-	86	58	4	148
Kone	3	2	1	-	82	70	4	117
Defence	3	2	1	-	102	98	4	105
Seagulls	3	1	1	1	78	66	3	118
Tarangau	3	1	1	1	78	80	3	98
Brothers	3	1	2	-	68	86	2	80
Magani	3	1	2	-	42	54	2	78
Waliya	3	1	2	-	64	108	2	59
Paga	3	-	2	1	76	96	1	79
Royals	3	-	3	-	52	104	-	50
D.C.A.	3	-	3	-	58	142	-	41

RABAUL WINFIELD LEAGUE 1992 PRE-SEASON DRAW

SATURDAY FEBRUARY 7TH, 1992.

Time	Fixture
2:00pm	Kokopo Panthers vs Royals
3:30pm	NGIP Muruks vs Twisties Raiders

SUNDAY FEBRUARY 8TH, 1992.

1:00pm	Seagulls vs Bala
2:30pm	Tarangau vs Crusaders
4:00pm	PTC East vs Brothers

KIUNGA RUGBY LEAGUE PRE SEASON POINTS TABLE

	MARCH 8			
1	Ambang	v	Royals	Magani 4
2	Magani	v	United	Souths 4
3	Brothers	v	Souths	Ambang 2
				Brothers 2
				United 0
				Royals 0



PRE-SEASON HIGHLIGHTS

Pictures by Ivan Bayagau



LAKI

WIN MONI

PNG'S BIGGEST MONEY GAME

WIN INSTANT CASH PRIZES

SEVIM STERLO LONG BAGARAP

PLANTI yia long Parramatta, ol i bin traim long rausim wanpela hevi long gem bilong Peter Sterling, tasol nau Eels i no wari moa long dispela.

Planti taim ol kosa i bin tokim Sterlo long no ken kisim bal na ran taim ol birua i kikim i kam. "Bikos dispela i no gutpela we bilong wanpela liklik hap bek i ran wantaim bal long bungim strongpela salens bilong ol hevi fowat," Kodineta bilong Parramatta RLC Ron Massey i tok.

Long taim bilong trening, kosa Mick Cronin i save tokim ol risev na A gret pilaia long lusim dispela kain pilai. Tasol Sterling save statim pilai long wanem kain we em i laikim. Dispela em long ketsim bal em birua i kikim na ran i go bungim salens.

"Nau em (Sterling) save ketsim bal na givim long ol arapela fowat pilaia long ran. Tasol bipo em i hat tru long senisim dispela stail bilong Sterling," Massey i

tok.

Long bipo taim Parramatta i save winim primiasip, bikpela Geoff Bugden i save tokim Sterlo long sem samting tasol.

Referi bai blowim wisil bilong statim pilai we ol birua bal kikim bal, Sterling bai ketsim bal na givim sisti i go insait long strongpela takel bilong ol bikpela fowat. Sem taim ol sapota long saillain bai sanap opim ai na singaut wantaim.

Tasol hariap tru bai Sterling bai kirap sanap na pilaim bal, na ol bikpela fowat bai slip yet long graun.

"Dispela save mekim ol fowat pilaia bilong birua tim i no amamas tumas. Tasol em i wok bilong mipela long lukautim Sterling long no ken kisim bagarap. Tasol Sterling i no luksave long dispela," Bugden i save tok olsem long bipo.

Tasol nau em gutpela yia gen bilong Sterling. Las yia soldia bilong Sterling i bin bagarap. Olsem na em i no bin pilai long ful sisen bilong las yia.

Sterling na Brett Kenny em tupela olupela nem pilaia bilong Parramatta RLC husat i stap yet. Planti sapota i ting tupela i lapun na mas risain. Tasol dispela i no tingting bilong tupela.

"Lukim, Freddy i save olsem Sterling na Kenny i no ken kisim wanpela bagarap. Tupela i mas stap wantaim gutpela helt sapos mipela i laik mekim wanpela samting," Massey i tok.

"Mipelai gat planti gutpela pilaia, na tupela em tupela sempion bilong mipela.

"Top sait bilong mipela i gat stail bilong pilai long winim wanpela birua tim. Tasol mipela laikim olsem planti pilaia i no ken bungim bagarap long bodi.

"Dispela i bin wanpela bikpela hevi em ol sta o nem pilaia bilong mipela i bin bungim.

"Tasol dispela sait i ken skoarim trai. Mipela i no gat ol strongpela fowat pilaia tumas, tasol ol bai wok strong long skoarim trai."

Brett Kenny na Mark Laurie em tupea sinia pilaia tasol long fowat lain. Greg Drake em wanpela namba wan prop pilaia na Cameron Blair husat i bin tok-tok tumas long trening i soim olsem em i wanpela namba wan pilaia egensim Canterbury long wanpela trening gem long sampela wik i go pinis.


Bikpela Pat O'Doherty em ol bikpela fowat bilong Bulldogs i pamim em nogut tru. Tasol em i pilaim wanpla gutpela gem.

"Sevis bilong Sterling na Kenny long sait sait bilong skram i givim mipela gutpela sans liklik. Mipela i gat ol yangpela blut olsem Bell na Woods husat i ken lukim wanpela hul na banis na brukim long go skoa," Massey i tok moa olsem.

"Tupela winga bilong mipela i save pinisim gut olgeta beklain pilai, na Fitzhenry em i wanpela namba wan pilaia bilong kikim gol."



• Brett Kenny - stap yet long tim



• ANTAP TRU: Peter Sterling ... I go pas long Eels. ANTAP: Sterling ... i kisim bagarap long pilai blong em yet.



• **MOSBI - Pilaia bilong Hawks i givim sisti long trai lain egensim Difens long las wiken pri sisen gem.**

Mendi makim Inta Siti tim

MENDI Winfield Lig i makim pinis 17 pilaia bilong em long pilai insait long Inta Siti Kap Salens em bai stat long Sande Mas 22.

Ol selekta i bin tokaut long tim long Mande Mas 2 long nait, na tokaut olsem tim i gat ol ekspiriens na ol gutpela nupela pilaia wantaim.

Winga bilong Kumul tim long tes gem egensim Frans Roosters long Goroka las yia, Joe Rema i stap insait tu long dispela tim. Ol arapela nem pilaia insait long dispela

tim em James Sikai, Philip Ako, Antony Tame na Kore Seeto.

Ful Muruks tim em Ruben Ruing, Francis Abba, James Sikai, Anton Mal, Joe Rema, John Kepeolu, Ware Sengiso, Pilimbo Pure, Allan Colton, Robin Tangeria, Kevin Kapipi, John Togola, JB Kapipi, Pora Nema, Philip Ako, Anton Tame, na Kore Seeto.

Ware Sengiso husat i stap insait nau long namba wan Kumul trening kem long

Goroka bai go pas long tim olsem kepten. Na namba tu bilong Sengiso em strongpela seken rowa John Togola.

Ol selekta i tok ol i makim ol pilaia husat i ken brukim strongpela banis bilong birua na skoa.

Ol tim opisal bilong las yia i kisim bek sia bilong ol. As bilong dispela em long strongim ekspiriens insait long tim. Kosa em Andi Akivi husat i gat namba bilong provinsal level 2 kosa, trena em Mathias Kombra, tim

menesa em Andrew Meles, na tim dokta em Dokta Sam Mesol.

Tim i statim pinis trening bilong em stat long Mande apinun. Nau yet i no gat ripot olsem ol pilaia i bagarap.

Mendi Muruks bai go long Goroka long pilaim namba wan gem egensim Goroka Lahans long Mas 22.

Ol opisal bilong Mendi lig i makim olsem tim bilong ol bai pilai gut liklik long dispela yia, tru olsem em i namba tu yia bilong ol long dispela strongpela resis.

Pasin bilong pait long fil bikpela nau Royals redi long Tabubil

OL lig sapota long Mendi i no amamas long stended bilong referi na ol sait lain referi o lainsmen.

Ol dispela pilaia i tingting planti nau long laip bilong ol pilaia. Bikos ol referi i no soim olsem ol i lukautim pilaia insait long fil. Na tu ol referi i no save soim disiplin bilong ol.

Sampela sapota i autim tingting bilong ol i go long RLN. Planti sapota i tok fil i kamap nau olsem ples bilong pait namel long ol sapota na pilaia husat i gat sampela kain hevi bilong ol yet long stretim.

Wanpela fultaim sapota husat i save kamap long fil olgeta wiken, Gerry Wambu i tok stended bilong o referi long lukautim gem i pundaun tru.

Long dispela as na ol referi i no soim olsem ol i gat ful pawa long lukautim gem insait long fil. Mekim na planti taim ol sapota i save bel kaskas long dispela, na kirapim pait.

Long mekim dispela hevi i go bikpela olgeta, ol pilaia i no inap long pilai gut. Bikos ol i kisim tok nogut o narapela pilaia i paitim em nating, na referi i no inap mekim wanpela samting long dispela.

Wambu i makim olsem sapos dispela pasin o hevi i stap yet, stended bilong pilai long Mendi bai pundaun olgeta. Sapos ol pilaia na sapota i praktis yet long pasin bilong yusim han insait long fil long pait, ol referi bai i no gat moa pawa nau.

IAN KAKARERE i raitim

ROYALS i trening na redi nau long 1992 ragbi lig sisen bilong Tabubil maining taun insait long West-en provins.

Ragbi lig i kamap gen nau long Tabubil bihain long wanpela yia olgeta. Bikos bikpela wok mentenesns i bin kamap long taun spot oval.

Tabubil lig sisen bai stat long Sande Mas 22. Kosa Cornell Daipo i tok Royals i lukluk long autim 1992 Tabubil primiasip taitel.

Em i tok nau yet Royals i stat mekim narapela kain trening nau. Trening bilong Royals i bihainim trening bilong Kumul tim 'Kumul conditioning programme'. Olpela nesenel kosing dairekta Keith Collins i bin putim wantaim dispela trening program.

Daipo i stapim pinis tas ragbi long trening bilong Royals na kirapim 'flag futbol', dispela em wanpela gem Collins i bringim i kam insait tu long Papua Niugini.

Daipo i tok em i save bilip long trening program bilong Kumul long mekim ol nesenel pilaia i stap fit na rere gut long pilai. Las yia em i yusim dispela trening program na helpim Tarakum long autim Kiunga primiasip taitel.

Daipo i bin stat long lainim dispela progem taim em i kosim skulbois ragbi lig, taim em i tis long Kiunga haikul. Em i tok dispela progem i gutpela long mekim ol pilaia i lainim gut stail bilong ol long pilai, na tu ol i ken pilai gut long ful 80 minit.

Daipo skruim tok moa olsem flag futbol i gutpela tru long trening. Em i tok flag futbol i wankain tru olsem ragbi lig, tasol yu no inap takel long gem.

Daipo i tok tu olsem ragbi tas i mekim ba planti pilaia i no save holim gut bal o pundaunim long pri sisen resis.

"Ragbi tas em i wanpela gutpela gem. Tasol em i no inap helpim ol pilaia i redi gut long trupela sisen bilong ragbi lig resis," Daipo i tok.

Bangkoma stailim long win bilong Uritoka Kantri

SAPE METTA i raitim

NUPELA pilaia bilong Uritoka Kantri bilong Kainantu, Petrus Bangkoma i bin pilaim wanpela gutpela gem stret na helpim tim bilong em long nekim ol plisman bilong Royals 36-14.

Tupela tim ya i bin bung long bikpela pri sisen A gret gem bilong Goroka Winfield Lig long las Sande. Dispela gem i bin kamap long Danny Leahy Oval we planti manmeri i kamap na lukim.

Olgeta taim ol Bangkoma i holim bal long han, ol pilaia bilong Royals i save sotwin

stret. Long gutpela pilai bilong em, na em i skoarim tupela bilong 7-pela trai em tim i skoarim.

Bangkoma i save ran strong tru wantaim bal. Olsem na ol plisman long Royals i painim hat tru long takelim dispela boi Kainantu.

Planti sapota i amamas tru long lukim em i ran wantaim moa spit. Na tu em i gat inap strong bilong em yet.

Long pinis bilong namba wan hap, Royals i bin go paslong skoa 16-8. Tasol Kantri i paia moa long namba tu hap na skoarim 28 poin. Ol plisman i skoarim 18 poin tasol long las hap bilong pilai. Bihain long gutpela skul i

kam long kosa John Joseph long hap taim, Kantri wantaim go pas bilong prop Danny Akepa, John Mogia, Amakore Mikihae i pilaim wanpela gutpela strongpela gem. Na dispela i helpim ol long bagarapim olgeta ol plisman.

Long stat bilong pilai, tupela tim wantaim i pilaim strongpela gem tru. Olsem na no gat wanpela poin i bin kamap long 10-pela minit i go insait long pilai.

Tasol Kantri i brukim kiau wantaim wanpela gutpela trai taim senta Timae Amele i pinisim wanpela gutpela beklain muv, na skoarim trai

12-pela mita longwe long tupela gol pos. Kik bilong tupela poin i no karim kaikai na Kantri i go pas long skoa 4-0. Dispela trai i bin kamap long 12-pela minit bilong pilai.

Tasol bihain Royals i bekim wantaim wanpela trai bilong Alex Dawa long 17 minit bilong pilai. Kik bilong gol i popaia na tupela i ran wantaim long skoa 4-4.

Long namba tu hap, tupela tim wantaim i paia narakain stret. Tasol ol Kantri boi i sanapim strongpela banis tru. Na sem taim ol i wok hat long skoarim moa trai.

Olsem na ol i winim dispela gutpela strongpela gem.



• **Stail bilong Danny Leahy Oval - Goroka : Pilaia bilong Siane Panthers wantaim bal na banis long het i givim sisti i kam antap long eria bilong Tarangau. Tupela tim ya i bung long A gret pri sisen gem bilong Goroka lig long las wiken, na Tarangau i nekim Panthers 32-22 long Danny Leahy Oval. Foto : Sape Metta.**



• **Ol pilaia bilong Tarangau i mas takelim gut tru dispela Siane Panthers pilaia. Long kain stall olsem na Tarangau i win.**

Ol yangpela blut bilong PTC East bai bungim Brothers

Rabaul statim pri sisen resis long Mas 7

RABAUL Winfield Lig bai statim pri sisen resis long Sarere Mas 7, 1992.

Na bikpela gem bai kamap namel long Brothers na PTC East long Kwins Elizeberth Park. Dispela gem bai stat long 2 klok apinun. Brothers i gat nem long Rabaul. Olsem na em bai soim East olsem em i gat strong yet, maski long hevi bilong ol pilaia.

Brothers Eksekutyutiv Opisa, Philip Alu i lusim planti gutpela A gret pilaia olsem Andrew Ruipo husat i go long joinim Royals klap long dispela yia, George Tome husat i go long Mosbi, na Biga Gamara husat i go long Goroka. Na narapela 8-pela i go joinim Royals.

Tasol dispela hevi bai i no inap stapim Brothers long bungim PTC East long dispela Sande. Alu i tok em bai yusim ol junia pilaia long Anda 19 na 17 long makim tim bilong sisen propa. Olsem na em i givim strongpela toktok long ol boi bilong em long pilaim gutpela gem long pri sisen long kamap long sisen propa.

Wanpela hevi bilong klap em long medikel sekap bilong ol pilaia, na tu long painim sponsasip.

Wankain hevi ol pilaia bilong East i gat. Tasol hevi bilong East bai i no inap stapim ol, bikos ol i gat planti gutpela pilaia i stap yet long longpela taim. Na ol i gat gutpela sans long winim dispela

gem long han bilong Brothers.

Dispela Sande Brothers bai lukluk long ol fowat pilaia olsem lok Tulo Sose, prop Jeffrey Kepori na seken rowa Peter Numbon. Ol dispela pilaia bai traim long stapim East long putim moa trai.

Bikpela helpim bai i kam long ol arapela pilaia olsem faiv et Sam Erepan, insait senta Deniel Kamo na ausait senta Junias Michael.

Ol dispela pilaia inap givim het pen long ol pilaia bilong East long dispela Sande. Sose Gutuma, Gabriel Bonga na Bernard Kake, i gat inap save long ol bikpela gem. Na ol bai yusim long i go pas long strongim banis bilong Brothers. Tasol ol i no ken pilai kaskas long East. Bikos East i gat wankain lainap. Na tu ol i gat planti gutpela na olpela pilaia husat inap long daunim strong bilong Brothers. East i mas winim dispela gem sapos em i laik pilai long fainal long winim sampela mani bilong pri sisen.

Rabaul Winfield Lig i no gat sponsasip bilong pri sisen. Olsem na Rabaul lig yet i sponsaim long K1700.

Aninit long dispela mani, wanem tim i winim olgeta tim bai kisim K700, namba tu tim bai kisim K500, namba tri tim bai kisim K300, na namba 4 tim bai kisim K200.



• Steven Baki (lephan) bilong seagulls wantaim wan pilala bilong em long railthan i bung na i laik takelim Felix Tapie bilong Brothers. Ating long kain stall bilong bungim birua long takel na ol i win. Seagulls bai kamap wanpela strongpela tim long resis bilong Mosbi lig long dispela sisen. Kumul kepten Stanley Haru bilong Kone Tigers i joinim pinis dispela tim.

Moa hevi long Madang lig

MADANG Winfield Lig i gat bikpela hevi yet long olpela menesmen. Olsem na ol interim eksekutyutiv i skruim taim bilong pri sisen, na tu long sisen.

Long dispela as na Madang Winfield Lig bai statim stret 1992 sisen wantaim sisen propa resis. Dispela em long bihainim 1992 nesenel kalenda bilong Papua Niugini Ragbi Futbal Lig (PNGRFL).

Las wik olgeta klap eksekutyutiv i kibung na makim interim eksekutyutiv long ranim opis. Hia em nem bilong ol dispela eksekutyutiv, Praivet loya Moses Miva i go pas olsem presiden, Opa Liriope olsem seketeri na Kadam i stap olsem nupela tresera. Ol dispela tripela man bai lukautim opis inap olgeta klap memba i makim nupela eksekutyutiv bihain long namba wan raun bilong sisen propa.

Las yia bikpela hevi i stap insait long wok bilong ranim opis. Planti eksekutyutiv bilong Madang Lig i paulim wok bilong ragbi lig wantaim wok politik. Olsem na dispela i kamapim sampela belhevi namel long ol pilaia na ol arapela eksekutyutiv ripot i tok.

1992 em i nupela yia. Nau olgeta lo i senis. Taim bilong klap afiliesen fi em Sande Februeri 8. Wankain taim olgeta pilaia i mas rejistaim ol

yet.

Wanem klap o pilaia i no baim dispela tupela fi bai i no inap pilai. Na tu bai lusim poin bilong sisen propa resis. Planti taim wanpela o tupela klap insait long asosiesen i kamapim hevi na skruim taim bilong pilai. Na tu planti het pen i save kamap long ol opisal na ol arapela gutpela klap.

Dispela yia Madang bai stat wantaim sisen propa olsem na olgeta klap i mas redi long statim gem long Sande Mas 21, 1992.

Nau yet nupela interim eksekutyutiv i laikim olgeta klap na pilaia long baim afiliesen na rejistresen fi hariap.

Klap afiliesen fi em K350. Na pilaia rejistresen fi em K20 long ol sinia pilaia na K10 long ol junia gret pilaia. Olgeta pilaia i mas baim dispela fi, na tu mekim medikel sekap.

Nau yet Tigers, Brothers, Air Niguni, Panthers, Tarakum na Hawks i redi long pilai long dispela yia. Tasol wanpela i no kamap wantaim afiliesen fi yet. Dispela i soim olsem planti hevi bai kamap long stat bilong sisen propa.

Tasol ripot i kam long Madang i tok planti klap i statim treningna i lukluk tasol long Mas 21. Dispela i soim olsem olgeta hevi bai pinis long namba wan raun bihain long bikpela kibung bilong ol memba na opisal.



• Pilala ya bilong Difens i givim sistl wantaim bal na yusim wanpela han tasol long pusim bikpela fowat bilong Wes. Tasol em i popala na Wes i nekim ol. Wes i ran namba tu nau long winim pri sisen resis. Ol i redi tu long autim 1992 primiasip taitel bilong Mosbi Winfield Lig.



Major Sponsors of Port Moresby Pre Season Rugby League 1992.



SIPAKMAIK

NAU OL IKAM LONG HAP PLES WE LAPUN YAH I PUNDAUN WANTAIM OL EMTI BOTOL PAESTAIM...



MAIK I SPAK LIKLIK, OLSEM NA EM PAMIM KA I GO DALIN...



OL I KAMAP LONG HAP PLES WE OL BOTOL BRUK NABAUT... KANDERE LUKIM NA BIKMAUS...



TASOL TULET, OL BRUK BOTOL KATIM TAIA PINIS... OL I NO SAVE... TAIA I FLET NA TRAK I RON KRANGI... MAIK I TING EM SPAK PINIS...



MAIK I LAIK PUTIM BREK, TASOL TRAK I RON SAIDWES NA KLOSTU OL I KAPSAIT... LAKI WANPELA DIWAI I PASIM OL...



TRIPELA KAMAUT NA SEKIM TAIA... TASOL OL I KIRAP NOGUT OLSEM KLOSTU OL I PAINIM MATMAT...



PERSONAL LOANS

Husat i halivim yu long kisim ol samting yu laikim tru?

Sapos yu laikim nupela ka o ol samting bilong haus, PNGBC ken givim yu dinau long baim ol dispela samting.

Yu mas gat gutpela wok na sampela seving long haus moni. Na i no hat tumas long bekim dispela dinau.

Askim long haus momi bilong PNGBC. Bai mipela halivim yu long kisim ol samting yu laikim emi tru!



REBO

T0 BENED RON IGO NA PUTIM ANANIT LONG POS STRET...



IAN I BELHAT LONG PILAIAS BILONG EM... EM BIKMAUS IGO LONG OL...



NAU OL I KIKIM BAL IGO INSAIT LONG POS... SKOA IGO... (SIKS-NIL) 6-0...



TIM BILONG IAN I BELHAT NAU, OL INO ISI LONG OL LAIN BILONG REBO...



OL I APIM ANDREW NA LAIK DAMPIM EM, TASOL EM TROMOI BAL PINIS...




TASOL INO INAP.. OLSEM NA EM TROMOI I GO BAKSAIT GEN...




OL SAVEMAN BILONG BISNIS YUSIM OL!


Lister




LT1 5 K.V.A.
• TOTALLY PORTABLE ENERGY SOURCE
• IDEAL UNIT FOR VILLAGE LOCATIONS



TS2 8.5 K.V.A.
• 3 PHASE OR SINGLE PHASE POWER
• COMPACT AND EFFICIENT



HR3 26.25 K.V.A.
• IDEAL COMMERCIAL BACKUP SYSTEM



CS6 58 K.V.A.
• INDUSTRIAL CAPACITY
• WILL HANDLE MAXIMUM DEMAND FOR POWER ANYTIME

Brian Bell Stores

• BOROKO — 25 5411
• LAE — 42 1433
• GOROKA — 72 1098

• MT. HAGEN — 52 1999
• RABAU — 92 1966

Phantom

Namba wan tumbuna, Phantom em Kit. Olsem na olgeta namba wan pikinin man em Kit.

Olsem wanem long namba 8 Phantom?

Ol i no inap kolim olgeta Kit.

Yes ol i ken, Ol i kolim ol Kit-Wan, Kit-Tu, Kit-Tri na bihain Kit-Foa.

Namba 4 bebi kamap wanpela yia bihain. Em tu Kit?

Bai em nogat tingting olsem ol i no lus tingting long em.

1703: Stori bilong namba 8 Phatom na 4-pela pikinini man.

Wet ... wetim mi ...

"Taim ol pikinini i bikpela .. Kit-4 i traim long mekim ol saming ol bikpela tripela brata save mekim ..."

"Taim ol i bikpela ... Kit-4 traim long joinim ol bikpela tu ..."

mi tu!

Go longwe, bebi... Bai yu kسيم bagarap ya.

Yupela mas lairim liklik brata pilai wantaim yupela. Em liklik tumas.

Em liklik, nogut em kسيم bagarap.

"Sampela taim ol bikpela brata bai mekim nabaut long liklik bilong ol."

Ketsim

NO...

"Yupela mas lukautim gut liklik brata bilong yupela."

Yes papa.

Mipela pilai tasol ya.

NEXT WEEK: TO SCHOOL?

Flash Gordon

FLASH GORDON

Wanem saming mekim dispela nais i muv gen nau.

..long tudak i kam ausait long lait bilong mun.

Hei! ... Wanpela bikpela blu kala man draivim bikpela ain baisikel i gat tripela wil ya.

Wanpela man stilim bokis long maunten antap long Planet Larga. Flash wet antap long maunten long holim pasim dispela stilman.

Em kam aut long baisikel ya long wara nau ...

Na bokis ya i hangamap long solda bilong em!!

Flaas muv i go isi tru long hap bikpela man ya i stap.

Profesa Xan i tok ol man long hia i blu ... em i no tok ol i bikpela olsem wanem.

Em i no tok long bikpela bilong em.

MICKY MOUSE



Mi no pilim wanpela pen, Goofy.

TAP! TAP!

DOCTOR PROCTOR

Tasol mi pilim. Mi pilim olsem skru bilong mi i pen nau.

No gat ya! Mi givap.

Ating yu wanpela bilong ol lain husat i no gat bekim stret.

DOCTOR PROCTOR

Mi nogat bekim, mi sem ya.

DOCTOR PROCTOR

Mi les long dispela kain ya.

HELLO! BOOT!

Helo dokta .. i gat saming olsem bekim em save kamap bihain?

DOCTOR PROCTOR

© 1991 The Walt Disney Company. All Rights Reserved.

11-17

For all your stationery and office supplies....

CHECK FIRST WITH ALU SIGNS PTY LTD


DESK TOP TYPE

New Compact Design and Operational Efficiency



LINE PRINT
2.6
LINES/SEC.

NEW!




12 DIGITS
FR-2500



12 DIGITS
FR-5200GYB


Calculators



CASIO WATCHES



MARKER HI-LIGHTERS




CORRECTING FLUID FOR OFFICE & SCHOOL




CLAY GLUE



KEY TAGS




ERASERS



SHARPENERS



RULERS



EXERCISE BOOKS




WRITING PADS

QUALITY HARD PLASTIC SUITCASE




BRIEF CASES & ATTACHE CASES




PLASTIC & GENUINE LEATHER

MATHS INSTRUMENTS




RING BINDERS LEVER ARCH FILES



PENCILS & PENS



PARKER PENS



LAMBSWOOL DUSTERS



RUBBER STAMPS ALL KINDS

...And many more!!

ALU SIGNS PTY LTD

PO BOX 7081, BOROKO PH: 25 4600 STORE NEAR BOROKO POLICE STATION

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.